

Oposisen laikim Skate i tokaut long mani

YAKAM KELO i raitim

GAVMAN i mas tokaut long amas pasbuk i hait i stap bikos taim Praim Minista Bill Skate i raun long holide las wik, em i wok long kamautim mani na givim ol manmeri na tu em i haiarim wanpela balus long kisim em raun long holide, Oposisen i tok.

Namba tu lida bilong Oposisen Chris Haiveta i askim Gavman nau long tokaut wanem hap tru sampela mani i wok long hait i stap taim kantri i sot tru long mani na Praim Minista i wok long gat mani bilong givim ol manmeri long laik bilong em.

Mista Haiveta i tok Praim Minista Bill Skate i bin tromoi moa long K100,000 long holide raun bilong em long baim balus na givim mani long ol pipel. Tasol dispela mani i no kam long rekot bilong 1999 baset olsem na em i laikim Praim Minista long tokaut dispela mani i kam long wanem pasbuk tru.

Mista Haiveta i tok sapos Gavman i gat mani i stap, bilong wanem na em i haitim na giaman pasim sampela skul bilong Yunivesiti na ol koles insait long kantri. Taim ol dispela skul i bungim hevi pinis na ol pipel i wari nogut tru, orait Gavman i kirap na rausim K10 milien long helpim ol dispela skul gen, Mista Haiveta i tok.

Lida bilong Oposisen i askim tu sapos Gavman i gat mani i stap, bilong wanem na ol i no givim K150,000 bilong wanwan Oposisen memba long Rurel Eksen Progrem (RAP) mani bilong ol long las yia. Em i askim tu bilong wanem na ol sampela Hailans provinsal gavman i nogat mani bilong karimaut wok bilong lukautim provins bilong ol long dispela yia.

Mista Haiveta i tok em i harim long sampela wokman olsem Gavman i opim planti tras akaun (pasbuk) na putim ol mani i go stap. Olsem na bilong wanem Gavman i haitim mani taim i gat planti hevi i stap na kantri i sot long mani bilong karim wok.

Em i askim sapos ol dispela mani i hait long baim vot bilong ol memba long winim vot i nogat bilip i laik kamap



• Ol Oposisen memba i autim tingting bilong ol long pasin Praim Minista Bill Skate i mekim long pasim RAP mani bilong ol na kisim mani raun long holide bilong em las wik. Oposisen bai kotim Gavman long dispela pasin. Foto: IVAN BAYAGAU.

long mun Julai egensim Skate na Lasaro Gavman.

Mista Haiveta i tok em i save olsem sampela gavman bisnis olsem Motor Vehicle Insurence Trust (MVIT) i gat olsem K50 na K60 milien i stap long pasbuk bilong ol na tu arapela gavman bisnis i gat mani long pasbuk bilong ol. Tasol Praim Minista i wok long yusim wanem mani tru long tromoi i go kam na giamanem ol turangu liklik manmeri bilong Papua Niugini olsem tru tru kantri i nogat hevi long mani na olgeta samting i ron stret, Mista Haiveta i askim. Em i askim Gavman tu long tokaut long mani bilong Aitape bagarap na mani bilong ol nesenel emejensi i stap long we.

Mista Haiveta i tok wanem mani Praim Minista i wok long yusim raun na givim ol manmeri i no stap long baset. Na dispela i no gutpela tru long

Praim Minista i kamapim hevi long baset bilong kantri.

Memba bilong Makam Andrew Baing i no amamas tru long Praim Minista Bill Skate long i tromoi klostu K10,000 long haiarim wanpela balus long karim em raun long holide bilong em long Nu Ailan na Wes Nu Briten provins las wik.

Mista Baing i tok pasin Praim Minista i ronim dispela kantri i olsem em i ronim wanpela praivet kampani bilong em yet.

Mista Baing i tok kantri PNG bai bungim bikpela hevi nau bikos bai i nogat mani bilong ronim kantri taim ol Australia bisnis i kirap rausim bisnis bilong ol na go bek long kantri bilong ol. Bikos ol i nogat bilip long dispela gavman na ol i no inap wok gut taim bisnis insait long kantri i pundaun na hevi bilong lo na oda i bikpela moa.

Mista Baing i tok Gavman i mas sanap strong long daunim hevi bilong lo na oda long kantri bikos dispela hevi tasol i pretim wok bisnis long kamap gut insait long kantri.

Memba bilong Makam i tok em i pret insait long 6-pela mun samting bai kos bilong olgeta kaikai na ol samting i go antap moa na planti ovasis bisnis bai stat long kirap long lusim kantri na go bek. Bikos ol i no inap ronim gut bisnis bilong ol long hia.

Mista Baing i tok taim ol bisnis i kirap go bek, ol wok tu i stop na planti manmeri bai lusim wok na stap bai hevi bilong lo na oda i go moa yet.

Memba bilong Mosbi Saut Ledi Carol Kidu i tok em i no amamas nau long lukim olsem dispela mak bilong demokrasi o pasin bilong mekim samting i stret bihainim lo i bagarap long kantri.

Ol ovasis bisnis redi long lusim PNG: Oposisen

JOE KANEKANE i raitim

OPOSISEN i salim wanpela tok lukaut i go long Skate na Lasaro Gavman long luksave long ol toktok i wok long kamap olsem ol bikpela ovasis kampani bai kisim olgeta bisnis bilong ol na go bek long kantri bilong ol.

Dispela pasin i soim olsem ol i nogat bilip moa long wei Skate na Lasaro gavman i wok long ronim dispela kantri.

Sedo Minista bilong Fainens na memba bilong Lae Bart Philemon i tok olsem gavman i mas luksave long dis-

pela ol kain hevi na ol i mas wokim wanpela samting.

Mista Philemon i tok olsem kantri i nidim mani long stap insait long kantri na taim dispela ol lain i lusim kantri na go, planti moa bai bihainim dispela pasin.

"Dispela gavman i mas save olsem wei ol i ronim kantri i wok long mekim planti kampani i lusim bilip long surukim bisnis bilong ol. Ol i mas traime na stretim dispela hevi long wanem sapos wanpela samting i no kamap bai kantri i bagarap olgeta," em i tok

Mista Philemon i surukim toktok bilong em olsem olgeta dei strong bilong kina i wok long go daun, prais bilong kaikai i go antap na planti ol bikpela kampani i wok lusim mani bilong ol.

Em i tok olsem luksave pasin bilong gavman i mas kamap kwik taim, long sevim dispela kantri long ol hevi i wok long kamap long wanem dispela hevi i kamap long taim dispela Gavman i holim opis olsem na ol mas painim rot long daunim dispela hevi.

"Dispela kantri i nidim wanpela gutpela man long stiaim em long dispela taim we mipela i gat hevi long mani.

Kantri i bungim hevi pinis na nau i taim long stretim dispela hevi olsem mipela i no ken bungim moa hevi," Mista Philemon i tok.

Mista Philemon i tok hevi bilong gavman long i no kisim dinau mani haraip tu i wok long mekim kantri i kisim moa hevi.

Em i tok i gat bikpela nid tru long kisim dispela mani i kam insait kwik taim tasol Gavman i no bin laik olsem na ol i wok long painim ol kainkain rot long kisim mani.

Na taim dispela i wok ong go yet, hevi bilong kantri i wok long go antap moa yet.

INSAIT



• Tokpilai wantaim Kanage

- pes 26

• Pasin nogut bilong Skate bagarapim kantri

- pes 2

• Ombudsman painim kot oda bilong Nilkare

- pes 3

• Ol Niugini Ailan nius

- pes 4

• Helt Nius - Lukautim gut bodi.

- pes 23

PLIS RIPOT

MOSBI: OL RASKOL i bin wokim stil pasin long PNGBC Intenesenel teminol beng long Jackson's ples balus long las Sande moning. Dispela em namba tu taim ol raskol i stil long intenesenel teminol beng.

Plis ripot i tok tupela raskol i bin hensapim ol woklain bilong beng taim ol i wokabaut i go long wokples long redim ol samting na wetim ol pasindia we i wok long kam long balus long Singapor long 6 kilok moning flait.

Ol i tok ol raskol ya i bin kamap long teminol long wanpela gavman ka long 6 kilok stret taim balus i kam long Singapo i kamap pinis. Ol i tok tupela raskol i bihainim ol woklain bilong beng taim ol i go long wok eria bilong ol na holim gan long het bilong ol na tok strong long givim mani i go long ol. Beng i gat foren karensi eksens opis long teminol.

Plis i tok bihain long ol i kisim mani, tupela raskol ya i bin ron i go long ka i wetim ol i stap na ol i tekov. Ol no save mak bilong mani we ol raskol ya i bin stilim long dispela taim.

HOHOLA, MOSBI: Plis i bin sutim dai wanpela raskol husat ol i bilip olsem i bilong Galp provins na holim pasim tripela long Hohola Namba 2 las wiken.

Bos bilong ol plis long Mosbi, Jeffrey Vaki i tok ol raskol i bin hensapim wanpela famili long Maranatha Baptis sios long Tokarara na stilim 15 sita bas bilong ol. Em i tok ol raskol ya i laik ronawe i go olseme long Hohola tasol plis i konaim ol. Plis i ronim ol na sutaut i akmap we plis i sutim wanpela dai, holim pasim tripela na tupela i ronawe. Plis i bin kisim wanpela strongpela rafel we ol i lodim pinis na wanpela gan ol i wokim long ples na em i gat ol katres long en.

BADILI, MOSBI: Ol raskol i bin bagarapim wanpela meri long flet bilong em long Badili las Sande. Dispela samting i bin kamap long Gorobe setelmen long Badili.

Plis ripot i tok sampela raskol i bin go insait long haus bilong meri ya na bagarapim em.

GORDONS: Wanpela raskol husat i bin traim long ronawe long plis las Sande nait i bin kisim bagarap bihain long lek bilong em i pas long taia bilong Mitsubishi Pajero ka we ol (raskol) i bin stilim na yusim long karimaut ol kriminal wok bilong ol.

Plis i tok dispela ka we raskol i bin stap long en em ol plis i bin lukim long Hohola na ol i wok long bihainim. Em i wok long ron i go olsem long Erima na taim dispela samting i kamap, ol plis na ol arapela raskol insait long ka i wok long stap insait long wanpela sutaut.

Plis i tok draiva i bin laik lusim ol raskol long Erima na ol i ronawe tasol lek bilong boskru i pas long taia na plis i sutim em na em bin kisim bagarap. Ol bin kisim em i go long haus sik long kisim marasin.

Pasin nogut bilong Skate i bagarapim PNG, Diro i tok

YAKAM KELO i raitim

PASIN Gavman i mekim long i no baim Rurel Eksen Progre (RAP) mani bilong ol Oposisen memba long 1998 i no bihainim lo na stretpela pasin bilong Gavman, Sentrel provins Gavana Ted Diro i tokaut.

Mista Diro i tok dispela krangki pasin bilong Gavman i bagarapim tru toktok bilong Praim Minista long kamapim stretpela na gutpela Gavman insait long kantri.

Gutpela rot bilong skelim mani long olgeta memba bilong palamen bai i ken wok gut na stret sapos olgeta memba i kisim mani bilong ol na i no sampela lain memba bilong Gavman tasol, Mista Diro i tok.

Sapos Gavana bilong Nu



• Ted Diro.

Ailan, Paul Tohian i kisim RAP mani bilong em bikos em i lusim Oposisen na i go joinim Gavman long las wik tasol, orait bikos em i lo man long bipo, em i mas givim bek dispela mani i go long Gavman inap olgeta memba bilong palamen i kisim mani bilong ol, Mista Diro i tok.

Ol Oposisen memba i no kisim mani bilong las yia na tu ol i no kisim mani bilong dispela yia, tasol ol memba bilong Gavman i kisim.

Dispela em i no stret tru long ol pipel bilong ol ilektoret we ol memba bilong ol i stap long Oposisen olsem Sentrel provins, Is Sepik, sampela hailans, Morobe na Niugini Ailan rijon, Mista Diro i tok.

Mista Diro i tok tu olsem pasin Ombudsmen Komisn i mekim long i no mekim wanpela toktok long dispela hevi bilong Gavman i no gutpela tumas. "Dispela pasin bilong Gavman i brukim lo long i no bihainim stret rot bilong skelim mani o nogat?" Mista Diro i askim.

Sief Ombudsmen Simon Pentanu i no stap long bekim toktok taim Wantok i laik kisim tingting bilong em long

dispela toktok. Sentrel Gavana i tok amamas long memba bilong Mosbi Saut Ledi Carol Kidu long soim straik na go kisim mani bilong ilektoret bilong em long opis bilong Fainens long las wik.

Dispela kain pasin i no ken kamap, tasol ol Oposisen memba i ken tingim dispela kain rot bilong soim straik o go long kot nau long stapim dispela paul pasin we i no bihainim lo we Gavman bilong Skate i mekim, Mista Diro i tok.

Dispela i no pasin bilong Papua Niugini long pasin bilong skelim gut samting wantaim narapela husat i stap long hevi. Dispela em nupela pasin long Papua Niugini na Gavman bilong en. Dispela rot i bilong kamapim bikpela hevi na i mas stop hariap, em i tok.

Kot wantaim Sandlain i westim mani, Oposisen i tok

OPOSIEN i tok apil kot egensim Sandlain ami bai PNG i no inap win bikos insait long kontrak PNG Gavman i bin sainim bipo wantaim Sandlain, i nogat tok i stap long apil long kot sapos kontrak i bruk.

Oposisen mausman long Jastis, Plis na CIS Samson Napo i tok long olpela agrimen we Sandlain i bin sainim wanpela Gavman bilong PNG, ol i tok sapos dispela kontrak i bruk, bai Abitresen Traibunel holim kot long wanpela namel hap, ol i makim Australia.

I nogat hap tok insait long dispela kontrak we i tok bai i gat apil sapos kot i kamap na wanem sait i win. Disisen bilong Abitresen Traibunel em fainel. Sapos kontrak i bin tok long i mas gat apil, orait apil i ken kamap, Mista Napo i tok.

Disisen bilong Gavman long kamapim apil em westim taim na mani bilong publik. Bai kantri i tromoi moa mani abrusim mani we Gavman i bin baim Sandlain bipo wantaim, Mista Napo i tok.

Dispela kot bilong Abitresen Traibunel long Australia las mun i askim PNG Gavman long baim narapela K18 milien we i stap yet long PNG. Bikos aninit long kontrak bilong Sandlain, PNG Gavman i mas baim ol K36 milien.

Mista Napo i tok Jastis Minista Simon Kaumi na Gavman bilong Bill Skate i sanapim tingting bilong ol long painim ol man ol i ting i asua long kamapim Sandlain kontrak ya. Na dispela i mekim ol loya bilong Gavman i kisim ol kain kain tingting na abrusim mak bilong kot disisen we Abitresen Traibunel i kamapim pinis.

Olsem na em i singautim Minista Simon Kaumi na Atoni Jenerel long kam aut klia na tokim kantri long wanem kain disisen bilong ol long traim apil egensim Sandlain kot we kot i mekim disisen i go pinis long sait bilong Sandlain long kisim K36 milien long PNG Gavman.

Mista Napo i tok dispela kain hait tingting bilong Minista Kaumi na Gavman long traim painim asua bilong sampela lida bilong kantri i mekim dispela kantri i tromoi planti mani i go aut nating na mekim PNG i sem long ai bilong narapela kantri.

Bihain long Abitresen Traibunel kot long Australia i bin givim disisen i go long Sandlain Intanesenel, Jastis Minista Simon Kaumi i tokaut olsem Gavman bai apil gen long stapim Sandlain long i noken kisim K18 milien bilong PNG. Na tu bai PNG i pait gen long kot long kisim bek dispela K18 milien kantri i bin baim bipo long Sandlain. Na husat lain i stap insait long dispela i mas kisim sas na mekim save

bilong kamapim dispela kontrak wantaim Sandlain na mekim PNG i lusim mani i go aut, Mista Kaumi i tokaut long las wik.

Mista Napo i askim Atoni Jenerel Michael Gene long risain long wok bilong em bikos olgeta toktok bilong em long sapatim na strongim gavman long dispela kot bilong Sandlain i no gutpela tumas. Dispela i mekim opis bilong Atoni Jenerel i no mekim tru wok bilong em, Mista Napo i tok.

Sapos Mista Gene i save olsem dispela samting i no inap wok, em i mas givim tingting long Gavman na i no ken kalap nating wantaim tingting bilong ol politik masta bilong em, Mista Napo i tok.

Mista Napo i tok Gavman i mas tokaut klia tru long ol pipel bilong kantri long amas mani tru bai PNG i lusim dispela karim dispela kot i go het yet na sapos Gavman i lus long kot, bai PNG i lusim amas mani olgeta.

Em i askim Minista Kaumi na Gavman long wok strong moa log hevi bilong mani na bisnis tude insait long kantri, hevi bilong lo na oda na planti arapela hevi bilong kantri we i wok long kamap planti nau long ai bilong Gavman tasol Gavman i wok long wok hat moa long arapela samting we i dai pinis.

Skate kisim mani we na raun long holide taim, Napo askim

JOE KANEKANE i raitim

MEMBA bilong Bulolo na namba tu lida bilong Pangu Pati Samson Napo i laik bai Praim Minista tokaut long wanem hap tru em i kisim mani na yusim long dispela wokabout bilong em long Kavieng na Wes Nu Britain provins.

Mista Napo i tok olsem em i kirap nogut tru long lukim Praim Minista i wok long tilim mani long olgeta hap em i go, taim kantri i kisim bikpela hevi long painim mani long stretim ol wok bilong rifom.


Mista Napo i tok olsem i gat sampela toktok i kam olsem dispela ol mani we Mista Skate i wok long tilim i kam long wanpela tras akaun. Em i tok dispela tras akaun i gat wok long mekim narapela samting tasol Praim Minista i mas saitim dispela mani i go long dispela wokabout bilong em.

"Sapos praim minista i stap long holide em i mas yusim mani bilong em yet givim long ol lain. Em i no stap Praim Minista taim em i kisim malolo bilong em olsem na em noken tasim ol mani bilong stet," em i tok. Mista Napo i tok tu olsem

plenti ol kaunsol, ol haus sik na skul i wok long wetim mani long kirapim wok bilong ol long dispela yia tasol ol i nogat ples long kisim mani, olsem na planti wok i stap nating.

Mista Napo i tok kain pasin bilong Praim Minista i tilim mani nambaut nabaut i no gutpela long wanem em i tromoi mani nating i go long ol lain husat i no stap aninit long rifom.

Mista Napo i tok olsem praim minista i mas tokaut klia long wanem ol eria we em i kisim dispela ol mani long tilim i go long ol pipel.



• Samson Napo.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road,

Acting General Manager and Group Editor in Chief:
Anna Solomon.
Advertising Manager:
Mike Kanin.

Papers distributed by air throughout PNG. Available by air mail subscription within Papua New Guinea and overseas

Advertising deadlines. Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Ombudsman i painim yet kot oda bilong Nilkare

YAKAM KELO i raitim

OMBUDSMEN Komisin i no inap tokaut klia sapos John Nilkare, olupela memba bilong Gumini i ken sanap resis nau long bai-ileksen bilong Simbu rijinol sit.

Ombudsmen Komisin i wok long traim painimaut sapos tripela krismas mekimsave bilong kot long rausim em long Julai 1996 i stap yet.

Long Jun 27, 1996 kot bilong Lidasip Traibunel i painim Mista Nilkare i abrusim 25 eria bilong lidasip kod o lo i banisim ol lida. Long Julai 2, 1996, Traibunel i askim Gavana Jenerel long rausim Mista Nilkare olsem memba bilong palamen na memba bilong Gumini. Olsem na Gavana Jenerel Sir Wiwa Korowi i rausim em long Julai 3, 1996. Dispela i mekim Mista Nilkare i ausait man na i no inap sanap long ileksen inap tripela krismas i pinis. Tasol Mista Nilkare i kisim judisel rivi long Suprim Kot long glasim gen disisen bilong Lidasip Traibunel na dispela kot i kamap long Februari 24 na 25, 1997. Long Epil 10,

1997, wanwan Jas (Amet, Kapi na Los) i mekim disisen bilong ol. Ol Jas i kamapim disisen olsem kot i rausim 18 eria we Mista Nilkare i asua long en. Tasol Mista Nilkare i asua yet long 8-pela eria we i no bihainim lo bilong lida. (Lidasip Kod). Long Epil 15, 1997, ol Jas i kamapim disisen olsem ol bai rausim disisen bilong Lidasip Traibunel na sasim Mista Nilkare long baim K7,000 fain long 7-pela asua bilong em (K1,000 long wanwan sas). Sief Jas Sir Arnold Amet wantaim Kubulan Los i bin wanbel long rausim kot bilong Lidasip Traibunel. Deputi Sief Sir Mari Kapi i bin sanap yet long disisen bilong Lidasip Traibunel.

Ripot bilong Sief Ombudsmen Komisin Simon Pentanu i tok ol i no klia sapos dispela kot disisen long Epil 15, 1997 i go pinis long han bilong Gavana Jenerel. Sapos dispela kot oda i go pinis long Gavana Jenerel, i nogat tok klia sapos Gavana Jenerel i mekim sampela samting long dispela.

Mista Pentanu i tok taim Suprim Kot i mekim dispela disisen, Ombudsmen Komisin i bin traim tripela taim olgeta

long kism dispela oda bilong Gavana Jenerel. Ol i bin traim tu long painimaut long loya bilong Nilkare Allens Arthur Robinson tripela taim, opis bilong Pablik Prosekyuta, Solisita Jenerel, Rejistra bilong Suprim Kot tupela taim, Opis bilong Lejislesen Kaunsel na Klak bilong Palamen. Nogat wanpela i mekim wanpela samting i klia long Ombudsmen Komisin yet, Mista Pentanu i tok.

Bikos ol dispela samting i no klia yet, dispela samting i bin go kamap long opis bilong Iletorel Komisin long salensim John Nilkare long bai-ileksen salens bilong em long Simbu rijinol sit.

Tasol John Nilkare i no amamas tru long lukim sampela lain i yusim opis bilong Ombudsmen Komisin wantaim politik tingting bilong ol long traim bagarapim em.

Mista Nilkare i tok Suprim Kot i mekim disisen pinis long Epil 15, 1997 na rausim disisen bilong Lidasip Traibunel we i bin rausim em pastaim.

Mista Nilkare i tok sapos Ombudsmen Komisin i no kism dispela kot oda, dispela i no inap stapim em long go het

long bai-ileksen kempen bilong em bikos em i sanap bihainim disisen bilong Suprim Kot we i kliaim em pinis.

Mista Nilkare i tok opis bilong Ombudsmen Komisin i nogat pawa long mekim wok painimaut long em sapos em i klia long sanap long bai-ileksen o nogat. Tasol Ombudsmen Komisin i gat pawa long sekim mi bihain long ileksen sapos mi kamap lida. Em i tok pasin loya bilong Ombudsmen Komisin David Cannings i mekim i laik bagarapim politikel sistem bilong Papua Niugini. Na dispela i soim olsem Mista Cannings na Ombudsmen Komisin i no laik wanbel olsem ol i bin lus long kot, Mista Nilkare i tok.

Mista Nilkare i tok sapos i bin gat hevi i stapim em long sanap gen long ileksen, dispela inap stapim em long i noken sanap long 1997 jenerel ileksen long Jun taim em bin resis long rijinol sit.

Lidasip Traibunel i bin rausim John Nilkare long palamen long Julai 3, 1996. Olsem na sapos em i bin stap ausait inap nau, bai tripela krismas mekimsave bilong em i pinis long Julai 3, 1999 (dispela yia).

Gavman noken yusim EDF olsem politiks mani



Bill Skate

MEMBA bilong Mosbi-Saut Ledi Carol Kidu i tok olsem em i no amamas long kain pasin bilong Skate-Lasaro gavman long yusim EDF long pulim ol memba long joinim gavman.

Emi tok dispela kain pasin bilong gavman long givim mani

long pipel husait i joinim gavman i mas stop long wanem dispela i no gutpela eksampol.

Ledi Kidu i tok olsem dispela mani em i bilong ol pipel na gavman i no gat rait long holim pas dispela mani na tilim i go long ol lain husait i mas joinim ol pastaim long ol go long gavman kem.

Em i tok, olsem em i bin wokim protes na gavman i givim mani bilong em tasol dispela i no gutpela pasin long wanem, EDF mani em mama lo i tok olsem ol memba i mas kism na taim ol i no kism ol pipel i nogat gutpela sevis i go long ol.

"Mi poret olsem dispela pasin bilong dispela gavman long yusim mani bilong ol pipel long pila politik bai bungim plenti hevi long bihain taim. Long wanem ol lida i bai bisi long strongim pawa beis bilong ol na ol bai lus tingting long krai na wari bilong ol pipel," em i tok.

Ledi Kidu i tok dispela kain pasin i no save kamap bipo na nau ol memba i luksave na i no long taim bai ol tu i bihainim dispela kain pasin, taim ol i stap long gavman.

Em i tok gavman i mas hariap long lusim dispela mani bilong ol memba olsem bai ol i ken putim i go long eria we ol pipel i wok long bungim hevi.

Kot bilong Kas hangamap yet

PETER MAIME i raitim

OPIS bilong Suprim Kot Rejistra long Waigani i no klia yet wanem taim apil kot bilong Madang Gavana, Jim Kas bai kamap.

Opis bilong kot rejistra i kism pinis apil buk bilong Mista Kas na tok olgeta samting i redi long ol loya long lukim na toktok long kot. Tasol wanpela ripot Wantok i kism i tok olsem Opis bilong Pablik Prosekyuta i laikim bai kot bilong Mista Kas i mas kamap long neks mun, Epril. Dispela em long givim ol inap taim long redim ol yet gut bikos em wanpela bikipela kot. Ol toktok i kam long opis bilong kot rejistra tu i tok olsem, planti suprim kot apil i kamap long dispela mun long Mosbi na Hagen, na ol loya

bilong Opis bilong Pablik Prosekyuta bai ron i go kam long ol dispela kot.

Wantok i bin traim long toktok wantaim Pablik Prosekyuta, Panuel Mogish long kism tingting bilong em aste tasol em i no bin stap long opis long dispela taim. Tasol Sief Jastis Sir Arnold Amet i laikim bai kot bilong Mista Kas mas kamap long dispela mun. Opis bilong Suprim Kot Rejistra i paul bikos Jastis Amet i laikim kot bilong Mista Kas i mas kamap long dispela mun na Opis bilong Pablik Prosekyuta i no redi yet.

Wantok i save olsem loya bilong Mista Kas long Maladina Lo Kampani i sambai tasol long kism dispela apil i go long kot. Mista Kas wantaim tripela plisman, Frank Faibison, Michael Jim na Rodney Tongau i apil bihain long Madang Nesenel Kot i kalabusim ol long foapela yia olgeta wantaim strongpela mekim save.

Gavana Jenerel sainim kontrak bilong Singirok na Nen

GAVANA Jenerel Sir Silas Atopare i sainim pinis kontrak pepa bilong Ami Komanda Jerry Singirok na Menesing Daireka bilong Fores Atori Thomas Nen long asde. Sekreteri bilong dipatment bilong Pesenal Menesmen Bill Kua i witnes long dispela bung wantaim sampela sinia opisa bilong ami na gavman tu.

Komanda bilong Difens Fos Jerry Singirok i kism ples bilong komanda bipo Leo Nuia na Mista Nen i kism ples bilong Guao Zurenuoc.

Mista Nen i wanpela saveman long Nesenel Research Institute na em i bin wokim plenti wok painim aut ol save long kantri. Em i skul long China na plenti ol arapela kantri tu. Em i raitim plenti rises pepa taim em i wok ong NRI.

Mista Singirok i stap longpela taim tru olsem wanpela soldia. Chan-Haiveta gavman i makim em olsem komanda na bihain ol i bin rausim em, taim em i egensim gavman long wok bilong Sandline long kantri.

FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

WOL BAIBEL SKUL
WBS - PNG 12, P.O. Box 9346,
Austin, TX 78766 USA.



WANTOK

NIUSPEPA BILONG YUMI OL PAPA NIUGINI STRET

SIMBU Provins i nogat telepon sevis inap long foapela mun nau.

Ripot i kam long Simbu i tok olsem ol papa graun long Maunten Keregoma i bin rausim sampela masin bilong Telikom we i save karim ol toktok bilong telepon na feks masin. I gat tu ripot olsem ol papa graun i laikim kompensesen long PNG Telikom long yusim graun bilong ol long sanapim ol masin.

Ol gavman na bisnis haus long Simbu i kisim taim bikos ol i no inap long toktok wantaim ol narapela hap bilong kantri.

Nau sampela ol sios haus sik i pas pinis bikos ol i nogat mani long ronim ol wok. Ol dispela haus sik inap long toktok wantaim sampela pren na ol gavman lain long kisim sampela kain helpim tasol telepon na feks masin i no wok. Ol pipel bai kisim taim nogut.

Wanpela benk tasol long Kundiawa, PNG Benking Kopresen bai panim hat long wokim bisnis. Planti kastoma nau i pulim lain i go long Goroka o Hagen.

Telikom i no mekim wanpela toktok long stretim dispela hevi. Ol papa graun long Maunten Keregoma i wetim yet kompensesen.

Klostu bai Simbu i go long ileksen long votim nupela gavana bilong ol. Sapos sampela tabel i kamap, PNG Iktorel Komisn na Plis bai mekim wanem long kisim helpim hariap.

Hevi i stap olsem. Husat i asua, PNG Telikom o ol papa graun bilong Maunten Keregoma.

Bogenvil plis greduet painim hevi long go long ples

VERONICA HATUTASI i raitim

TWENTI foa (24) yangpela man bilong Bogenvil husat i bin greduet olsem plisman long Bomana plis trening kolis long las yia Novemba i wet yet long go long ples na wok wantaim ol pipel bilong ol long stretim bek ples.

Grup i gat tupela meri na 22 man long en. Ol bin greduet long Novemba 13 na plis dipatmen long Mosbi i salim ol i go long ples tasol bikos long hevi Gavman i gat long mani i sot, ol i stap yet i kam inap nau. Long Krismas na Nu yia, ol bin helpim NCD plis wantaim spesel opere-

sens long dispela taim.

Em i kostim samting olsem K9,300 long salim 24 opisa ya i go bek long Bogenvil long balus. Pe bilong balus long wanpela man long go long Buka inap long K385. Na long ol dispela bilong sentel na saut Bogenvil bai peim narapela K120 moa long kalap long liklik balus i go long ol distrik bilong ol.

Tripela mun nau na ol yangpela plisman ya i no amamas long stap nating long Mosbi.

Narapela sevenpela wanlain bilong ol i bin kam long Septemba na ol i sindaun long kos inap long mun Epril.

Sampelalong grup bilong 24 i bin tokim Wantok Niuspepa olsem bikpela laik bilong ol em

long go bek long Bogenvil na helpim wantaim wok bilong lukautim lo na oda na pinisim hevi. Ol i tok ol i luk olsme ol lus sipsip wantaim nogat lida na nogat kliapela daireksen long mekim wanem samting taim ol i stap long Mosbi. Ol i tok ol i les long stap nating na kaikai tasol we ol i lukim i no stret. Planti bilong ol tu i egensim muv long go long Rabaul na wet long ol i pinisim plis bareks long Buka. Ol wok long sanapim plis bareks long Sohano Ailan na i no pinis yet. Long dispela taim, sampela bilong ol i wok long painim rot long go long ples.

Grup i tok ol i gat gupela save long hevi long Bogenvil na wantaim trening ol bin kisim, ol ken givim moa helpim long stre-

tim hevi. Ol i laikim ol Bogenvil nesene lida long helpim ol painim rot long go long ples. Ol i putim ol askim olsem:

"Mipela i no sace watpo ol i holim bek mipela long Mosbi? Mipela i no save long sutim tok long husat. Watpo na planti ripot i bin kamap long nius olsem mipela em spesel plis grup bilong Bogenvil.

"Ol Bogenvil lida bilong yumi husat i laikim gupela sindaun i stap we? Ol i tok tru o ol i wokim pilai politiks tasol. We stap Bogenvil Afeas minista, bai em i lukluk long helpim mipela tu o nogat? Ol i tok husat man i gat bikpela tingting long Bogenvil i ken helpim ol long go bek long ailan.

Australia bai tromoi K4 milien long stretim rot long Bogenvil

INTENESENEL helpim grup bilong Australia AusAID bai karimaut wok bilong stretim bikpela rot long Bogenvil.

Projek bai kostim K4 milien na bai karamapim rot long Kokopau long rot Bogenvil i go long Arawa na i go olsem long Aropa. Na lusim Nonopa i go long Nonopa Wara long saut wes Bogenvil. Ol bai stretim tu ol liklik hap rot long Kangu na Mamagota long saut Bogenvil. Projek bai kisim 12 pela mun long pinisim.

Kodineta bilong AusAID projek wantaim Hai Komisn opis bilong Australi long Long Mosbi Cynthia Burton i tok bikpela tingting long karimaut dispela projek em long stretim ol hap bilong bikpela rot we i kisim bikpela bagarap insait long 10 yia bilong hevi. Dispela em hap rot we planti pipel i save yusim long en.

Projek bai karamapim tupela stej. Namba wan em stretim hap long long Tinputz i go long Wakunai na dispela bai i stat long dispela wik. Ol i wok long singautim ol tenda long bikpela hap projek we bai i stat long mun Epril.

Australian Manesing Kontrakta em

wanpela kampani bilong Australia we bai makim AusAID long kodinetim olgeta samting long dispela wok projek. Dispela em long lukautim mani na rot long tromoim, glasim, skelim na gviiim ol tenda, monitaim na glasim olgeta wok we i sut long projek.

Mis Burton i tok tu olsem projek bai givim gupela sans long ol lokol komyuniti long wanem em bai givim sans long planti yangpela man bilong Bogenvil long kisim wok na skruim save biong ol. Tu wankain long ol lokol bisnis lain long kisim ol sab kontrak wok.

Em i tok planti yangpela pipel i stap nating na ol i les na save wokim nabait na kamapim trabel na dispela i no gupela. Na dispela em i wanpela rot we bai helpim gut ol yangpela manmeri bilong Bogenvil long wok.

Sampela saveman na wanpela enginia i bin mekim wokabaut i go long olgeta hap bilong Bogenvil long mun Disemba las yia long toktok wantaim ol asples komyuniti long dispela samting na tu long lukim wanem ol masin i gat long graun na wanem ol nupela ol ken kisim i kam long ausait.

Gasmata pipel long Wes Nu Briten gat nupela kopra ejensi

OL PIPEL bilong Gasmata eria insait long Wes Nu Briten i no inap painim hat nau long salim kopra bilong ol bikos ol gat nupela kopra meketing ejensi bilong ol long hap. Agrikalsa Minista Tukape Masani i bin opim nupela ejensi long las Fraide.

Em bin tokim ol pipel long wok hat moa long kamapim moa kopra bikos planti ausait lain long wol i laikim kopra we PNG i kamapim.

Insait long wan wan yia, PNG i save kamapim na salim long ovasis 140,000 ton hevi kopra tasol planti moa pipel long Australia na Asia i laikim kopra bilong yumi. Minista Masani i bin tok moabeta kopra indastri i karimaut rivyu long glasim na skelim ol samting na givim gupela tok stia long gavman long ol samting i sut long indastri we i karamapim pravitaisesen bilong kopra meketing insait ong kantri.

Em bin tok Gavman long Laipstok Dipatmen na Kopra Maketing Bod i gat strongpela tingting long givim moa sapat na helpim i go long ol kopra produsa insait long kantri. Kopra Maketing Bod i gat long plen bilong en long kirapim network long olgeta eria we ol i groim kokonas long en.

Mista Masani i bin tok amamas long Fores na Kandrien na Glouster memba Peter Arul long wok bung gut wantaim ol pipel bilong em na kamapim dispela nupela ejensi long Gasmata.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA VIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Operesen rausim ol setelmen long Is Nu Briten

OL PLES lain, plis na Gavman i karimaut wanpela kombain operesen insait long Kokopo, Is Nu Briten provins long rausim ol skwata setelmen lain long provins. Operesen we bai i go het insait long tupela wik i bin stat long Mande nait.

Ol atoriti na ples lain i bin go pulim daun na kukim moa long 40 haus na bagarapim ol gaden kaikai bilong ol setelmen lain long Kokopo. Operesen ya em ol bai skruim i go long ol arapela eria olsem Vunapope na moa.

Ol ripot i tok planti handret pipel i no bin gat ples bilong slip long en bhain long ol atoriti i bagarapim ol haus bilong ol. Sampela skwata lain i bin kik bek na putim ol pelapa Wol Wo tu bom long ol haus bilong ol tasol ol atoriti i painim na kliarim.

Ol ripot i tok ol skwata i bin kisim tok-save olsem dispela samting bai kamap na planti i bin lusim ol haus wantaim ol samting bilong ol. Liklik lain tasol i bin stap bek na ol dispela i bin kisim taim

taim ol atoriti i go pulim na kukim ol haus bilong ol. Dispela em namba tu taim ol atoriti long Is Nu Briten i laik rausim ol skwata lain bhainim bagarap we maunten paia i bin kamapim long provins long 1994. Planti long ol skwata lain i bilong Hailans na Sepik provins.

Samting olsem 100 pipel i stap insait long dispela operesen. Ol i kam long ol ples klostu long Kokopo taun na i karamapim ol Lokol Level gavman opisa, ol bikman long pls na ol plis opisa.

Wanpela bikman bilong ples Ulagunan i tok ol pipel i les long ol ausait lain i go sindaun long taun na ples bilong ol na kamapim trabel na ol i laik sindaun gut. Na ol no laikim Kokopo i kamap olsem Rabaul taun bipo long maunten paia i kamap.

Ol ripot i tok taim maunten paia i kamap, ol bin salim olgeta ausait pipel bek long ol asples bilong ol na i nogat gupela as long ol i kam bek gen.

Sepik Nius

Ol Momase provins laik baim sea long ges projek

KIBUNG bilong ol Momase Gavara las wik long Lae i kamapim tingting olsem ol bai baim K1 milien sea insait long dispela ges kampani Gavman i laik kamapim we ol i kolim Nesnel Ges Kopresen (NGC). Dispela kampani bai holim sea insait long ges projek bilong kantri we bai i ron i go long Kwinslen na ovasis tu.

Dispela sapat na bung wantaim bilong ol Momase Gavara i soim olsem ol i laik stap insait long ol bikpela wok we ol i ken kamapim mani bilong stretim gut provins na rijon bilong ol.

Insait long dispela bung em Is Sepik Gavara Sir Michael Somare, Sandaun Gavara John Tekwei, Morobe Gavara Luther Wenge na Madang eking Gavara Pengo Nengo i bin sindaun long en.

Ol Gavara i soim dispela laik bilong ol bihain long siaman bilong Oil na Ges Task Fos na memba bilong Komo Magarima Alfred Kaiabe i tokim ol gut long dispela nupela lo nesanel palamen i pasim las yia long wok bilong ges developmen insait long kantri.

Mista Kaiabe i tok aninit long nupela lo bilong ges, bai i gat dispela Nesanel Ges Kopresen kampani i kamap na olgeta provinsal gavman insait long kantri i mas kisim sea long en. Dispela em long mekim olgeta pipel bilong Papua Niugini i mas stap insait na kisim helpim long ges developmen bilong kantri, Mista Kaiabe i tok.

Foapela Momase provins i sanapim tingting ol i laik putim K1 milien bilong o wanwan i go insait long baim sea makim nem bilong provins bilong ol wanwan. Ol i wok wetim tasol dispela NGC kampani long hariap makim ol wokman bilong em long karim wok na mekim kampani i ron.

Wewak i stap gut long wiken

WEWAK taun long Is Sepik provins long las wik i kam dispela wik i bin orait na gutpela tru bikos i nogat wanpela trabel o nois i kamap.

Provinsal Plis Komanda Leo Kabilo i tok Wewak taun i stap gut na i no gat wanpela bikpela trabel o nois nabaut.

Mista Kabilo i tok i gat liklik pait long rot na pablik ples o sampela liklik trabel tasol dispela i no go bikpela o kamapim bikpela hevi tumas.

Mista Kabilo i tok ol plisman bilong em i mekim wok bilong ol olsem ol i save mekim oltaim long lukautim na karimaut lo na oda insait long Wewak na provins olgeta.

Ol Is Sepik na Sandaun memba i no kisim mani

YAKAM KELO i raitim

IS Sepik na Sandaun provins i kisim taim long Rurel Eksen Program (RAP) mani bilong ol long las yia i kam nau.

Gavman bilong Bill Skate i no skelim K150,000 projek mani bilong wanwan ilektoret insait long dispela tupela provins long las yia i kam nau.

Long Sandaun provins, memba bilong Nuku Andrew Kumbakor na memba bilong

Telefomin Robert Sakias tasol i kisim K150,000 bilong tupela bikos tupela istap long sait bilong Gavman.

Olgeta arapela Sandaun memba na Is Sepik memba i no bin kisim dispela ilektoret mani bilong ol bikos olgeta i stap long Oposisen sait.

Long sait bilong Is Sepik em Gallus Yumbui Wasera Gawi, Yangoru Saussia, Arthur Somare Angoram, Bernard Narokobi Wewak Open na Is Sepik rijinol Sir Michael Somare. Sapos Gavman i brukim dispela RAP

mani i go long Is Sepik bai i mak olsem K750,000.

Long Sandaun provins em Gavara John Tekwei, memba bilong Vanimo Grin Micah Wes na Aitape Lumi Eddy Saweni i no kisim dispela RAP mani bilong ol tu. Sapos Gavman i skelim ol bai ol tripela i kisim samting olsem K450,000.

Dispela RAP mani em lo bilong kantri i tok olgeta memba bilong palamen i mas kisim na i no sampela lain memba tasol long Gavman bai kisim na arapela i nogat.

Plantu Oposisen memba long Morobe, Hailans, Sentrel provins, Niugini Ailan rijon tu i wok long tok pait long Gavman long dispela mani bilong ol.

Ol i tok Praim Minista Bill Skate i wok long yusim mani bilong ol pipel long strongim namba bilong em tasol long holim Gavman i go yet na abrusim taim bilong vot i nogat bilip long em.

Tasol Gavman sait i tok nau olsem mani i sot na sapos i gat mani bai ol i givim mani bilong ol Oposisen lain tu.

Ol Momase lida glasim hevi long rifom

OL Momase Gavara i luksave olsem hevi bilong lukautim ol arapela wok we Nesanel Gavman i tromoi i go daun long ol provins em bikpela tumas bikos ol i nogat mani bilong karimaut ol dispela wok.

Insait long kibung bilong ol Gavara las wik long Lae, ol Momase lida i luksave olsem wok bilong rijon i go daun long ol provins na distrik bihainim senis bilong mama lo long provinsal gavman sistem i orait. Tasol sampela wok we Nesanel Gavman i tromoi i go daun long ol provinsal gavman long lukautim olsem wok bilong plis fos, haus kalabus, ol redio stesin, paia sevis, wok bilong Lens i hevi long ol bikos mani bilong strongim na mekim wok bilong ol i nogat. Mani bilong ol dispela wok i no go wantaim baset bilong ol provins we Nesanel Gavman i brukim i go daun long ol.

Ol Momase lida i tok insait long wanwan provins yet, ol i save kamapim tasol olsem K1 milien long wanpela yia long ol wok bilong ol. Olsem na dispela mani i no inap long lukautim olgeta wok bilong plis fos, haus kalabus, redio stesin, paia sevis na arapela moa.

Ol i tok Nesanel Gavman i mas skelim mani bilong ol dispela senis na givim i go insait long baset bilong ol provins bai ol i ken kisim na skelim i go long wok bilong lukautim ol dispela opis na wok.



• Pater Austin Crapp (raithan) i givim K50,000 i go long Mike Evans, hetmas-ta bilong St Ignasius long baim skul fi bilong ol Aitape sumatin husat papamama i dai long birua bilong solowara long Julai las yia, 1998. Foto: John Samar.

BIG

Paradise

HI-WAY BEER



Namba tri Yunaitet Sios Minista mekim wok misin long Tores Streit

Veronica Hatutasi i raitim

NAMBA tri Yunaitet Sios minista na famili bilong em i bin lusim kantri long las wik bilong skruim wok misin insait long ol Tores Streit Ailan long Australia.

Nem bilong minista em Reveren Timo Anikila na em i bilong Hula insait long sentrel provins.

Em i namba tri Yunaitet Sios Minista bilong PNG long go karimaut wok misin long Tores Streit. Reveren Frank Tabua i bin namba wan long opim dua bilong ol PNG Yunaitet Sios minista taim em bin go long ol ailan na mekim wok misin long 1994 na 95. Na long 1996 inap long 1998, Reveren Veburi Dabada na famili bilong en i bin namba tu minista long wokim wok misin long Tores Streit.

Yunaitet Sios i gat tu ol arapela minista i karimaut wok misin long Jamaica insait long Karibien.

Ol minista i bihainim program long wok misin ol i kolim long Misin Visin 1999-2000.

Long tupela krismas, Reveren Timo bai i beis long Yunaiting Sios Sen Andrews Tores Streit peris long Thursday Ailan, klostu long boda bilong Westen provins na Australia.

Em bai skruim ol wok bilong em long strongim membasip bilong peris, ol wimen na yut felosip na sande skul. Ol dispela wok bai i kamap long ol autris program na ol pastorel visit we Reveren Timo bai i wokim long ol ailan ya.

Bihainim dispela, ol wok we peris Reveren Timo i wok long en bai kamapim em long:

- Strongim ol sios memba long rot ol sme glasim na skelim

save bilong ol long ol bilip bilong sios;

- Ogenaisim ol kem na ritrit, strongim ol sios na kaunsil komiti long helpim spirituel sait bilong ol sios memba;

- Trenim ol sios elda na dikon long ol wok bilong ol;

- Trenim ol yangpela long go pas long yut lidasip;

- Trenim ol yangpela long kamap ol Sande skul tisa,

- Skruim ol peris program long Baibel stadi na ritim Baibel wantaim nupela ai.

Misin Visen i gat bikpela tingting long lidim ol (yangpela na lapun) pipel i go long God long ol rot olsem ol grup insait long famili na wan wan yet, strongim wok bung wantaim na gutpela sindaun, strongim ol wok raun bilong ol sios woka, painim as na daunim hevi we ol pipel i gat long bilip bilong ol i no steongpela long Jisas. skruim Sande skul, yut na wimens felosip,

kisim autris program i go long ol ailan na kisim bek ol sios memba we i go lus.

Reveren Timo bilong Hulat i gat 49 krismas na em i marit. Em i gat tripela pikinini. Bihain long em i pinisim skul long larowari na Sogeri Nesenel Hai skul long 1969, na Edministretiv Kolis long 1970, em bin go wokim skul pastorel long Rarongo Tiolojikel Kolis insait long Is Nu Briten.

Em i gat bikpela skul na save long wok bilong sios, long sait bilong pastorel, gaidens na kaunseling. Antap long ol planti wok em i mekim long kantri, em bin saplen bilong Yunaitet Sios long UPNG Goroka kempus, Aiyura Nesenel Hai, Hagita Hai skul long Milen Be, leksera long Gaulim Tisas kolis long Is Nu Briten.

Em bin makim Yunaitet Sios long ol planti bikpela bung ovasis.

Bruder Damien lukim planti senis long kantri insait long 30 yias



■ Bruder Damein

VERONICA HATUTASI I raitim

"LONG nem bilong developmen, planti senis i wok long kamap insait long kantri. Sampela i gutpela na sampela i no gutpela," Bruder Damien Lunders, wanpela Katolik Divain Wod Misinari bruder husat i stap na wok long PNG long 30 krismas tasol i bin lusim kantri long dispela wik i tok.

Bruder Damien i bilong Chicago provins tasol em bin kam long PNG long 1969 long mekim misinari wok long sait

bilong fainens na lukautim mani bilong sosaiti. Stat long 1990 inap long em i go pinis long dispela wik, Bruder Damien i bin beis long Hagen wantaim Hagen Katolik Daiosis na wok olsem Provensol tresera bilong sosaiti long nainpela yia.

Taim em i kam pastaim long kantri, ol bin putim em long wok long Goroka we long 15 krismas, em bin wok olsem Daiosis Edministreta. Long 1984 inap long 1988, em bin go bek long Amerika. Long kam bek bilong em long 1988, em bin holim wok olsem jenerel seketeri bilong Katolik Bisops Konprens Mosbi.

Long 1990, em i kisim wok olsem Provensol tresera bilong SVD (Divain Wod) sosaiti na tu man i makim sosaiti long Wod pablisng Kampani.

SVD Sosaiti wantaim Luteran Sios i save givim bikpela sapot na helpim wantaim mani long go hetim wok bilong Wod pablisng kampani bikos ol i lukim olsem midia em i wanpela rot we ol pipel long kantri i mas kisim save long wanem samting i kamap long kantri, na ol samting i kamap long narapela hap bilong wol.

Bruder Damien wantaim narapela wanwok bilong em, Bruder James bilong Australia i lusim kantri bilong kisim narapela wok wantaim Katolik peris bilong Udon-Thani Daiosis long not is Tailen, wantaim HIV/AIDS program.

I gat 160 SVD misinari insait long PNG na ol i wok olsem ol Kristen bruder, sister na pater long ol daiosis long Wewak, Madang, Goroka, Hagen, Simbu na Mosbi.

Ol i skruim pastorel wok na tu wok long ol skul na helt insait long kantri.

Ol wok we Bruder Damien i save laik wokim ausait long pastorel na edministretiv eria em long groim na lukautim ol okid na kuk.

"Long ol yia mi stap long Hagen, mi bin planim na lukautim planti kain kain okid plawa. Moe yet, ol okid bilong Thailan ol i kolim long "Cattalayas dendrolriams". Nau mi lusim kantri, mi givim ol okid i go long ol prens. Mi save laik long kuk tu ya," Bruder Damien i tok.

Em i tok long ol planti krismas em i stap long PNG, em i amamas long wok wantaim ol asples pipel.

Wanpela samting we Bruder Damien i tok sosaiti i laikim bai kamap em long ol misin i lukautim ol yet long sait bilong mani. "Dispela em wanpela samting we mipela i wok long en long traim lukautim mipela (self rilaiens) long sait bilong mani long go hetim ol wok insait long ol provins.


"Mipela i save stap long mani i kam long ol ovasis misin long go hetim ol wok na program bilong mipela tasol isi isi, mipela i wok long kirapim ol program bilong traim mani na lukautim mipela yet," Bruder Damien i tok.

Bruder Damien na James em ol namba wan SVD misinari long opim misin na wok wantaim HIV/AIDS projek long Thailen. Bisop bilong Thailan i bin askim ol long go wok long hap. Bruder Damien i tok PNG i wanpela gutpela kantri na em i gat planti gutpela pipel long en.

Em bin lukim planti senis i kamap na sampela long ol i gutpela taim sampela i no gutpela. Long ol dispela i no gutpela, raskol pasin em i stap long top lista we bipo em no bin gat tasol long namel bilong 1980s em i stat. "Tasol ol dispela i kamap long nem bilong developmen", em i tok.

Em i tok ol sios i wari long ol hevi, moe yet ol dispela we i stap long sosel sait na i daunim ol famili, ol wan wan manmeri na komyuniti. Em (sios) i wokim ol samting long helpim daunim ol hevi wantaim ol arapela atoriti insait long kantri. Bipo ol i kirapim projek, Bruder Damien na James bai sindaun long wanpela kos long Bangkok, biktaun bilong Thailan na skruim bilong tok ples, (language) namel long nain na 12 mun.

Tu Minit Tingting



Ol sempion i save trening

LONG yia 1980 samting yumi gat wanpela lain sempion bilong boksen long PNG. Yumi tingim yet Jon na Toni Aba na wanpela hapman tru, trikmem bilong en em Taigaman.

Long dispela taim mi bin toktok wantaim trenana na kosa bilong ol long Mosbi. Na em i bin tokim mi olsem: "Mi inap mekim ol dispela man i kamap sempion...sapos wan wan i bihainim tru trening program bilong mi."

Na em i skruim tok i go: "Long olgeta moningtaim wan wan ol boksa ya i mas ran inap long tu awa. Bihain ol i mas tren long pait giaman na prektis tru long pait wantaim poroman boksa. Ol i mas tambu olgeta long smok na strongpela dring.

Sapos wanpela man i tren aninit long mi na em i kalapim sampela dispela lo bilong mi inap 4-pela taim, bai mi pinisim em long trening. Em i ken go painim wanpela nupela trenana."

Na tru tumas, long Mosbi long tulait long olgeta moning mi bin lukim sampela bilong dispela lain boksa i ran long arere bilong bikrot. Bihain long wan yia samting ol dispela biknem boksa i pinis long spot bilong ol. Ating ol painim em i bikpela wok tumas na ol i givap.

Tude i gat sampela nupela lain i tren. Bikos boksa na futbol pilaia na ragbi pilaia i lus tru long spot bilong em, em i taitim bun olgeta de na i tren na givim pen na hevi long ol masel bilong em. Wanpela bikpela rul na lo bilong olgeta spot tru em i dispela pilaia i mas bosim olgeta laik bilong skin na bodi bilong em.

Em i lo bilong laip tu. Bikos yumi save bosim planti wel samting, ol i save helpim yumi. Yumi bosim wel wara bilong Ramu Riva, yumi kalabusim em, na em i tanim nating ol masin i wokim lektrik pawa bilong Goroka na Lae na Madang na Simbu na Hagen.

Yumi kalabusim win long sel, na em i subim nating kanu i go. Bensin i save pairap sapos yumi laitim. Orait, nau ol saveman i bosim pairap bilong bensin insait long wanpela rum ain -em yumi kolim moto - na nau em i muvum ol ka na trak na balus na sip na bot.

Yu lukim! Sapos yumi bosim ol wel samting, gutpela samting inap kamap.

Em i wankain long sol na spirit bilong yumi: yumi bosim ol laik bilong skin bilong yumi i wel olgeta, na gutpela pasin bai kamap. Na gutpela pasin i mekim yumi hepi.

Maski long pinisim laik. Yumi mas bosim laik na yumi manmeri tru, na inap sindaun gut. Yu no pinisim laik, nogat. Yu bosim laik, na bai yu win.

Hailans Nius

Ol Ambang meri welkam long Praim Minista

JOSEPH KUPIE i raitim

OL meri Ambang long Banz distrik insait long Westen Hailans i no isi long kra i singaut long pasin bilong Jiwaka long welkamim Praim Minista, Bill Skate taim em i bin go long ples bilong ol. Mista Skate i bin go long Ambang taim em i go long dispela yia long opim nupela Difens Fos bes long Kerowil long Banz Distrik yet.

-Mista Skate i bin tokim ol meri Senglap olsem ol i putim bikipela dinau long em taim ol i kra, singaut na welkamim em na ol narapela gavman ofisal.

Husat i bin stap long dispela delegesen em Memba bilong Not Waghi na Minista bilong Pablik Entaprais, Dokta Fabian Pok, Difens Minista Peter Waieng, Plis Minista Thomas Pelika, Memba bilong Saut Waghi, Kuk Kuli na bilong Jimi, Bevan Tambi.

Ol narapela bikman bilong gavman em PNG Difens Fos Komanda, Jerry Singirok, ol bikman bilong ami bilong Indonesia na bilong Nu Silan.

Mista Skate wantaim delegesen bilong em i bin bung long Ambang Komyuniti Skul long kisim malalo na kaikai taim ol i bin lusim Kerowil.

Mista Skate i bin givim K20, 000 na Dokta Pok i givim K10,000 i go long Ambang Komyuniti Skul. Tresera bilong skul, Steven Taylor i tok amamas long dispela mani na tok bai ol i yusim long wokim ol nupela klasrum, haus tisa na laiberi.

Planti manmeri i stap long dispela kaikai tasol kaikai i winim ol pipel na planti moa kaikai i bin stap yet.

Kompensesen stapim wok developmen

GAVMAN bilong Praim Minista, Bill Skate i lukluk strong long developim ol ruel ples insait long kantri we moa pipel i stap long en.

Mista Skate i bin mekim dispela toktok taim em i go long opim nupela ami bes long Kerowil insait long Banz distrik long Westen Hailans. Em i tok, wok developmen i mas i go insait tru long ol liklik ples long kantri bai olgeta pipel i panim gutpela sindaun.

Baset bilong 1999 em baset bilong ol pipel. Wok developmen olsem rot, bris, haus sik, skul, ples balus na sip bris i kisim moa mani na liklik tasol bilong baset bai i go long ol bikipela senta we planti gutpela samting i stap pinis, Mista Skate i tok. Em i tok wok developmen bai i no inap kamap sapos ol papa graun i singaut tumas long kompensesen. Sapos ol pipel i oltaim askim long kompensesen bai ol wok man bai stapim wok na karim masin bilong ol i go long narapela hap.

Mista Skate i tok, ol manmeri i mas amamas long kisim gavman sevis na developmen i go insait long ol liklik ples na noken komplek long kompensesen.

Em i tok, komplek tumas long kompensesen bai i no inap helpim ol pipel na ol pikinini bilong tumora. Ol papa graun mas sensim tingting long dispela samting bai wok developmen na gavman sevis i ken ron isi i go long ol ruel eria, Mista Skate i tok.

Minj lusim ol gavman haus

PETER MAIME i raitim

SAMPELA ol gavman haus long Minj Distrik insait long Westen Hailans Provins nau i stap long han bilong ol man husat i no pablik sevan.

Ripot *Wantok* i kisim long distrik i tok olsem, planti ol haus i stap nau long han bilong ol man husat i lusim wok wantaim gavman, ol

olpela pablik sevan na ol man nating bilong ples.

Ripot tu i tok olsem ol lain husat i no kisim tok orait na stap long dispela ol gavman haus i gat banis pik na kakaruk arere long ol haus.

Presiden bilong Saut Waghi Lokol Levul Gavman, Peter Hai i tok, i tru ol i gat dispela hevi na em i no amamas long dispela samting. Em i tok Minj wok wantaim bikipela distrik

long provins, na em "wari na tu sem stret" long ol man i no respektim ol samting bilong gavman.

Minj distrik i stap long lukaut bilong Saut Waghi Gavman.

Mista Hai i tok, em wantaim distrik administrata i raitim pas na givim i go pinis long ol dispela lain husat i go stap long ol gavman haus long raus, tasol ol i no bihainim oda bilong ol. Dispela pas em ol i

bin givim i go aut long las yia. Dispela samting i givim bikipela hevi long distrik edministresen bikos i nogat inap haus bilong ol pablik sevan long taun. Ol pablik sevan nau i slip long ples bilong ol na kam wok, Mista Hai i tok.

Wantok i kisim ripot olsem, distrik administrata tu i slip long ples na kam wok bikos opisal haus bilong distrik administrata i nau stap long wanpela man asples husat i no wanpela wokman bilong gavman. Dispela samting bai bagarapim gutpela wok bilong provinsal gavman rifom. Aninit long rifom, bikipela namba bilong ol pablik sevan mas stap na wok long distrik long givim ol sevis i go long pipel.

Wantok i bin salim wanpela pas long feks i go long Edministrata bilong Westen Hailans, Dokta Thomas Webster long kisim sampela toktok bilong em, tasol em i no bekim.

Tasol wanpela ofisa bilong em i tok ol i bin kisim dispela pas. Em i tok opis bilong provinsal administrata i salim pinis wanpela pas i go long Minj distrik administrata long givim ful ripot long dispela hevi bilong haus.



• Misis Kom i kam olgeta long Goroka na salim ol kaukau bilong em long Boroko maket. Em i salim ol dispela kaukau long K1 na K2 bilong painim skul fi bilong ol pikinini bilong em. Ol dispela kaukau i no kam long isi rot, ol i kam long PMV long Lae na bihain kalap long sip na kam long Mosbi. Dispela i save kisim olsem wanpela wik samting. *Poto: Bae Kimali.*


Bisop askim Agiru long mekim wok

KATOLIK Bishop bilong Mendi Daisos, Stephen Reichert i singaut i go long Sauten Hailans Gavana, Anderson Agiru long sanapim gutpela politikel lidasip long developim provins.

Bisop Reichert i bin mekim dispela toktok insait long wanpela pas em i raitim na salim i go long Gavana Agiru. Dispela pas tu bai i go long olgeta pipel long Sauten Hailans long ritim na save long ol toktok Bishop Reichert i mekim.

Bisop Reichert i tok long dispela pas olsem edukesen sistem i bagarap, ol helt sevis i nogat gutpela sapot bilong gavman na hevi bilong lo na oda i bikipela tru long provins.

Em i tok ol dispela hevi i daunim: ol pipel na planti i ronowe i go long ol narapela ples we i gat gavman sevis na sindaun bilong ol pipel i gutpela.



• Bisop Stephen Reichert.

Dispela pas i tok, planti ol skul i pas, ol narapela skul i bagarap na ol tisa tu i sot bikos planti bilong ol i lusim provins na i go tis long narapela hap bilong kantri. Bisop Reichert i tok, liklik mani tasol i save go long ronim ol skul. Em i tok, sapos ol pikinini i no kisim gutpela edukesen, bai i no gat ol save man na meri long developim provins.

Bisop Reichert tu i tok long pas olsem ol haus sik, helt senta na ol ed pos long provins i no save kisim gut mani long lukautim ol sik manmeri. Em i tok, dispela samting i save bagarapim bel bilong ol pipel taim ol i go long haus sik na i nogat marasin. Em i tok ol nes na dokta husat i wok long ol sios haus sik tu i no kisim pe longpela taim nau.

Hevi bilong lo na oda i wok long givim bikipela bagarap na pen long provins. Trabel pait i wok long kamap bikipela wantaim ol hom med na strongpela fektori gan. Planti ol yangpela man i dai nating, Bishop Reichert i tok.

Em i tok moa olsem pasin bilong bekim bek, stil long rot wantaim gan na bilong bagarapim ol meri tu i go bikipela long provins. Ol man tu i save

mekim nambaut long pasin bilong spak wantaim bia na ol kainkain drak.

Bishop Reichert i tokim Gavana Agiru long pas olsem Sauten Hailans Provins i nidim strongpela na gutpela lidasip long stapim dispela kain hevi. Em i tok, ol kain lida provins i nidim em ol lain husat i no save tingim ol yet na mekim pasin i stret olgeta. Em i tok provins i no nidim lidasip we i sanap long wok politiks na pasin bilong wantok sistem.

Ol sios lida i redi long wok wantaim ol politikel lida na ol lida bilong ples long stretim sindaun bilong ol pipel. Tasol ol lida ol pipel yet i makim long mekim wok bilong gavman mas stap long provins and givim taim bilong ol long kamapim gutpela sindaun, Bishop Reichert i tok.

OL pipel bilong Simbu bai kisim tupela wik long vot insait long dispela bai ileksen bilong provins.

Wan wan ileksen tim bai lukautim wan wan ilektoret. Ol tim husat bai ronim ileksen long Karamui Nomane bai stat pastaim. Ilektoret bilong pasim ileksen em Kerowagi.

I gat 6-pela ilektoret long Simbu. Ol dispela em Karamui Nomane, Gumine, Chuave, Sinasina Yogomugl, Kurdiawa Gembol na

Kerowagi.

Long Sarere 13 na Sande 14, Mas 1999, ol ileksen tim bilong Karamui Nomane bai go sambai long ples bilong vot. Long Mande Mas 15, 1999, bai ol pipel i givim vot long haus kiap bilong ol. Bai i gat 60 ileksen tim i wok long dispela ilektoret.

Long Gumine tu bai i gat 60 ileksen tim. Ol tim bai muv i go long ples bilong vot long Tunde 16,

Mas 1999. Long Trinde 17, Mas 1999, bai ol pipel bilong Gumine ilektoret i vot long ples bilong ol.

Long Fonde 18, Mas 1999, ol tim bilong Chuave bai go kem long ples bilong vot. Fraide 19, Mas 1999, Chuave ilektoret bai givim vot. Ol ileksen tim bilong dispela ilektoret em 58.

Bihain long Chuave bai vot i kamap long Sinasina Yogomugl. Long Sarere na Sande 20-21 Mas

1999, ol ileksen tim long wok long hap bai i go na redim ol samting. Long Mande Mas 22, 1999, ol pipel bilong Sinasina Yogomugl bai givim vot. Bai i gat 62 ileksen tim i wok long dispela ilektoret.

I go long Kundiawa Gembogl ilektoret em long Tunde 23, Mas 1999. Ol pipel bai vot long Trinde 24, Mas 1999. Namba bilong ileksen tim em 69 olgeta.

Las ilektoret em Kerowagi. Ol


tim bai muv i go long ol haus kiap long Fonde 25 Mas, 1999. Ol pipel bilong Kerowagi ilektoret bai vot long Fraide 26, Mas 1999.

PNG Ilektoret Komisnin het opis long Mosbi i tokaut pinis olsem olgeta samting olsem ol balot bokis na ol balot pepa i redi pinis long go long ileksen.

Wantok i bin traim hat long kisim ripot long Kagua Erave bai ileksen long Sauten Hailans tasol telepon i go long Mendi i no wok.

Simbu kisim tupela wik long vot

Madang Nius



Provinsal Gavman toktok long Ramu Main

BEN TAUMAI i raitim

MADANG Provinsal Gavman nau i mekim sampela wok long em i mas stap insait long developmen bilong Ramu Nickel na Colbalt Main.

Long strongim tingting bilong Provinsal Gavman long dispela samting, em i bin kirapim pinis tupela komiti. Wapela em 'Ramu Nickel Prosek Kodeneting Komiti' na narapela em Nesenel Komiti. Long Nesenel Komiti i gat ol ofisa i makim opis bilong Atony Jenerel, Tresera, Komes na Industri, Mains na Risisis, Madang Developmen Atoriti na ol narapela praivet kampani.

Provinsal Edministrata, Clant Alok i autim dispela tingting bilong Madang Gavman long

pinis bilong las mun. Long dispela taim em i no bin tokaut long husat lain i stap long Ramu Nickel Prosek Kodeneting Komiti.

Mista Alok i tok, wok bilong tupela komiti em bilong ronim na lukautim gut ol wok plen bilong gavman. Bikpela plen bilong Provinsal Gavman em long em i mas stap insait long developmen bilong Ramu Main.

Madang Gavman i lukim olsem sapos em i stap insait long ol wok bilong Ramu Main, dispela bai karim gutpela kaikai i kam long ol pipel bilong Madang. Sampela wok olsem bilong kamapim taun long Basimuk na ol narapela bai sut stret i go long ol plen bilong Provinsal Gavman.

"Provinsal Gavman em i gat laik long lukautim na ronim ol wok long sip bris, pawa stesin na

ol wara sistem long taun bilong main. Olsem na Provinsal Gavman bai mekim rot long Basimuk i go long Madang na long Basimuk i go long Saidor distrik, Mista Alok i tok.

Em i tok sapos Provinsal Gavman i papa long ol dispela kain developmen, ol pipel bilong Madang bai i no inap lus bihain taim Ramu Main i pinis. Em i tok ol pipel bilong Madang wantaim Provinsal Gavman bai papa bilong sampela ol dispela samting olsem pawa stesin na sip bris.

Madang Provinsal Gavman i bin putim wapela wok plen bilong em i go pinis long Highlands Pacific, kampani husat bai go pas long Ramu Nickel na Colbalt Main long dispela tingting bilong em long stap insait long ol wok developmen.

Ol kopra groa bungim mani

OL Karkar Smol Holda Kopra Groa i bin bungim mani long sapatim kot bilong PNG Groa Asosiesen wantaim PNG Kopra Marketing Bod.

Dispela kot em Benny Babob husat i makim ol Smol Holda Kopra Groa i kisim PNG Kopra Marketing Bod i go long kot.

I gat 108 groa long Karkar na olgeta wan wan grup i bin bungim K10. Dispela em namba tu taim ol i bungim kain mani olsem na em i bin bikpela tru.

Mausman bilong ol smol holda groa, Gombel Irang i kisim dispela

mani na putim long han bilong Presiden bilong Madang Kopra Groa Asosiesen, Roger Middleton.

Ol groa i givim dispela mani taim ol i bin mekim wapela spesel bung.

Mista Middleton i bin mekim bikpela tok tenkyu na tokim ol groa olsem dispela kot bai i go het inap Agrikalsa Minista, Tukape Masani i kisim sampela eksen we ol kopra groa i ken makim ol bod memba bilong PNG Kopra Marketing Bod na i no long pasin bilong politiks i go insait na kontrolim ol wok.



• Sylvia Gule bilong Is Sepik i bin stailim wantaim bilas bilong ples. Em i bin metrikulet long las mun wantaim gret 12 setifiket long Divine Word Yuniversiti long Madang. Em nau wokim tu-yia Diploma kos long Helt Menesmen long Yuniversiti yet.

Divine Word laik kisim UPNG sumatin

ANNIE DIGAN i raitim

KOMYUNIKESAN Dipatmen bilong Divine Word Yuniversiti long Madang i givim spes i go long ol sumatin bilong Yuniversiti ov PNG husat i skul long kamap nius ripota.

UPNG Kaunsil i bin rausim dipatmen bilong skul bilong ol nius ripota bilong em taim nesenel gavman i givim liklik mani tasol long yuniversiti. Na ol sumatin husat bai pinisim skul bilong ol long dispela dipatmen i kisim hat taim.

Presiden bilong Divine Word Yunivesiti Pater Jan Czuba i tok, "Mi bilip olsem dispela transfer bilong ol sumatin long UPNG i kam long DWU i gutpela bikos em bai helpim ol wok poroman wantaim ol gavman yuniversiti na ol yuniversiti i no kam aninit long lukaut bilong Gavman.

Em i tok, tasol i no olgeta sumatin bai kisim spes long DWU bikos yuniversiti i no mekim baset long kisim sumatin moa long mak bilong em long dispela yia. Yuniversiti bai selektim ol sumatin husat i gat gutpela mak long skul wok na husat i no kisim spes long dispela yia i ken traim long

neks yia.

Komyunikesen Ats Dipatmen bai stretim ol progrem bilong em long kisim ol dispela nupela sumatin.

Pater Czuba i tok, Komyunikesen Ats Dipatment i gat inap tisa na ol samting bilong skul long kisim ol narapela sumatin.

Em i tok, em i luksave long hevi bilong UPNG long rausim sampela dipatmen bilong em, olsem na em i gutpela tingting long putim skul bilong ol nius man na meri long wapela ples.

Em bikpela salens long Divine Word Yuniversity na tu sans long kamapim ol gutpela save manmeri long raitim nius long PNG.

"Mi bilip long fridom bilong kamapim nius long wanem samting i kamap long kantri bikos dispela i ken strongim demokratik sistem bilong gavman. Mi bilip long ol gutpela save manmeri bilong nius bikos ol bai autim ol kainkain paul pasin i kamap long kantri," Pater Czuba i tok.

Divine Word Yuniversiti em wapela tasol nau long kantri i gat skul bilong ol nius manmeri na em i laikim bai ol nupela sumatin yuniversiti i kisim bai statim skul long taim.



BARCLAY BROS (P.N.G.) PTY. LIMITED
BUILDING AND CIVIL ENGINEERING CONTRACTORS

Toksave long ol Lae Siti Rot

i go long olgeta man husat painim wok wantaim long
Lae Rot Projek
olsem yupela i mas salim ol aplikesen bilong yupela i
go long Dipatmen bilong Leba na
Emploimen Sevis.

Mipela i no inap kisim, glasim na skelim ol
aplikesen long opis bilong mipela.

Toksave i kam long
Richard Hough
PROJECT MANAGER

Lae Nius

Kompesesen em divelopmen Minista Riyong i tok

KOMPENSESEN em hap mak bilong developmen bilong kantri mipela i noken surik long en. Kompesesen em gutpela sain bilong kirapim ples na dispela i no bilong pretim ol lain husat i laik wok long dispela hap. Nesenel Minista bilong Woks Mista Yauwe Riyong i tok. "Planti ol lain i save harim dispela na save pret na dispela i save westim taim bilong developim ples. Tasol ol i save harim tok krangi. Dispela nem kompenseesen em gutpela nius," Mista Riyong i tok.

Em i tok planti lain i save harim dispela na i no save mekim wok hariap tru. Dispela tok em i wanpela gutpela nem we ol bai givim spes long yu long kirapim ples tasol yu mas stretim ol long sampela liklik samting we ol bai kisim na amamas long larim yu long yusim ples bilong ol.

Minista bilong Woks i mekim dispela toktok long taim bilong open de bilong Barclay Brothers long wokim wok long Lae siti rot las wik.

Em i makim maus bilong Praim Minista Bill Skate husat i bin kisim holide na i no bin kamap long dispela bung. Em tokim ol kontrakta long noken mekim planti ol pret tok na rausim ol kampani long kirapim ples. Dispela i save mekim na planti ol kampani les long wokim bisnis long kantri bilong mipela.

7-pela raskel stil long PNGBC benk

YAKAM KELO i raitim

FINSAFEN RIPOT

Wanpis benk bilong PNGBC long Gagidu stesin long Finsafen i bin bungim hevi taim ol raskel i hensapim ol wokman bilong benk long las wik na ronawe wantaim mani bilong benk.

Ekting Provinsal Plis Komanda Simon Yipam i tok ol raskel i bin stilim mani na ronawe pinis taim ol ripot i kisim ol plisman. Ol i bin traim long ronim ol tasol ol raskel lain ya i ronawe pas na go lus long hap bilong Butawen.

Mista Yipam i askim ol manmeri bilong Finsafen long wok klostu wantaim ol plisman na givim ripot long ol dispela lain. Em i tok ol dispela raskel man i no kam long klaut ol solwara. Ol i man olsem yumi olsem na husat

man i gat save long ol i mas toksave long plis bai ol plisman i ken go na holim ol.

Mista Yipam i tok wanpela hevi bilong ol plisman long Finsafen em ol i nogat ka long mekim wok. Wanpela ka tasol i stap tasol i bagarap na stap long woksop. Olsem na ol plisman i bin yusim ka bilong lokol gavman long traim ronim ol raskel lain ya tasol ol i ronawe i go hait pinis.

NADZAB RIPOT

Long narapela hevi tu, Nadzab plis i bin holim pinis tupela sekyuriti gad bilong ples balus long stil insait long banis bilong North Coast Aviation tupela wik i go pinis.

Mista Yipam i tok tupela sekyuriti gad bilong Sivel Eviesen (DCA) i bin go insait long banis bilong balus kampani ya na i laik stilim ol dua. Ol dispela dua em ol i wokim pinis na i laik

salim i go long Westen provins long balus.

Mista Yipam i askim ol bosman bilong sekyuriti kampani long skelim gut ol man na kisim ol long wok bikos wok bilong ol sekyuriti em long was na lukautim ol samting na banis bilong pablik o ol bisnis.

Em i tok long Nadzab yet i gat olsem 6-pela plisman na dispela i no inap long lukautim Nadzab ples balus. Em i laikim bai i mas gat 12-pela plisman long hap bikos i no longtaim bai ples balus long Nadzab i op go bikpela long kisim ol ovasis balus i kam na i go. Olsem na ol i mas gat inap plisman long lukautim pablik na ol samting bilong ol na tu long banis bilong ples balus.

MUMENG RIPOT

Long narapela hevi tu long las wik Tunde, bikpela haiwe ka bilong Zenag

Chicken kampani long Mumeng i bin kapsait klostu long Gurakor ples wantaim moa long 800 frisa kakaruk. Zenag ka i laik karim ol dispela kakaruk i go long Lae taim em i bungim birua.

Mista Yipam i tok ol manmeri bilong ples klostu i kamap na kisim olgeta kakaruk na salim long ol manmeri i ron long PMV na arapela lain tu.

Em i tok dispela i no pasin bilong ol Mumeng bikos ol Mumeng em ol gutpela lotu manmeri. Em i askim kaunsil bilong ples Gurakor long kisim nem bilong ol manmeri husat i kisim ol dispela kakaruk bikos ol i mekim stil pasin long samting bilong narapela man na dispela i brukim lo. Bai ol plisman i go insait long Gurako ples na sekim dispela ripot bihain tasol long Zenag kampani i mekim komplek long dispela birua.

Kaya mama grup bai soim stail long Australia

PAULUS TALI i raitim

KAYA mama grup bilong Morobe provins bai go long mini so long Australia, na long dispela ol bai go putim kamap ol kalsa pasin bilong Morobe long Melbon kalsa so.

Kodineta bilong grup Misis Ayuc Hofagau husat tokim Wantok nius olsem grup bilong em bai lusim Morobe provins long Tunde 2, 1999 long go long Australia dispela wik.

Misis Ayuc tok long ya 1997 Kaya mama grup bin go tasol planti mama i no bin go, na long dispela ya 1999 ol mama interes long go long dispela kain wokabaut long Australia.

Kodineta bilong grup tok mipela bai putim ol kalsa



• Ol Kaya mama grup bilong Lae i mekim wanpela raun i go long Melbon, Australia long stap insait long Melbon Mini So. Wantok i kisim piksa ol Kaya mama grup long Mosbi, Jackson's ples balus. Foto: Ivan Bayagau.

pasin, salim handikrap na bilas na putim ol singsing long ol skul na arapela ol musiem senta. Kaya mama

grup i no ol mama long Kate Yabim tasol, nogat ol miks mama stap long Lae taun kodineta tok. Misis Ayuc tok

amamas long ol papa bilong ol mama long sapotim tru ol mama long dispela wokabaut. Em tok ol papa soim

gutpela pasin tru.

Kaya mama grup namba olsem 35 olgeta long dispela wokabaut, ol i hatwok tru long painim mani bilong ol long fan resing long dispela rot ol kamapim mani long go.

Ol mama yet bungim mani kamap olsem K30,000 olgeta tru long hatwok bilong ol. Kodineta Ayuc, tok K30,000.00 go wantaim pe bilong balus paspot wantaim haus slip pe bai go antap K50,000.00, Misis Ayuc tok.

Long Lae ol Kaya mama grup tu save klinim Morobe gavman opis long painim liklik mani bilong fan resing. Em laik bringim ol mama go aut long arapela hap long bringim pasin bilong kantri bilong yumi go aut long ovasis.

Painim rot bilong daunim hevi bilong lo na oda

LONG PNG yumi olgeta i save na lukim olsem hevi bilong lo na oda i bikpela tru na bilong daunim dispela hevi i gat sampela rot i stap pinis we gavman na arapela ogenaisesen olsem NGO na ol sios wanwan na long komyuniti i wok long helpim ol yangpela long i stap bai isi na i noken mekim pasin nogut. Nau yet planti manmeri i pilim hevi tru long lo na oda i bagarap namel long yumi.

Na planti lida na ol manmeri ol i toktok long dispela hevi na pret nogut tru long nogut ol man nogut i bungim ol tu na stilim ka bilong ol na arapela samting bilong ol. Na t yumi nau i gat planti tingting na askim olsem.

Dispela hevi bilong lo na oda i kamap olsem wanem tru na husat ol lain tru i mekim dispela ol pasin nogut. Taim yumi askim kain askim olsem bai yumi kamapim kainkain ansa bilong ol.

Sampela bai tok ol man i nogat wok mani na ol raun nating na angre na ol i stilim kaikai na mani samting bilong pulapim bel bilong ol.

Arapela i tok dispela pasin nogut ol

i lainim yet long ovasis olsem save man bilong stil na kilim man i kam long ovasis kantri na lainim ol Papua Niugini man long mekim ol dispela pasin nogut.


Ansa bilong dispela ol askim i sanap yet na sampela rot bilong painimaut husat i mekim ol trabel na wanem as tru na ol i mekim trabel.

Nau long dispela planti lida na manmeri i toktok tumas long painim rot long daunim hevi bilong lo na oda na mi tu i tingting planti long dispela na kamap long wanpela tingting olsem.

Gavman i mas wokim ol polisi o lo bilong pasin ol man husat i wokim trabel i stap long ples bilong ol yet na i noken larim ol raun nabaut, askim pasin nogut na pretim ol gutpela manmeri na komyuniti na tu Gavman tu inap wokim lo bilong yumi yet long bosim pipel na kantri bilong yumi i olsem yumi noken bihainim ol intenesenol lo tumas olsem fridom ov muvmen na arapela lo we i no fit long pasin bilong yumi hia long Papua Niugini.

BILUM

wantaim
Sir
Getake S.
Gam



I luk olsem yumi no bin skelim ol man bilong mekim pasin nogut na mekim save ol long ol i noken mekim trabel gen. Strongpela lo bilong banisim ol trabel man i mas kamap na muvmen bilong ol trabel man i mas i stap long han bilong ol plis na ol komyuniti na ol i ken moniterim o was gut bai ol i noken mekim trabel gen.

Mi ting sampela lain wan pisin o hauslain i kamap wantaim dispela blut bilong mekim pasin nogut ol taim we yumi arapela ting em i pasin nogut na sem long mekim. Ol rekot

bilong plis bipo yet na i kam inap nau i ken soim klia olsem ol man i kam long wanem hap bilong Papua Niugini i mekim pasin nogut olsem kilim man, bagarapim meri, stilim samting bilong arapela lain. Gavman i ken pasin sampela lo bilong bosim ol dispela kain man i ken i stap tasol long hap bilong ol na i noken raun long sampela arapela hap we ol inap long mekim trabel.

Papua Niugini em i graun bilong yumi na kantri bilong yumi. Sapos Gavman bilong Papua Niugini i laik mekim lo bilong bosim ol pipel bilong en em i mas mekim na i noken bihainim ol intenesenol na tu lo bilong ol arapela kantri na lain.

Sapos plis rekot i soim olsem ol man long wanpela eria, o ples o distrik insait long Papua Niugini i man bilong mekim trabel orait ol dispela lain man nogut i mas i stap oltaim long lukaut bilong plis long ples bilong ples bilong ol yet.

Yumi i gat sampela rot i stap pinis long daunim hevi bilong lo na oda. Tasol hevi i stap yet olsem na mi

kamapim dispela tingting bilong yumi ken skelim. I gat as olsem oltaim yumi save harim nius o lukim nius-pepa olsem ol man bilong wanpela eria o distrik i save mekim trabel.

Plis mas luksave long dispela pasin na ol i ken mekim save long ol. Dispela em i wanpela rot bilong daunim hevi bilong lo na oda long kantri bilong yumi.

Yumi i no lukim wanpela gavman insait long dispela 24 ya bilong kantri i stap independens i bin kamapim wanpela program we i stap na i sut long pinisim dispela hevi bilong lo na oda insait long kantri bilong yumi, Papua Niugini.

Sapos yumi ting olsem hevi bilong lo na oda em i bikpela hevi we i laik daunim strong bilong kantri bilong yumi long wok bilong Gavman, ekonomi na sosal laip bilong yumi. pipel bilong Papua Niugini orait moabeta yumi yusim ol rot bilong daunim hevi bilong lo na oda i stap pinis na sampela arapela nupela rot yumi kamapim na wok long en. Wanpela kain bung i mas kamap namel long yumi bilong skelim dispela na kamapim rot bilong daunim hevi bilong lo na oda nau i stap bikpela long kantri bilong yumi.

PNG bai tromoi bikpela mani long bond mani

ROSALYN ALBANIEL i raitim

OL WOK redi long Gavman i kisim "bond" dinau mani long Yuropein beng bai i redi long mun Epril.

Komes na Industri ministra, lan Ling-Stukey i go pas long wanpela gavman grup we i wok long toktok wantaim ol lain i go pas long "bond" dinau isu.

Bond dinau em wanpela kain rot we ol gavman na ol arapela i save kisim dinau mani long en long ovasis. Em i no wankain olsem ol narapela rot we yumi save long en.

Bikos Gavman i wok long painim hevi wantaim mani, moa yet long go hetim ol wok we i kam aninit long 1999 baset, em i wok long painim dinau mani ovasis. Na em i kisim tok orait pinis long kisim intenesenel bond dinau mani inap long US\$250 milien (K555 milien). Ol ripot i tok ol bai lonsim dispela bond mani isu long neks mun.

Tasol ol lain husat i gat bikpela save long wok mani na ol kain rot em i wok i tok nau gavman i gat planti dinau na level bilong foren risevs o mani bilong ausait we PNG i gat i stap daunbilo tru na i no gutpela long liklik kantri olsem (PNG) long kisim dispela kain(bond) dinau mani. Moabeta em i lukluk long ol arapela rot na sapos i nogat nau, em i ken go het na kisim dispela kain dinau mani, ol save man long dispela samting i tok.

Ol bai givim dispela bond dinau

long mani bilong ol Yuropein Yunien ol i kolim long Yurodolla long fiks interes reit we bai i peim interes bilong em bihain long faipela krismas. Ol bai tredim dispela long sekonderi maket long maket prais.

Ikonomis bilong Nesenel Rises Institut Dokta Agogo Mawuli taim em i autim ol tingting bilong em long bond dinau we Gavman i laik kisim. Em i tok taim mak bilong intres reit i go antap, maket prais bilong bond bai go daun na taim intres reit i go daun, maket prais bai go antap.

Em i tok mak bilong intres reit bai go antap long bond dinau we ol liklik kantri olsem PNG i kisim bikos long pasin we ol ausait lain i surik long wokim bisnis insait long kantri bihainim ol kain hevi olsem raskol pasin i go antap.

Em i tok bond i no nomol rot lwe ol liklik kantri i save resim mani ovasis.

Sief iekonomik edvaisa bilong gavman, Dokta Pirouz Hamidian Rad i tok dispela nupela rot we gavman i laik bihainim long resim mani ovasis em i hap long rot long go hetim ol wok developmen long fainensel sekta. Em i tok long longpela taim nau PNG i wok long kisim dinau mani long wanpela rot tasol nau em i lukluk long ol arapel a rot we em bai sevim sampela mani.

Em bin tok taim ol i lonsim bond isu, PNG bai kamapim moa mani wantaim nogat samting long en.

Kopi masin givim bikpela helpim long Kabwum pipel

Ol pipel bilong Kabwum insait long Derim eria i gat isi rot nau long salim kopi bilong ol bihain long Kopi Industri Kopresen (CIC) i helpim long sanapim wanpela bikpela masin bilong kopi long hap.

Dispela masin bai mekim isi long ol asples long pikim kopi na karim i go long masin na salim long hap. Bai ol wokman i baim ol na kisim kopi wantaim skin na rausim na salim bihain. Bai ol asples i kisim hap pepa long kopi fektori ya na i go long PNGBC benk na kisim mani bilong ol.

Memba bilong Kabwum Ginson Saonu i amamas tru long lukim dispela senis i kamap bikos dispela i mekim ol samting i isi long ol asples manmeri long salim kopi bilong ol na painim liklik mani

bilong helpim ol.

Mista Saonu i tok moa long 500 manmeri long ples i bin amamas na joinim dispela asosiesen bilong stap insait long dispela kopi projek we ol i painim isi long salim kopi na kisim mani bilong ol.

Mista Saonu i tok kopi em wanpela bikpela gaden ol manmeri i save kamapim mani long en insait long Kabwum eria. Kopi long Kabwum eria em ol i kolim Ogenik kopi na em i wanpela namba wan kopi insait long kantri.

Dispela kopi projek em namba tu insait long Momase rijon bikos namba wan i bin stap pinis long Simbai eria long Madang provins. Long Morobe provins em i namba wan long ol Kopi Industri i kamapim dispela fektori masin bilong baim na salim kopi.

Memba bilong Kabwum Ginson Saonu i tok amamas tru long dispela bikos em i sain o mak bilong ol pipel yet i kamapim tingting na go pas long wanem samting ol i laikim bai i ken helpim ol.

Mista Saonu i tok dispela em gutpela rot bilong ol pipel i helpim ol yet bikos ol i noken ting bai olgeta taim Gavman o lida i kam na go pas long mekim samting na helpim ol. Ol pipel yet i mas go pas long kamapim samting we i sut stret long laik na sindaun bilong ol, orait Gavman i ken kam insait na strongim ol.

Mista Saonu i amamas long dispela projek bilong komyniti we ol i kamapim wantaim CIC na askim ol long strongim yet wok ya long i ken ron gut na helpim ol long planti taim i kam.



• Memba bilong Kabwum Ginson Saonu i sanap wantaim siaman bilong Timbe Developmen Kopresen Apoloz Ziwe na arapela ples man long lukim dispela kopi fektori o masin long Timbe insait long Kabwum distrik.

Gavman i no givim mani long POSF yet

...Planti memba i no kisim mani

SAPOS yu wanpela bilong dispela ol pablik sevan husat gavman i retrensing yu long 1997/98, ating bai yu painim olsem yu no inap long kisim olgeta POSF mani bilong yu. I no yu tasol, i gat planti ol lain i stap husat i wok long bungim dispela hevi long kisim olgeta mani bilong ol.

POSF i peim pinis olgeta mani long sait bilong em, bikpela hevi long mani em gavman i no peim yet mak bilong em. Long wanem gavman i no gat mani long peim dispela ol wokman. I no gat tok save i kam long gavman long ol membas long wanem taim tru ol i laikim gavman long peim dispela mani. Gavman i nogat mani. Tasol dispela i no asua bilong POSF olsem yu no kisim dispela mani. Em pasin we gavman i wokim na planti ol lain i wok long kisim bel hevi.

Kontribusen

Aninit long luk bilong POSF, ol memba i mas peim sampela mani olgeta potnait i go long POSF bot. Ol dipatmen we dispela ol lain i save wok i save peim sampela mani i go long gavman long lukautim. Gavman bai holim dispela mani inap long taim memba i ritaia o i laik kisim mani bilong em.

Tasol gavman i no gat wanpela spesel akaun we dispela

ol mani i save stap. Dispela ol mani i save go stap long wanpela akaun o (Consolidated Revenue Account). Long dispela as gavman i ken mekim wanem samting em i laik long wokim inap long taim ol memba i laikim mani bilong ol i go bek.

Long dispela pasin ol gavman bilong bipo i wok long yusim dispela mani long ol arapela samting we i nogat intres bilong POSF o ol membas bilong em. Olsem na nau gavman i nogat mani long kisim na peim ol memba.

Wanpela bilong dispela ol kain pasin bilong gavman em taim em i traime long baim wanpela bikpela haus long Cairns, Australia. Samting olsem K18 milien kina bilong dispela mani i bin stap insait long peim dispela haus. Olgeta mani bilong ol memba i lus nating long wanem i nogat wanpela bekim i kam long dispela. Gavman tu i bin traime long kisim long mani long POSF long wanem intres mak bilong ol benk i go antap tru.

Senis long lo

Long dispela as, Minista bilong Treseri na Plening, lairo Lasaro i tokaut olsem em bai askim palamen long sapotim em long wokim wanpela senis i kamap POSF ekt o lo. Dispela ekt em sekens 32 we lo i save tok olsem ol dipatmen i mas peim mani i go stret long gavman. Long dispela senis mani i bai go stret long POSF bot. Long dispela senis POSF

bot i bat olgeta rait long mani bilong em na bilong ol memba tu. Gavman bai nogat pawa long putim han bilong em i go insait long tasim dispela mani.

Husat i asua?

Planti membas i ting olsem POSF i asua. Tasol sapos dispela i olsem, ol bai no inap long kisim hap mani we POSF i baim long ol. POSF bai painim hat nau long peim ol wokman long wanem gavman i nogat mani long peim ol. Taim, POSF i laik peim ol wokman, em i mas bungim mani we memba i putim wantaim hap we gavman i putim olsem bai ol memba i ken kisim moa mani. Tasol nau dispela i no kamap long wanem ol wokman i kisim mani we ol yet i putim na ol i no kisim mani we ol wanwan dipatmen i putim long nem bilong ol.

Kot

Long sampela edvais Wantok i askim ol loya ol i bekim tok olsem ol yunion lain dispela ol membas i stap long em i gat gutpela sans long karim gavman i go long kot. Dispela ol loya i tok olsem aninit long lo dispela em mani bilong ol membas na gavman i wokim bikpela asua tru long salim dispela mani i go long ol wok we i nogat intres bilong ol wokman.

Gavman i gat dinau olsem klostu long K.5 billion kina long taim dispela fan i stat i kam inap nau.

Kos bilong skruim save long taim bilong bikpela birua

VERONICA HATUTASI i raitim

KANTRI i wok long kisim planti taim nogut long bikpela san, ren, taitwata, graun i bruk, maunten paia na guria na ol atoriti i luksave olsem ol mas gat ol plen i redi i stap bilong bihainim long redi long ol dispela birua.

PNG i gat pinis ol bikpela birua olsem Aitape Taidel Wev na maunten paia long Rabaul.

Long maunten paia, ol pipel i bin redi bikos ol bin kisim pinis sampela skul aweanes long en na nogat bikpela birua o man i dai. Tasol long Aitape, planti tausent pipel i bin dai bikos samting ya i kamap wantaim nogat toksave long en.

Nau ol disasta atoriti wantaim ol Gavman, Pis, Difens, Helt, Edukesen, Treseri na Plening, ol NGO grup olsem PNG Red Kros, Salvesen Ami, AusAID na ol arapela grup husat i gat bikpela tingting long givim helpim long taim bilong birua i bung wantaim na long dispela wik ol i sindaun insait long wanpela trening kos bilong skruim save long disasta manesmen o bikpela taim nogut i kamap long kantri.

Dispela em namba wan hap long ol wok redi long Nesenel Disasta Manesmen Projek we ol bai go hetim long neks yia, 2000.

Nesenel Disasta na Imejensi Sevis wantaim AusAID i kodinetim dispela kos na Joel Rokovada husat i wok wantaim Saut Pasifik

Disasta Manesmen progrem long Fiji i ranim kos ya.

Dairekta bilong NDES Ludwig Kembu long opening bilong dispela wanpela wik woksop we bai i pinis tumora i tok kos ya bai skruim save bilong wanpela profesenel grup husat bai givim helpim kwiktaim long ol manmeri na pikinini insait long eria we birua i kamap long en. Ol lain i no bilong wanpela hap bilong wok, nogat, ol i kam long Gavman, praivet sekta na ol Non Gavman Ogenaisesen.

Mista Kembu i tok i kam inap nau, ol politisen na pablik i bin sutim tok long gavman, moa yet, NDES long no givim gutpela helpim hariap taim ol birua i kamap. Na em bin tok em i wanbel long ol dispela toktok bikos yumi nogat gutpela luksave, tingting na wok redi o plen i stap long dispela samting.

Na em i tok wantaim dispela trening olsem namba wan hap long ol wok redi, dispela bai skruim save na redim ol profesenel grup husat bai givim helpim kwiktaim taim ol birua i kamap long kantri.

Em bin tok tu olsem kantri i laikim moa politikel aweanes na midia trening long helpim wok bilong disasta manesmen sapos PNG i laikim gutpela Disasta manesmen sevis.

Em bin tok disasta manesmen i min olsem lusim ol hevi bilong skin kala, pilai politikis, ol man i laik yusim taim nogut long kamapim nem bilong ol na ol arapela kain samting moa olsem we i ken bagarapim na stapim helpim i go long ol pipel we birua i karamapim ol.



Motorring

Sapliment



Baim Kijang long Ela Motors - kisim sans long Courts

OL KAMPANI husat i save salim ol moto ka nau i wok long kamapim ol sampela gutpela dil tru long mekim ol pipel i baim ol moto ka. Long dispela mum Mas Ela Motors i gat wangepa dil we sapos yu baim wangepa nupela Kijang pikap o bas, yu bai gat sans long kisim K500 moni long kisim

wanem samting yu laikim long Courts Mammoth Superstores. Dispela K500 vauasa bai yu nap yusim tasol long mun Mas. Sapos yu laik kisim ol samting long Courts yu bai raitim nem na adres bilong yu, putim Ela Motors invois namba na det yu baim dispela Kijang, katim advetismen bilong

nuspepa na karim i go long Ela Motors outlet i stap klostu long yu.

Dispela 10-sita mini bas i gat gutpela hap bilong sindaun na yu no inap long pilim seksek tumas.



Em i gutpela moa long karim ol man na ol kago tu. I gat tripela model bilong dispela 10-sita bas. Deluxe (DLX) model i gat sit kava we i luk nais tumas, pawa stiarng, redio kaset, kula na ol narapela stail samting we dispela ka bai spit na luk stail moa yet. Narapela em long GL model na em i gat ilektrik windo, pawa stiarng, wangepa sistem bilong lokim ol dua, waipa bilong windo long baksait, klok, na ol narapela samting long mekim

dispela ka i luk stail tru. Stended model em i nogat sit kava.

Toyota pikap ya em i gutpela moa long ron long haiwe na karim ol kago. Em i isi tu long putim kago i go antap long wanem em i ken op long baksait, na ol sait tu. Sapos yu stap ausait long Pot Mosbi yu ken sekim ol narapela outlet bilong Ela Motors i stap long Lae, Kokopo, Rabaul, Madang, Goroka, Tabubil, Vanimo, Wewak, Kavieng, Kimbe, Lihir, Buka na Alotau.

Isuzu em i namba wan long Amerika

WANPELA KAMPANI ol i kolim long Amerikan Isuzu Motors Inc (AIMI) insait long Amerika i kamap nambawan tru long mekim ol midium na hevi duti trak. Dispela em i kamap long wangepa sevei ol Amerikan Trak Dilas (ATD), wan-

pela han bilong Nesenel otomobil dilas asosiesen insait long Amerika yet husat i save salim ol moto ka long Amerika i painim aut olsem Isuzu em i namba wan tru insait long kantri bilong ol.

Dispela sevei o wok painimaut i

bin kamap long mun Me na Jun 1998 namel long ol lain husat i save salim ol kainkain moto ka. Dispela wok painimaut i bin gat ol askim na ol kampani husat i save salim ol moto ka i bekim ol dispela askim long wanem kain

moto ka i strongpela na moa gutpela.

Planti ol lain dila ya i kolim Isuzu olsem namba wan moto ka insait long Amerika. Long ol narapela nius bilong Isuzu, i gat ol sampela gutpela sel bai kamap long

mun Mas. I gat ol pikap, na ol narapela kain tu i stap olsem piksa i soim. Ol dispela Isuzu trak i stail moa yet na ol dila o kampani long olgeta hap bilong wol nau i hariap long painim ol dispela gutpela Isuzu moto ka.



THE ALL NEW MITSUBISHI COLT CARGO

Available at:

TOBA MOTORS
a division of Steamships Automotive



HEY!

TOBA

PORT MORESBY...PH: 321 7874 & LAE...PH: 472 2611



MANUFACTURE:

- ★ SEMI TRAILERS
- ★ LOW LOADERS
- ★ LOGGING JINKERS
- ★ TIPPER BODIES
- ★ TRUCK TRAYS & CUSTOM BUILT EQUIPMENT
- ★ Recondition/Straighten Trailers & Chassis
- ★ Transport Spare Parts
- ★ HIAB Cranes

NSC Freighters specialise in the construction of truck bodies, Semi-Trailers, Tipper Bodies, Jinkers, Spare Parts - Repair New range of Timber Jinkers with 42 Tonne walking Beam Suspension, 1100 x 20 Tyres Heavy duty Round Pole with inner & outer Poles. Adjustable with an option of Fixed or Drop down Bolsters, or to your specifications. NSC also can supply specialised tipper bodies, timber jinkers and spare parts. Any enquiry will be speedily attended to by our Director Steve Lindeman.

Our product range includes: 2 models of triaxle semi-trailers, (the regular heavy-duty one and the recently released 'Centurion' model with a lighter tare weight), tandem timber jinkers, low-loaders, truck trays and tipper bodies. these items are fully manufactured in PNG to suit PNG conditions and are supported with a full range of transport spare parts held in stock.

Our Specialised service include: Full repair on trailers, jinkers and truck bodies, modifying/reconditioning the above items, supplying and fitting truck mounted hydraulic cranes and straightening trailers and truck chassis.

NSC FREIGHTERS

PO Box 3314, Lae, Papua New Guinea
Phone (675) 472 3022 Fax (675) 472 3865



• Sapos yu baim wanpela seken hen moto ka nau long Boroko Motors nem bilong yu bai go insait long wanpela dro long winim dispela nupela Nissan Navara prais bilong em i stap nap long K50,000. Foto: Ivan Bayagau.

Baim seken hen moto ka na winim nupela Nissan navara

WANPELA bikpela kampani husat i save salim ol moto ka Boroko Motors nau i gat wanpela promosen we bai yu baim wanpela seken hen moto ka na nem bilong yu bai go insait long dro bilong winim nupela Nissan navara.

Dispela promosen i kamap long olgeta han bilong kampani insait long kantri olsem Pot Mosbi, Lae, Madang, Mt Hagen, Popondetta, Kimbe na Rabaul. Nupela Nissan navara ya em prais bilong em i stap olsem K50,000. Em i wanpela fit ka tru wantaim ol traipela mag wil, bul ba, ba long bak-sait, ol het lait tu i gat protekta, floa mat insait long ka, ples bilong redio kaset bai yu ken harim naispela musik, spot lait na 5-pela spit.

Menesa bilong ol seken hen moto ka Michael Golgerth i tok dispela em i nambawan taim we kampani i holim dispela kain promosen. Wanpela selsman bilong kampani i tok sels i go gut

tru long mun Februari na ol i ting sels bilong mun Mas tu bai go gut moa yet.

Ol man husat i laik baim ol seken hen moto insait long mun Februari na Mas bai kisim sans long go insait long dispela dro. Dro bai kamap long nambawan wik bilong mun Epril. Nau yet i gat planti seken hen moto ka i stap na prais bilong ol stat long K8000 i go long K80,000. Ol 4-wil draiv wegon, utiliti na ol sedan i stap. Dispela ol moto ka em ol i i mekim ol gut pinis na i olsem nupela ken. Planti pipel i soim interes pinis long dispela promosen.

Nau yet tu Boroko Motors i wok long givim wanpela kain gutpela servis long ol kain ka olsem sedan, utiliti na ol 4-wil draiv tu. Moto ka bilong yu bai kisim gutpela servis tru long K139 tasol. Na antap long dispela ol wokman bilong woksap bai wasim moto ka bilong yu gut tru na penim ol taia tu i go blak moa yet.

The USED CAR Specialists



K56,990

TOYOTA LANDCRUSER, 4x4 UTE - as new diesel engine, 5 speed, aircond, power steering bullbar.



K24,990

NISSAN BLUE BIRD - 1.8 litre fuel injected automatic aircond power steering



K74,990

TOYOTA LAND CRUSER 4x4 WAGON - VX Turbor diesel engine, 5 speed 49,000 klms, fully options



K49,990

FORD COURIER KIN CAB 4x4 UTE - As new Diesel 5 speed manual, aircon, p/steering, & lots of extras, 6,000 km, 1998 model.



K18,990

TOYOTA TERCEL 4 DOOR SEDAN - Aircon, AM/FM radio casst. 5 speed, 5 to select from



K18,990

NISSAN PRESRA 4 DOOR SEDAN - Automatic 4 speed, fuel injected power steering tint w/doors



BOROKO MOTORS

HEADING FOR THE FUTURE

WAIGANI DRIVE & CAMERON RD. WAIGANI, PHONE: 325 5255

1Autoloan
NAMBAWAN FINANCE LIMITED



AGC

Nau mi save, yu bilong Goilala

PETER MAIME i raitim

Mi ting mi save long dispela nem Goipex, dispela namba 105 na wanpela ol lain pipel long PNG ol i kolim Goilala.

Dispela nem Goipex and namba 105 em planti lain i save yusim long ol Goilala. Na tru mi ting mi save long ol.

Mi ting mi save long ol Goilala bikos mi bin bungim ol long niuspepa, long redio na long tok win bilong ol pipel. Tru tumas, oltaim mi bin ting, ol Goilala em ol lain nogut. Mi ting em ol lain bilong mekim trabel.

Nau mi save olsem ol lain husat i putim dispela kain tingting long het bilong mi em ol i rong. Nau mi no wanbel long ol. Ating ol liklik grup i mekim sampela ol birua pasin na planti lain i ting, olgeta Goilala i wan kain.

Mi ken tok olsem mi no bin save tru long ol Goilala inap mi bin bungim ol long las wik. Dispela em taim ol pipel i bin karim "Kruise 105" i go long Gade setelmen klostu long Baruni autsait tasol long Pot Mosbi taun. Gade setelmen em bilong ol lain Goilala.

Mi wantaim kamera man bilong nius rum, Ivan Bayagau i bin go long hap long kisim stori na potolong dispela bung.

Wokabaut bilong dispela kruise i bin stat long Onoge antap long maunten bilong Goilala long Sentrel Provins, na em long yia 1996. As bilong wokabaut bilong dispela Kruise 105 em bilong sensim laip bilong ol pipel bilong Goilala na bringim ol i go bek long pasin bilong lotu na bilip.

Pater Charles Kape husat i bin



■ Ol Goilala manki long Gade setelmen long Baruni autsait tasol long Mosbi i bin promis long lusim ol raskol pasin.

kirapim dispela wokabaut bilong kruise i tok, planti lain long PNG i save lukim ol Goilala olsem ol raskol o ol lain nogut olsem na ol i laik senisim sampela ol krangki pasin. Em i tok, "Sapos mipela i mekim rong na bagarapim gutpela laip na sindaun bilong ol sampela lain, mipela i tok sori."

Kruise 105 i bin raunim olgeta liklik ples long Goilala. Bihain em i wokabaut long Kokoda i go long Popondetta. Long Popondetta, em i kam bek bihainim bus bilong Sogeri. Taim i em stap long Sogeri, ol pipel bilong Goilala husat i stap long Mosbi i laikim bai kruise 105 i mas kam long ples bilong ol tu.

Bipo long kruise i kam long Pot Mosbi, em i bin kam stap long 14 mail. Long 14 mail autsait tasol long siti, ol Goilala komyniti long hap i kilim pik na mekim bikipela pati. Dispela kain pati wantaim pik, long pasin bilong Goilala, em ol i save mekim taim wanpela bikman i kam long ples bilong ol.

Bihain long 14 mail, ol pipel long hap i bin karim kruise ya i go long bikipela haus lotu long Pot Mosbi Katolik Asdaisos na givim i go long han bilong Asbishop Brain Barnes long las wik Tunde. Bihain long lotu, Asbishop Barnes i bin kisim kruise 105 na givim i go long han bilong ol lain Goilala long Pot Mosbi siti.

Dispela kruise bai raun tripela wik olgeta long Pot Mosbi na go long olgeta ples we ol Goilala i stap long en. Bihain bai em i krugutim Hiritano haiwe na go bek long Bereina Diasos.

Long haus lotu bilong Asdaisos, Kruise 105 i bihainim haiwe i go olsem long Hanuabada, Idubada, Tatna na las Fraide em i bin kamap long Gade setelmen.

Taim ol pipel i karim Kruise 105 na go klostu long Gade setelmen, draiva bilong bilong nius rum bilong Word Publishing, Gau Morea i kisim mi wantaim Ivan i go long hap. Ol pipel i singsing, pre na wokabaut isi i go long givim "Jisas 105" long ol "wantok" bilong em long Gade.

Mipela i lusim ol pipel wantaim kruise long hap rot klostu long Gade, na kam pas long wetim ol. Ol Goilala long Gade i redim ol yet gut tru long kisim Kruise 105.

Wanpela grup i bin sanap pinis arere long haiwe. Ol bin bilas na sampela man i holim gita na wetim kruise. Tupela man na tupela meri i bin bungim het long namel na lek i go ausait na slip i stap. Wanpela liklik boi i holim tupela spia simok na wanpela mama kakaruk.

Rot long haiwe i go long Gade setelmen, em ol pipel i bin klinim gut tru. Ol i putim ol gutpela bilas long rot. Ol mama, ol susa, ol man, ol yangpela na ol liklik pikini-

ni tu i bilas gut tru.

Taim Kruise 105 i tanim na kam long rot bilong Gade, planti ol lain husat i wet long bungim kruise i kam holim pasim em na kra. Bihain liklik, wanpela lida bilong grup i bin mekim sampela toktok na i givim dispela kakaruk na simok i go long kruise olsem mak bilong welkam long Jisas 105 i kam long ples bilong ol.

Bihain long dispela, ol man i pilai gita na olgeta i singsing na kalap karim kruise i go long ples Gade.

Long hap rot i gat naraplea grup i redi long tok welkam long kruise. Ol tu i kam holim pas long kruise na kra. Bihain lida bilong grup i givim toktok na givim gen wanpela mama kakaruk na sampela buai na simok i go long Kruise 105.

Namel long dispela sotpela rot long haiwe i go long Gade haus lotu i bin gat 5-pela grup i bin mekim wanpasin long tok welkam long kruise. Ol i bin pilai gita, paitim kundu, singsing, danis, kalap na amamas long kisim "wantok bilong Goilala, Jisas 105."

Las grup i bin stap klostu long haus lotu bilong ol. Ol i bin bilasim ples we bai ol i sanapim kruise. Taim kruise i go kamap long hap, ol i sanapim gut long ples ol i bin redim.

Aninit long kruise, ol pipel i putim ol gutpela ofa kaikai olsem rais, tin pis, mit, suga, na ol gutpela gaden kaikai olsem suga, kon, kaukau, pinat na ol sayor.

Taim ol lida i mekim pinis ol las tok welkam long Kruise 105 na ol lain husat i karim i go long Gade, i bin gat wanpela pilai o drama.

Long dispela drama, i bin gat sampela ol yangpela manki i drink spak na danis long musik i stap. Taim ol i spak krangki na mekim planti nais, i bin gat tripela pairap bilong sot gan. Dispela em ol sot gan tru. Taim mi harim pairap bilong gan mi ting, sampela lain i no amamas na kam bilong bagarapim dispela bung. Mi bin stap wantaim pret bikos mi bin harim pairap tru bilong gan. Wan tu sampela boi nogut i kam autsait wantaim ol hom med gan, pistol na ol plis yunifom na hankap.

Ol dispela lain manki i kam na ensapim ol narapela manki husat i dring na spak i stap.

Taim dispela i wok long kamap, wanpela yangpela boi i bilas olsem Jisas na kam tokim ol long stapim dispela kain raskol pasin. Ol manki wantaim gan na pistol i tromoi ol dispela samting i go daun long graun. Bihain ol i kisim bek, givim pes long olgeta manmeri na tokaut olsem ol i nau lusim ol raskol pasin. Ol i promis long Jisas 105, wanpela bilong ol yet long lusim ol pasin nogut na bihain laip bilong God.

Long dispela sotpela wokabaut bilong mi long Gade wantaim kruise, ol lain Goilala i skulim mi planti samting. Em i bin wanpela spesel wokabaut bilong mi.

Mi no bin save bipo olsem ol Goilala i gat naispela nek bilong mekim ol gutpela singsing. Mi no bin save tu olsem ol Goilala i gat ol gutpela bilas tumbuna. Mi no save olsem ol Goilala i ken paitim gita na kundu long kaikain stail wantaim danis bilong ol.


Taim mi lukim ol dispela samting, mi bin gat bikipela amamas tru long bel bilong mi. Dispela amamas i mekim na ai wara i kapsait nating long mi. Lewa bilong mi i bruk na mi sori long mi yet.

Bipo mi ting olsem ol Goilala em ol raskol lain, ol lain bilong kilim ol man, ol lain bilong bagarapim ol meri na ol lain long drip nating nating long taun.

Ating ol kankain nius ripot na tok win namabaut i giamanin mi na mi bin gat krangki tingting long ol Goilala.

Mi pilim nogut long dispela samting na mi mas tok sori. Nau tingting bilong mi i senis bikos mi yet lukim long ai bilong mi olsem ol Goilala i gat planti gutpela samting long serim wantaim ol narapela lain long kantri. Ol i gat kalsa, ol i gat bilip na ol yet olsem wanpela pipel bilong PNG.

Taim mi lusim Gade setelmen, mi bin pulap na wari wantaim. Mi pulap bikos mi ris long ol gutpela kalsa na bilip ol Goilala i bin soim mi. Mi wari bikos taim bilong mi long stap wantaim ol i sot.



■ Dispela pepa i tok "Pogivim mipela, prea wantaim mipela bai mipela i senis."

Ol tingting long stapim bia long Isten Hailans provins

SAPE METTA i raitim

LONG taim kantri bilong yumi Papua Niugini i no bin tokorait long larim lika (ol bia na strongpela spak dring) i kam insait long kantri, laipstail bilong yumi i bin narakain tru.

Tingim ol tumbuna bilong yumi long bipo. Ol i bin i stap long gutpela pasin na long sait bilong helt, ol i no painim planti bagarap long bodi bilong ol, na ol i bin i stap laip longpela taim bikos ol i no tasim na dring ol dispela spak dring.

Ol i save tasol long kisim ol gutpela dring long helpim gut bodi bilong ol. Mekim olsem na planti long ol i bin i stap laip na winim inap mak bilong 100 o moa yia.

Tasol taim Papua Niugini i tok orait na larim bia i kam insait long kantri long yia 1950 na bihain liklik ol kainkain trabel, hevi na bagarap i stat na kamap isi isi. Nau yet ol dispela pasin i wok long kamap yet.

Ol trabel olsem kros pait, kilim wanpela arapela, painim birua long ka na kisim bagarap na tu kamapim dai na planti ol arapela kainkain hevi na trabel i kamap.

Na tu bikos long ol dispela spak dring laipstail bilong planti long yumi i bagarap, i no olsem bipo long taim bilong ol tumbuna. Nau yet laip bilong planti long yumi i no inap kamap na abrusim mak bilong 70 yia. Mak long taim planti lain Papua Niugini bai lusim laip bilong ol em namel long 60 na 70 yia.

Sapos yu wanpela man o meri husat krismas bilong yu em 55, na yu bin stat dring long taim yu i gat 17 o 18 yias, yu mas save olsem yu igat 10 o 15 yia lep we bai yu i ken dai. Em sapos yu i no laik stap dring. Sapos yu stap long dring ating yu i ken surukim taim bilong laip biong yu i go antap liklik.

Sapos yu husat man na meri i save dring tumas, alkohol o strongpela bia we ol i save miksim wantaim ol bia na strongpela dring bai i ken bagarapim planti hap insait long bodi bilong yumi.

Na ol bodi bilong yumi i no inap go het gut long bildim bek wanem samting em alkohol o marasin nogut ya i save kukim insait long bodi bilong yumi.

Na sapos yumi i no inap stap na go het yet long dring, yumi i ken bagarapim planti hap bilong bodi bilong yumi na tu yumi i ken painim planti kainkain sik na sampela taim yumi i ken kamap long-long.

I tru olsem i gat as na planti long yumi i save dring bia na ol strongpela alkohol dring. Em long taim yumi laik amamasim na selebretim ol spesel taim long ol pati na ol arapela i namas pasin.

Mi i no inap pasim na stapim yu husat man na meri i save amamas long dring. Em i laik bilong yu. Nau yet long Goroka, biktaun bilong Isten Hailans planti toktok i wok long kamap na sut i go i kam bihain long ol Provinsal Atoriti i sindaun long wanpela miting na pasim lo long kamapim tambu long salim ol bia na strongpela dring insait long provins.

Dispela tambu bai stapim planti stua insait long provins we bai ol i

no inap salim ol bia na strongpela alkohol dring.

Na tambu ya i sapos long kamap long Februari 1, tasol em i no kamap na planti ol stua i go het na salim ol bia na strongpela dring yet.

Wantok i mekim sampela lukluk raun na askim sampela bisnisman na lida long provins long wanem kain tingting ol i gat long autim long dispela lika tambu.

Wanpela bikmeri lokel redio anaunsa na presiden bilong Goroka Distrik Wimens Kaunsil, Lucy Baru i agensim dispela lika tambu na i tok disisen bilong Provinsal Eksekutiv Kaunsil (PEC) long kamapim tambu ya i no stret, long wanem em i ting disisen ya em ol i mekim wansait tasol long amamasim manmeri bilong Isten Hailans.

Em i tok PEC i mas sindaun gen long narapela miting na skelim na glasim gut tingting bilong ol pastaim na bihain mekim ol gutpela disisen long kamapim tambu na stapim bia long provins. "Sapos lika tambu i kamap long provins, planti long mipela ol meri bai lusim man bilong mipela, long wanem ol man bilong mipela bai lusim mipela na raun i go i kam long ol

arapela provins olsem Lae, Ramu na Madang we i nogat lika tambu long painim bia, dring na entatenim ol yet. Na long sem taim em bai isi long ol i ken paul wantaim ol meri nabaut. Na risal nogut bilong dispela kain pasin tasol, marit na gutpela laip na sindaun namel long ol famili bai i ken bagarap na bruk nabaut.

Na tu planti birua bilong painim na kapsaitim ka long haiwe rot na namba bilong dai tu bai i ken i go antap," Misis Baru i tok. Em i tok ol provinsal lida i mas tingim dispela na senisim disisen bilong ol.

Narapela bisnisman, Moses Divilake husat i save ronim klab 21 long Goroka i tok em i sapatim tingting bilong Misis Baru na tu em i agensim dispela lika tambu long provins.

Em i tok "PEC i ken go het na mekim muv bilong ol long kamapim lika tambu, tasol ol i mas save olsem mipela i kamapim pinis wanpela grup em 'Liqua Dilas Asosiesen' na mipela i kisim pinis wanpela loya long salensim ol (PEC) long Nesenel Kot long dispela bia tambu disisen. Mista Divilake i tok planti bia stua na klap bai

lusim bisnis bilong ol na wankain pasin tu long ol wokman na meri bilong ol.

Narapela wimen lida, Agnes Inape husat i seketeri bilong Isten Hailans Wimens Kaunsil i wanbel long dispela disisen bilong lika tambu long provins.

Misis Inape i tok sapos bia tambu we i bin kamap pinis long ol arapela 4-pela hailans provins olsem Simbu, Enga, Westen Hailans na Sauten Hailans, Isten Hailans tu i ken kamapim.

Em i tok i gat planti gutpela ripot i kamap pinis long ol dispela 4-pela provins.

Misis Inape i tok em yet i bin i go antap long Simbu provins na mekim sampela lukluk raun na taim em i askim sampela ol lidas na wokman na meri long hap, ol i tokim em olsem sindaun i gutpela tru, i no olsem bipo.

Em i tok ol man na meri ya i tokim em olsem taim lika ben i no bin kamap long provins bilong ol, ol i save lusim planti mani long baim bia. Tasol taim lika ben i kamap, ol i no lusim mani na ol i amamas i stap bikos ol i no moa bel kirap long lusim mani long baim ol bia na

ol arapela strongpela dring.

Misis Inape i tok dispela em i gutpela ripot long wanem planti pipel long hap i no moa tingim bia na ol i yusim gut mani bilong ol long

baim ol gutpela kaikai samting.

"Dispela kain pasin tu i ken kamap long Isten Hailans sapos lika tambu i kamap." Misis Inape i tok. Na taim *Wantok* i askim long ol hevi bilong ol drag nogut olsem mariwana na hom bru, Misis Inape i tok, "em i tru sapos lika tambu i kamap, hevi bilong kisim drag nogut na wokim hom bru bai i go antap. Tasol i gat ol lo bodi olsem plis i stap we ol i ken wok hat na daunim dispela hevi."

Em i tok nau em i rait taim we Isten Hailans tu i mas kamapim lika tambu na joinim ol arapela susa provins bilong en.

Misis Inape i tok i tru olsem provinsal gavman i save kisim samting olsem K400,000 - sels takis mani long wanwan yia. Tasol gavman i ken kisim moa mani long narapela rot sapos ol i kamapim lika tambu.

Em i tok PEC i kamap wantaim rait disisen na em i givim ol ful sapot bikos em i laik lukim Isten Hailans i kamap wanpela gutpela na trabel fri provins insait long kantri.

"Na tambuim bia na strongpela dring long provins bai i ken kamapim gutpela risal," Misis Inape i tok.



WANTOK spots wiken

Fainels bai stat long dispela wiken

LAE SOFBAL RIPOT

FRANCO NEBAS i raitim

DISPELA wiken bai i gat bikipela sofbal fainels bilong ol meri long Lae.

Long resis bilong ol meri maina prima klab Bismark Shark i bai malolo na larim ol arapela klap olsem Manalos, NGI Telikom, Karanas na Malangan bai pilai long wiken.

Telikom bai wip wantaim Manalos na Karanas wantaim Malangan. Long pilai namel long Telikom na Manalos em bai wanpela strongpela na tait long wanem tupela tim ya i laik go pas na bungim Bismark na go sambai long gren fainel.

Telikom em nupela tim long dispela sisen we ol i soim strong bilong ol pinis long stap insait long fainel. Ol ekspirens pilai olsem tupela susa ya Carol Yawing, Vivian Yawing, Clare Augwi, Nasi Waluta na Dixie Philips i soim pinis olsem dispela tim tu i gat namba ya.

Long sapotim ol dispela lain em Angela Merire, Carol Warap, Theckla Yawing na Mary Stevens. Telikom ol i gat ol gutpela betas husat save paitim ol gutpela bai na infil bilong ol i strong olsem Manalos.

Telikom noken pilai kaskas long Manalos long wanem ol i gat tu ol stail pilai husat i save bagarapim sindaun ya. Sapos Telikom i no was gut, ol bai painim aut long dispela wiken.

Ol piaia husat bai go pas long Manalos em pitsa Mary Woo. I gat tupela pilai em kosa i save putim long ketsa em Marsh na Anne Kero. Carol Kroi bai lukautim namba wan bes, na Beverly Pasen em seken na Roselyn Pasen long namba tri na Lillian Kori long sotstap. Long auta fil em Matilda Kuni, Linda na Anisa Passingan bai was long ol flai bal long autim ol Telikom.

Tupela tim wantaim i luk wankain liklik long strong tasol wanem sait i mekim liklik asua long fil bai kamap wina. Long tupela bung bilong ol bipo Manalos i bin moa strong na rausim traisis bilong Telikom long wanpela fofeit na mekim ol 7-2.

Dispela dinau i stap yet we Telikom laik bekim bek long Manalos. Dispela bai lukim paia lait stret long Sir Ignatius Kilage stadium.

Long arapela gem namel long Malangan na Karanas tu bai lukim sampela gutpela stail pilai bai kamap long tupela sait wantaim long narapela sisen gen.

Momase askim gavana long sapotim ol

MOMASE SOKA RIPOT

SIAMAN bilong Momase Soka Federesen Peter Angassa i salim pinis wanpela ripot pepa we i askim olgeta gavana insait long Momase rijen long sapotim soka.

Dispela hap pepa i biahainim wanpela resolusen em 1989 Momase Gavana Konpres i oraitim long wanwan gavman i mas givim K5,000 olgeta yia long sapotim wok bilong

Momase Soka Federesen.

Nau yet, i nogat wanpela gavana i givim helpim mani we ol i bin promis long 1989.

Angassa i tokaut olsem Madang em i wanpela bikipela soka rijen insait long kantri na i gutpela em i mas kisim sampela luksave i kam long ol provinsal gavman.

Em i tok Momase na Pot Mosbi i gat nem olsem bikipela senta long kantri. Ol i save saplaim planti ol pilaia i go long

nesenel tim i go kik long ovasis na tu long kantri yet.

MSF i askim ol 4-pela provinsal gavman long givim K30,000. Dispela mani bai bruk i go long wok edministresen K5,000, haus slip K3,000, trenspot K6,000, long stretim ples pilai K7,000 na K9,000 i go long ropi na awot ya.

Kalenda bilong MSF i sanap olsem

• Momase skwat bai raun long Jayapura, Indonesia long Ogas 14-15. Ol arapela bikipela de i

sanap olsem

• 22-26 Mas - Seleksen bilong ol kosa bilong Momase - Lae.

• 19-23 Epril - Mamose skwat trening- Kem 1, Madang,

• 24- 28 Me - Besik Soka referi kos - Madang,

• 26- 30 June - Mamose skwat trening Kem 2, Lae,

• 11-14 Oktoba - Momase skwat i go long Jayapura

• 17 Oktoba - Mamose Referi skul bipo long sempionsip - Momase long Madang.



• Sori tumas ol mama, traim gen neks yia. Ol meri Word Publishing husat i bin lus long Travelodge long mesa semi fainel bilong Divisen 2 long Praivet kampani netbal resis long las wiken.

Ol ogenaisa i taitim bun long stretim ples

NESENL SOFBAL SEMPIONSIP RIPOT

SIAMAN bilong Komiti i lukautim Nesenel Sofbal sempionsip, Ellison Kakat i tokaut olsem komiti bilong em i taitim bun stret long stretim ples long Mt Hagen.

Kakat i tok ogensaising komiti i kisim pinis 6-pela oval we pilai bai kamap long em. Ol oval ya em tripela long Mt Hagen Haiskul, tupela long Tarangau

oval na wanpela long Kimininga Bareks. Nesenel sempionsip bai kamap long April 2-5.

Em i tok planti senta i soim laik long stap insait long sofbal sempionsip tasol PNG Sofbal Federesen i no kisim yet nominesen bilong ol.

Kakat i tok tu olsem i gat sampela ol liklik komiti olsem haus slip na trenspot.

Tripela senta Kimbe, Lae na Is Nu Briten i mekim sampela

askim pinis long ogensaising komiti long stretim rot bilong haus slip na trenspot.

"Sapos ol senta i nidim trenspot o haus slip ringim komiti bilong em long helpim ol," Kakat i tok.

Ogensaising komiti i makim Mas 17 olsem las de long ringim ol long stretim trenspot na haus slip. Kakat i tok em i amamas tru olsem ol senta i soim laik na bai gat bikipela lain tru bai kamap

long dispela eria.

PNGSF bai holim miting bilong en semtaim tu long taim bilong nesenel sempionsip. Dispela miting bai kamap long Epril 4 na PNGSF i laik olgeta asosiesen i mas salim tupela deliget.

Sekretari bilong sofbal federesen Wesley Pialkolos i tok olsem bai i gat planti ol bikipela samting long toktok na em i askim olgeta mausman o deliget long stap long dispela miting.

POT MOSBI WIMENS SOFBAL RIPOT

Wantok nau bai bungim AB Bears long bikipela grenfainel bilong Pot Mosbi Wimens sofbal neks wik.

Wantok i kisim sans biahain long em i wilwiliim stret All-Stars 10-1 insait long wansait gem long Bisini Daimond 2.

Ol meri Wantok i kamapim gutpela beting na filding long winim dispela gem we planti

man i guria stret.

Kepten Kolish Banam i go pas long bet. Em i paitim bal na em i winim tupela bes.

Ensie Tovia na Bernadette Uruna tu i paitim bal na tripela wantaim i sanap long bes. Olsem na Sandra Sawaraba i kam i kam paitim wanpela gutpela bal na tripela pilaia Banma, Tovia na Uruna i kam hom. Wantok nau i go pas long skoa 3-0.

Sawaraba em wanpela top beta husat i go pas long gutpela win bilong Wantok we bai ol i salensim AB Bears.

Em i bin paitim wanpela hom ran we em yet na Tovia i kam hom.

All Stars i no soim olsem ol i laik pilai. Ol beta bilong ol i no pilai gut na ol Wantok infildas i save mekim dabol plei na autim ol.

Maski ol pilaia bilong All Stars i stap long bes, ol beta i no save

paitim gut bal long bringim ol i kam hom. Pitsa bilong Wantok Paulin Wakit na ketsa Anna Trawen i pilai gut tru long autim ol biknem beta bilong All-Stars.

Wakit yet i kam hom long namba tu ining taim Veronica Bagasel i paitim wanpela gutpela bal i go long outfil.

Sawaraba yet i kam long namba tri ining na Trawen na Bagasel i kam hom long namba siks ining

long rekotim olgeta 10-pela poin ya. Ol biknem beta bilong All Stars olsem Paula Riman, Iamo Launa, Fredo Mero, Pala Manet na Dei Iwaroi i no paitim gut bal na nogat wanpela skoa i kamap.


Pitsa Iwaroi i paitim hat tru taim ol beta bilong Wantok i paitim bal bilong em.

Insait long B gret, Chebu i autim Admiralty na ol bai bungim Malanga long fainel, Gold Cup i nekim Admiralty 15-0 long bungim Sunkist long fainel bilong C gret.

Wantok sambai long gren fainel



• John Ngahan (6) bilong Sunam i mas kisim "wankina" ya long pilai hoki long Pot Mosbi las wik. Sunam i bin salensim Yunaited.



• Pilaia bilong Teal Rabbitohs i laik rausim bal bipo long birua bilong Steeller tabim em. Diapela gem i kamap long Gordon Tas.



• Ariku Waves tim husat i save resis long Saut setelmen tas kompetisen long Sir Hubert Murray Stadium long Mosbi.




**Ol poto:
IVAN
BAYAGAU**

• Pilaia bilong Yamaso Raiders i sanap strong yet maski birua takolim em. Dispela em kain eksen i save kamap long Okkaihenz Ragbi Lig kompetisen long Hohola oval.



• Sharoi Marsipal bilong NSO (raihan) i trikim tupela pilaia bilong Police insait long Pablik Sevan soka resis long Pot Mosbi. Tupela tim dro 1-1.



• Pilaia bilong Admiralty i laik wokim bant long gem egens City Tigers long Pot Mosbi men softball kompetisen.

North Raides bai paia gen long dispela yia

MADANG LIG RIPOT

PAULUS TALI i raitim

ASPLES tim bilong Madang yet, North Raiders, bilong ples Riwo klostu long Madang taun i gat bilip olsem dispela yia ol bai paia lait gen. Raiders em i sempion tim.

Kepten bilong Raiders Lawrence Gandhi i tokim Wantok olsemol boi asples bai kam bek wantaim strong na pawa bilong bun pis neks yia. Gandhi em olpela faiv-et bilong Globetrotters tim husat i save pilai long inta siti tim.

Kepten tok sori tru long ol gutpela pilaia bilong klap olsem Paul Matan na Gele Kupo husat i lusim Madang las yia. Tasol ol arapela pilaia olsem Gabby Kelly, Mark Namba, na ol asples pilaia yet Sigerfred Gandhi, husat i wanpela junia pilaia long Norths long Rabaul. Ol arapela pilaia em Francis Begg, Stahl Begg na Saimon Stanley.

North Raiders i wanpela strongpela tim we i gat planti ol yangpela mangi husat i save pilai.

Planti ol pilaia bilong Raiders i kam long ples Riwo na arapela em ol studen bilong Divain Wot Yunivesiti na tu Madang Teknikel Koles.

Raiders i bin pilai long namba wan raun bilong Cambridge Kap na ol i lus long Ramu Brothers we fulbek bilong Kumul Robert Sio yet i go pas long en.

Kosa bilong North Raiders Boston Jack i askim olgeta tim insait long Madang Lig long kamapim gutpela gem long dispela yia.

Kerepia i go pas long points leda

BOMANA SPOT RIPOT

DAVID UNUPITE i raitim

Bomana Plis Koles spots kanivel i go insait long namba tu raun bilong em las Trinde.

Sempion tim Kerepia i bin bagarapim gut tru sindaun bilong nambawan birua bilong en Tohian long ragbi tas na volibol gem.

Bihain long dispela raun, Kerepia i go pas na amamas wantaim 6 points, Bouraga na Tokam kam klostu wantaim foa points na strongpela tim bilong las yia Tohian i gat kiau yet.

Spots kodineta Titus Ruaba i skelim olsem Kerepia bai kamap olsem wanpela tim we bai mekim save stret long ol birua tim. Ol i save putim retpela yunifom na pretim tru ol arapela tim wantaim strongpela kala bilong ol.

Kerepia i gat planti ol lapun tim tasol em i no bilip olsem ol i go pas long skoa ya. Kepten bilong Kerepia i tok em bai amamas sapos Kerepia i go pas inap long gren fainel.

Inspekta Ruaba i tok dispela toktok em i mekim i no bilong daunim moral bilong ol arapela tim. Ruaba i askim kepten bilong Tohian Elisa Mama long bungim ol lain bilong ol na painimaut watpo na ol i kam bihain tru wantaim nogat skoa.

Bouraga na Tokam i amamas wantaim points bilong ol na nau pasim tok long mekim save long Kerepia.

Ol klap laik pasim tok long PMSA miting

OL soka klap insait long Mosbi soka resis (PMSA) i laik painimaut sapos ol i gat gutpela rot insait long lo bilong PMSA long senisim eksekutiv bilong presiden Dokta Kuam Malai.

Ol soka klap i laik mekim wanpela bung long stretim dispela tingting bihainim planti komplon olsem eksekutiv bilong PMSA nau i no wok gut na planti samting i no ron gut long soka edministresen bilong PMSA long las yia.

Wanpela singaut i go long olgeta soka klap opisel na presiden i mas bung long

Fonde Mas 4, 1999 (tude 4.30pm) long opis bilong National Statistic Office (NSO) long Waigani tude.

Toktok i kamap olsem PMSA i no ron gut na ol i mas senisim ol eksekutiv bikos sapos dispela eksekutiv bilong Dokta Malai i stap yet, bai ol soka referi bilong Mosbi i no inap wok gut wantaim ol long ronim soka long dispela yia.

Toktok i kamap tu olsem planti klap i no amamas taim PMSA eksekutiv i wok long senisim taim bilong holim bikpela bung, PMSA enual jenerel mit-

ing. Ol i bin senisim taim bilong AGM long Februari 28 i kam long Mas 20.

Ol klap husat i go pas long dispela miting i tok long luksave bilong ol, lo bilong PMSA i tok PMSA i mas holim enuel jenerel miting na go long ileksen olgeta yia taim sisen bilong soka i pinis. Bihain long ileksen, nupela eksekutiv i save kamap o olpela eksekutiv i save kamap.

Ol klap i go pas i askim olgeta klap presiden o opisel long kamap long dispela kibung long NSO opis nau apinun.



• Spot eksen i kamap long Praivet kampani netbal resis long Pot Moresbi.

6-pela tim aut long resis bilong fainel

RABAUL
SOFBAL
RIPOT

SIKPELA (6) tim i aut long resis aut long resis bilong fainel bilong Rabaul Amata Sofbal Asosiesen las wik.

Ol tim ya em Norths One, Burma Tigers, Morning Star na Manalos One long resis bilong man. Na long resis bilong meri, Norths One na Manalos Two.

Manalos One i autim Norths One husat i bin lus long Black Phyton long bikpela gem long belo long Pilapila Oval.

Talili Gazelle i autim Morning Stars tasol ol i no strong tumas na Black Python ken i rausim trausis bilong ol.

Insait long arapela gem bilong ol man, KC i autim MSC 10-9 na Brown Eagles i winim Burma Tigers 6-2.

Brown Eagles i kirapim paia stret long memeim stret MSC 15-1.

Grenfainel bilong Rabaul bai kamap long dispela wiken.

KOIARI LIG RIPOT

Koiari
statim
sisen
wantaim
pri-sisen

KENNEDY EDENE
i raitim

KOIARI ragbi lig bilong Sogeri bai kik statim 1999 sisen wantaim pre-sisen.

Dispela kik long pri-sisen bai stat long namba 14 de bilong muñ Mas.

Ol opisel bilong ragbi lig i surukim de bikos planti klab i no redi long afiliatesen na rejistresen fi. Planti klap ya i save mekim wankain pasin na i no save stretim ol yet inap las minit we ol i save guria na baim fi.

Presiden bilong Sogeri Dick Warina i tok em i save planti klap i no redi olsem na em i askim long surukim de bilong pri-sisen na bai singautim mit-

ing. Em i tok, olsem taim i pinis nau we Sogeri Lig i nap go insait log namba wan na namba tu raun.

Olgeta klab husat laik putim tim long pri-sisen i mas givim nem long Peter Teine long Sogeri Komyuniti Skul na em bai wokim dro.

Insait long arapela stori wok bilong ol referi bai kamap gut bihainim wok em Nesenel Dvelopmen Opis long Goroka

bai mekim. Opis ya i stap long Nesenel Spots Institut.

Opis long Goroka bai lukluk long olgeta developmen wok bilong ragbi lig long junia, kosa na ol referi na tu long traim strongim klap edministresen.

Nesenel Referi Dvelopmen opisa Francis Matmilo tok long bipo na nau em i no save long wanem kain rot long skelim ol referi long lokal, inta siti na tu

representativ level.

Matmilo i tok long nau i gat opis na olgeta toktok bilong skelim referi i mas go long opis we Nesenel Dvelopmen Opisa yet bai mekim wok skelim.

Em askim olgeta referi, nupela na olpela long rejista wantaim lokal asosiesen bilong ol sapos ol igat tingting long kisim helpim i kam long NDO.

NRL dro bilong 1999

Nesanel Ragbi Lig dro bilong 1999 wantaim Tet ov Orijen na ol Tes.

Round 1 - March 5,6,7,8

FRIDAY

Melbourne v Penrith at Olympic Park
Canberra v Brisbane at Bruce Stadium

SATURDAY

Manly v Newcastle at Stadium Australia
Parramatta v St George-Illawarra at Stadium Australia

SUNDAY

Cronulla v Balmain at Shark Park
South Sydney v Canterbury at SFS
Western Suburbs v North Sydney at Parramatta Stadium

MONDAY

Sydney City v Auckland at SFS
North Queensland bye

Rd 2 - March 12,13,14,15

FRIDAY

Newcastle v Parramatta at Marathon Stadium

SATURDAY

Auckland v North Sydney at Ericsson Stadium
Balmain v Melbourne at Leichhardt Oval
Penrith v North Queensland at Penrith Football Stadium

SUNDAY

Brisbane v Cronulla at ANZ Stadium
St George-Illawarra v Canterbury at Kogarah Oval

Sydney City v Manly at SFS

MONDAY

South Sydney v Canberra at SFS
Western Suburbs bye

Rd 3 - March 19,20 21

FRIDAY

Parramatta v Sydney City at Parramatta Stadium

SATURDAY

Balmain v North Queensland at Leichhardt Oval

Canberra v St George-Illawarra at Bruce Stadium

Cronulla v South Sydney at Shark Park

SUNDAY

Brisbane v Melbourne at ANZ Stadium
Canterbury v Newcastle at Stadium Australia

Manly v Auckland at Brookvale Oval

Penrith v Western Suburbs at Penrith Football Stadium

North Sydney bye

Rd 4 - March 26,27,28

FRIDAY

Melbourne v Canterbury at Olympic Park

SATURDAY

South Sydney v St George-Illawarra at SFS
Cronulla v Brisbane at Shark Park

Parramatta v Balmain at Parramatta Stadium

SUNDAY

Auckland v Sydney City at Ericsson Stadium
Canberra v Western Suburbs at Bruce Stadium

Newcastle v Manly at Marathon Stadium

North Sydney v North Queensland at Suncorp Stadium

Penrith bye

Rd 5 - April 2,3,4,5 (Easter)

FRIDAY

Canterbury v Brisbane at Stadium Australia

SATURDAY

Manly v South Sydney at Brookvale Oval
Balmain v Auckland at Leichhardt Oval

North Queensland v Sydney City at Dairy Farmers Stadium

SUNDAY

Melbourne Cronulla at Olympic Park
St George-Illawarra v North Sydney at WIN Stadium

Penrith v Parramatta at Penrith Football Stadium

MONDAY

Western Suburbs v Newcastle at Parramatta Stadium

Canberra bye

Rd 6 - April 9,10,11

Auckland v Melbourne at Ericsson Stadium
Balmain v North Sydney at Leichhardt Oval

Brisbane v South Sydney at ANZ Stadium

Canberra v Manly at Bruce Stadium

Cronulla v Canterbury at Shark Park

Newcastle v St George-Illawarra at Marathon Stadium

North Queensland v Penrith at Dairy Farmers Stadium

Sydney City v Parramatta at SFS

Western Suburbs bye

Rd 7 - April 16,17,18

Auckland v North Queensland at Ericsson Stadium

Balmain v Manly at Leichhardt Oval

Newcastle v Brisbane at Marathon Stadium

North Sydney v Sydney City at Grahame Park

Parramatta v Melbourne at Parramatta Stadium

Penrith v Cronulla at Penrith Football Stadium

South Sydney v Western Suburbs at SFS

St George-Illawarra v Canberra at Kogarah Oval

Canterbury bye

Canterbury bye

ANZAC TEST - Friday, April 23 - Stadium Australia

Rd 8 - April 24,25,26

Canberra v Newcastle at Bruce Stadium

Cronulla v St George-Illawarra at Shark Park

Manly v Parramatta at Brookvale Oval

Melbourne v South Sydney at Olympic Park

North Queensland v Brisbane at Dairy Farmers Stadium

Penrith v North Sydney at Penrith Football Stadium

Sydney City v Canterbury at SFS

Western Suburbs v Balmain at Leichhardt Oval

Auckland bye

Auckland bye

Auckland bye

Rd 9 - April 30/May 1,2

North Sydney v Canberra at Grahame Park

Auckland v South Sydney at Ericsson Stadium

Canterbury v Western Suburbs at Stadium Australia

Manly v Penrith at Brookvale Oval

Melbourne v Brisbane at Olympic Park

North Queensland v Balmain at Dairy Farmers Stadium

Parramatta v Newcastle at Parramatta Stadium

St George-Illawarra v Sydney City at WIN Stadium

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Cronulla bye

Penrith bye

Rd 14 - June 4,5,6

Balmain v Western Suburbs at Campbelltown Sports Ground

Brisbane v Penrith at ANZ Stadium

Canberra v Melbourne at Bruce Stadium

Canterbury v South Sydney at Stadium Australia

Manly v Sydney City at Brookvale Oval

North Queensland v Cronulla at Dairy Farmers Stadium

Newcastle bye

North Sydney bye

arramatta bye

St George-Illawarra bye

Auckland bye

STATE OF ORIGIN - Game 2 Wednesday June 9 at Stadium Australia

Rd 15 - June 11,12,13

Manly v Canberra at Brookvale Oval

Newcastle v Melbourne at Marathon Stadium

North Sydney v Brisbane at Grahame Park

Parramatta v Canterbury at Parramatta Stadium

Penrith v Auckland at Penrith Football Stadium

St George-Illawarra v North Queensland at Kogarah Oval

Sydney City v Cronulla at SFS

Western Suburbs v South Sydney at Campbelltown Stadium

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye

Balmain bye


Balmain bye

Balmain bye


Balmain bye

Balmain bye

Balmain bye



Raun wara i kaikai tupela papa na pikinini



BIPO BIPO tupela raun wara i stap long ples Walume insait long lalibu, Sauten Hailans Provins. Tupela i stap klostu long wanpela bikpela hauslain. Insait long hauslain ol 4-pela klen i stap. Nem bilong ol em Walume Mokoi, Bulo Mokoi Konule Mokoi na Kongil Mokoi.

Tupela wara i stap long rait han bilong ol lain na tupela raun wara nem bilong tupela em Walume na Pendikolo.

Wanpela taim Pendikolo i tok long Walume olsem: "Brata yumi tupela mas kaikaim ol marimeri." Tasol Walume i tok nogat.

Pendikolo i tok strong long tupela i mas kaikaim ol manmeri. Tasol Walume i tok em i laik lukim ol bilas bilong ol yangpela man na meri. Na harim krai bilong dok na pik na stap klostu long ol.

Em i tokim Walume long em i mas lusim em na go. Em i tok olsem na em i brukim wanpela han bilong diwai na paitim raunwara Pendikolo. Na Pendikolo i ronawe i go long wanpela bus. Raunwara i go na lukim wanpela papa wantaim pikinini boi tupela i katim karuka i stap.

Papa i go antap long diwai na katim wanpela kapul i kam daun. Na askim boi sapos em i kisim pinis. Boi tokim papa olsem nogat ya em i no painim. Nau papa i katim gen narapela diwai tasol kapul i no stap.

Olgeta karuka papa i katim i kam daun long en tasol nogat i no stap. Nau papa i lukluk i go daun na lukim bikpela raun wara i kam na daunim boi pinis. Papa i stap yet long karuka diwai na krai i stap. Wara i go antap na karamapim papa tu. Olsem na dispela wara mipela save kolim Pendikolo.

Na raun Walume i stap klostu long hauslain na yu ken sanap long rot bilong lalibu na yu bai lukim.

Dominic Kaima
Walume Viles
lalibu, Sauten Hailans Provins.

Wari long nogat pikinini

Long dispela rot, bai yutupela i stretim wari bilong yupela. I moabeta yutupela i go lukim famili plening klinik na toktok wantaim ol wok manmeri. Dispela em i save givim fri komyunmiti sevis. Toktok wantaim ol wok manmeri husat i gat moa save long dispela samting. Ol bai helpim yupela long luksave long wari na givim yupela sampela ansa long ol askim bilong yutupela.

Namba tu, yu mas luksave olsem i gat sampela as na watpo meri bilong yu i no karim pikinini hariap. Ol dokta i gat save long dispela na ol bai mekim klia long yu biahin long em i glasim yutupela wantaim long lukim sapos wanpela long yutupela i gat hevi na sapos em ken helpim yupela long daunim em. Ating wanpela samting we i as long meri i no karim pikinini em bikos yumi no klia gut tumas hau rot long karim: bel i stat.

Orait, long midel o namel taim bilong sikmun bilong meri, bodi bilong em i save kamapim kiau wanpela taim insait long wanpela mun. Sapos i nogat kiau bilong man long bungim em long dispela taim, em bai dai. Sapos man na meri i slip wantaim long taim kiau i no redi o mau yet, nogat bebi bai kamap.

Meri bai inap lainim save long wanem taim tru bodi bilong em i save wokim kiau insait long wanpela mun. Em i ken wokim dispela long ol senis bilong wara we i save kamap long hap rot we ol meri i

save karim pikinini long en. Long wan wan mun taim kiau i redi na dispela em samting olsem 14-16 de bipo long meri i lukim sik mun bilong em, em i pilim olsem hap long karim pikinini long en i wet inap long wan na tripela de. Sapos em i slip wantaim man long dispela taim na tu tripela de biahin long en, bebi bai kamap. Meri na man wantaim inap long lainim dispela rot i gutpea tu long spesim ol pikinini. Ol i kolim dispela long ovulesen metod. Narapela as long pikinini i no kamap em long kiau bilong man i no inap o i no gutpela long wanem i gat sampela asua long en. Long skruim save long dispela samting go long famili plening klinik na toktok wantaim ol helt woka na ol i mekim klia gut ol samting long yu.

LAIPLAIN

Sapos yu gat wanpela hevi, raitim pas i kam long mipela long Laiplain na yusim dispela edres: **Lifeline, PO Box 6047, Boroko, NCD o ringim mipela long telipon namba 3260011.**

Taim yu rait, putim nem na edres bilong yu. Sapos yu putim trupela nem bilong yu, bai mipela i salim bekim long pas bilong yu.

Mipela i toktok long ol trupela hevi long dispela kolom bilong ol pas tasol mipela i no putim ol trupela nem na ol arapela pesenel ditel bilong ol manmeri.



Nem: Douglas Nyarney
Krismas: 25 (meri)
Adres: P.O. Box 2920, Accra - Ghana, Western Africa.
Save laikim: Pilai spots, rait long ol pren, musik, senisim presens, raun na promotim wol pis.

Nem: Vera Nyarney
Krismas: 22 (meri)
Adres: P.O. Box 2920, Accra - Ghana, Western Africa.
Save laikim: Pilai spots, raitim pas long ol pren, musik, senisim ol presen, raun na promotim wol pis.

Nem: Jacob Joe
Krismas: 32 (man)
Adres: Kimbe Town Authority, P.O. Box 127, Kimbe, West New Britain Province.
Save laikim: Raitim pas long penpren na senisim ol presens. Senisim ol poto na tu mi painim wanpela gutpela kristen meri bilong maritim em.

Nem: Arnold Joseph
Krismas: 17 (man)
Adres: Gango Village Oil Palm, P.O. Box 567, Kimbe, West New Britain Province.
Save laikim: Pilai soka, volibal na go waswas wantaim ol manki long nambis. Raitim pas i go i kam na bekim pas bilong narapela brata susa, lukim EMTV na harim lokol musik.

Nem: Robin William
Krismas: 18 (man)
Adres: P.O. Box 567, Kimbe, West New Britain Province.
Save laikim: Pilai soka, tas ragbi, go long lotu na harim tok bilong God, raitim pas i go i kam wantaim ol poroman na ol pren, lukim TV na vidio, waswas wantaim ol pren long solwara, harim ol pop musik na lokol musik tu, raun wantaim ol pren salim ol poto i go i kam na painim wanpela gutpela meri bilong maritim long biahin taim.

Nem: Terence Martin
Krismas: 16 (man)
Adres: C/- Gango V.O.P. P.O. Box 567, Kimbe, West New Britain Province.
Save laikim: Go long lotu na harim tok bilong God, singim ol gospel song, pilai soka, volibal, tas ragbi, raun wantaim ol prens, lukim nupela ples, raitim pas long ol prens, husat i raitim pas long mi, gat bikpela laik long harim lokol musik.

Nem: Kristen Rasta
Krismas: 19 (man)
Adres: P.O. Box 5722, Boroko, NCD.
Save laikim: Go long lotu, harim reggae musik, salim poto i go kam na salim ol presens. Husat meri long Papua Niugini salim pas em bai mi bekim tasol.

Nem: Ani Joanis Katwow
Krismas: 23 man
Adres: C/- KT Plumbing Service, P.O. Box 433, Tabubil, Western Province.S
Save laikim: Pilai volibal, harim lokol musik, ritim niuspepa, na bekim pas, raun na lukim narapela ples.

Nem: Ray J K Joshua
Krismas: 20 (man)
Adres: Agmark Pacific, P.O. Box 1921, Rabaul, East New Britain Province.
Save laikim: Go lotu, harim lotu singsing, pilai ragbi na mekim penpren wantaim ol yangpela meri.



Dia Laiplain,

Mi na meri bilong mi i maritim long tupela krismas na mitupela i wari bikos mipela i nogat pikinini yet.

Sampela taim mi save belhat na paitim meri bilong mi bikos em i no karim pikinini, tasol em i ting olsem asua i stap long mi. Mitupela i save sutim tok long wanpela arapela tasol mipela i no klia em i asua bilong husat tru na mipela i no gat pikinini.

Bai mi wokim wanem?

LONGING

Dia Pren,

Planti maritim i save bungim dispela kiau hevi taim meri i no karim pikinini. Na mipela i tok sori olsem long dispela kain samting, tupela maritim i save sutim tok long wanpela arapela.

Pastaim, tromoi toktok i go long wanpela arapela i no inap long helpim yutupela. Moabeta yutupela i traim sapotim na helpim wanpela arapela na paitimaut watpo meri bilong yu i no karim pikinini.



Bik Bro REBO



IGO MOA NEKS WIK!



SIPAK MAIKY



IGO MOA NEKS WIK!

Liklik disel enjin i kisim namba long Siapan

WANPELA liklik disel enjin ol i kolim long Isuzu 4JX1-TC dairek injekson enjin i winim wanpela awod olsem Teknologi ov the Yia long Novemba 13 las yia. Dispela namba i bin kam long ol Automotive Researchers and Journalists' conference (RJC) bilong kantri Siapan yet.



Dispela 4JX1-TC i bin winim 12-pela narapela ol enjin insait long Siapan we i bin stap insait long maket namel long mun Novemba 1997 i nap long Oktoba 1998. Samting olsem 65-pela jas olgeta i bin sindaun na lukluk insait long resis we 4JX1-TC i bin winim dispela awod. Dispela enjin ya i kisim points i nap long 325, 75-points moa long narapela husat i kam namba tu long dispela resis.

Dispela 4JX1-TC i bin kamap nambawan taim las yia wantaim wanpela nupela Isuzu model ol i kolim long Trooper long mun Februari olsem wanpela top disel enjin. Ol jas i bin amamas moa yet long hai presa bilong 4JX1-TC we em i save yusim wanpela spesel reserve hap ol i kolim long komon reil long saplain enjin wel i go long olgeta injekta long hai presa.

Ol jas bilong RJC i tok amamas long Isuzu long hat wok bilong em

na gutpela wok bilong em long kamapim ol dispela kain enjin na teknologi.

Long ol narapela hap bilong wol isuzu i wok long win yet olsem wanpela gutpela moto ka tru long olgeta hap. Dispela i kamap long ples klia long ol so i kamap long kantri Poland na tu long Singapore. Long Katowice intenesenel moto so long Poland long Novemba 4-8 samting olsem 67,000 visita husat i kamap i amamas tru long ol displei bilong Isuzu i stap. Ol nupela isuzu model em long Trooper na N series i bin stap tu long dispela so. Klostu bai ol dispela i kamap long maket long olgeta hap bilong wol. Long Singapore samting olsem 140,000 pipel i kisim sans long lukluk long ol displei bilong Isuzu moto ka long Novemba 16-22.




• Menesing dairekta bilong Isuzu Toru Kajiyama i sekhan na kisim dispela "Technology of the Year Award" awod i go long Isuzu long wanpela sere- moni long Disemba las yia.



ON
BUSINESS
OR
PLEASURE

M.I.
RENT-A-CAR



have the decent cars with the most affordable prices.

RESERVATIONS

POM Ph: 323 6077 Fax: 323 6078	JACKSONS APT. 311 2477	LAE 472 7225 472 0422	NADZAB 472 4400
---	----------------------------------	------------------------------------	---------------------------



• Piksa ya i soim ol lain man husat i gat nem long Rali o moto ka resis insait long wol. Hia ol i sanap wantaim ol moto ka bilong ol pastaim long resis i kamap long Sweden. long mun i go pinis Februeri. Dispela em tim bilong Malboro Mitsubishi . Wol sempion long dispela resis Tommi Makinen i bin resis wantaim Mitsubishi Lancer Evolution na Freddy Loix bilong Belgium i bin resis wantaim Mitsubishi Carisma GT. Dispela moto ka resis i save kamap long taim bilong kol taim sno na ais i pundaun na hat bilong san i ken go daun olsem -30 digri selsis, tasol dispela ino nap long stapim ol lain long resis bilong ol.

Yu raun long wok o raun tasol, painim MI-Rent-A-Car

PLANTI pipel insait long Papua Niugini i wok long mekim ol kainkain samting nau long mekim bisnis. Wantaim gutpela turism indastri planti pipel i laik raun na lukim ol narapela ples, sampela i raun long mekim bisnis na sampela i raun nating tasol i gat planti bisnis man na meri i wok long lukluk long sait bilong helpim ol narapela pipel wantaim trenspot. Dispela em i nambawan tingting bilong ol lain husat i go pas go pas MI rent-A-Car taim bisnis bilong ol i stat long yia 1996.

Dispela kampani ya em i bin stat wantaim 2-pela moto ka tasol. Bisnis i ron gut tru na ino long taim long 1997, ol lain i go pas

i lukim olsem i gat nid long openim wanpela opis long Lae, Morobe provins. Long 1997, MI - Rent-A-Car i kamap long Lae. Nau yet kampani i gat samting olsem 40-50 moto ka insait long Port Moresby na Lae wantaim. Kampani i wok long redi long opim wanpela opis long Madang. Dispela bai kamap long mun Jun na samting olsem 4-pela moto ka bai stat long hap.

MI-Rent-A-car i gat ol gutpela ret tru na sapos yu laikim moa infomesen long ol yu ken ringim ol. MI. Rent-A-Car i save givim sevis long ol lain husat i laikim draiva long ol hap kampani i stap long em.

Caterpillar i gat ol nupela masin


CATERPILLAR, wanpela bikpela nem insait long ol bikpela masin we i save brukim graun na mekim ol kainkain hevi wok i gat ol nupela masin i stap gen. Dispela ol masin em ol i stap aninit long nem olsem TH62, TH63, TH83 na TH103 na ol i kisim ples bilong ol olpela masin i stap aninit long nem RT seris. Ol dispela

nupela masin i stap nau i ken karim ol samting em hevi bilong ol i stap olsem 2725kg i go nap long 4545kg.

Ol dispela masin tu (TH62 na TH82) i gat strong long karim ol hevi samting i go antap olsem 7.6 m na 13.4m em long TH103. Olgeta masin ya i kisim pawa long Cat 3054 diesel enjin i gat pawa inap long 60kw.

Dispela enjin i save yusim 4-pela spit trensmisen we i gat ol narakain mekanikel draiv lain.

Ol lain bilong Caterpillar i tok insait long Australia dispela masin i kamap nambawan tru bikos em i gutpela moa long maining, agrikalsa, bilding na konstraksen, timba na siping indastri.



CLEARANCE SALE!

on all JOHNSON & EVINRUDE products

All stock at cost price & MUST CLEAR

TOBA
MOTORS

Available at the Parts Division, Toba /NGM
Port Moresby....Ph: 320 1222 & Lae.... Ph: 472 7862

*Other centres plus freight

STEAMSHIPS AUTOMOTIVE

Lukautim gut bodi egensim sik Tuberculosis

1. TB em wanem samting?

TiBi (TB) em sik nogut na inap kilim man i dai. TB i save birua long insait lewa (lang) na em i mekim ol spes i kamap long lang bilong ol manmeri. TB binatang i ken bihainim rot bilong blut na bagarapim ol arapela hap bilong bodi olsem bek-sait bun, bel na arapela moa. Dispela em ol i kolim ekstra palmonari TB tasol dispela i nogat birua long en.

Sik bilong TB em ol i dokta i save kolim Mycobacterium tuberculosis na em i wanpela binatang o jem. Em i liklik tru na yu ken lukim tasol aninit long strongpela glas. Taim man i gat dispela sik TB na em i kus, em i ken rausim planti binatang bilong TB long lang bilong em i kam ausait na yu no inap lukim dispela.


2. I gat TB long Papua Niugini o nogat?

Sik bilong TB em wanpela bikpela hevi long PNG. Em i stap long olgeta hap bilong PNG tasol yu ken painim planti manmeri long ol nambis eria na

ol taun long gat sik TB. Rekot bilong haus sik i soim olsem long 1995, i gat mak olsem 7000 manmeri igat sik TB na i save go kisim marasin long haus sik we 6000 em ol nupela rekot. Long ol krismas igo pinis, i gat rekot olsem rekot bilong sik TB i wok long go antap bihain long 1995.

Rekot i soim olsem ol liklik pikinini na ol bikpela manmeri krismas bilong ol inap 54 i stap long dispela grup husat i gat sik TB. Ol pikinini em ol papamama bilong bihain taim na ol i bai go pas long wok long ronim kantri. Sapos planti bilong ol i gat sik TB na i no kisim marasin bai ol i dai 5-pela krismas bihain.

Dispela ino hevi bilong ol famili na pren tasol. Em i hevi bilong kantri tu bikos olgeta manmeri bai wok long pulim mani i kam long kantri o mekim mani insait long kantri na taim ol i gat sik, bai kantri i bungim hevi long wokim mani. Ol wok olsem long fam, plentesen, skul, maining, ol gavman wok na ol bisnis wok bai pundaun. Na ol famili tu bai bungim hevi bikos ol lain i wok na sapotim ol bai dai.



■ TB binatang i kaikai lewa na lang insait long bodi bilong man

Lukaut long birua bilong AIDS

Ikam long las wik:

Sik HIV i kalap long ol lain i save salim skin long kisim mani wantaim ol kastoma bilong ol o nogat?

Ol meri husat i save salim skin long kisim mani wantaim planti arapela patna moa i gat bikpela sans long kisim dispela sik. Ol i ken salim sik ya i go long planti arapela lain gen. Tasol sapos man o meri i strong na yusim kondom olgeta taim em i puspup, em bai daunim sans bilong sik nogut ya long kalap planti. Planti meri husat i save slip wantaim ol man long kisim mani i stat yusim ol gutpela rot bilong puspup na dispela i daunim hevi bilong sik nogut i stap daun liklik. Tasol planti lain i kam long givim mani na puspup i no save laik werim kondom olsem na ol meri long dispela bisnis i no save egensim dispela.

Inap sikman i kisim HIV long kisim blut bilong arapela?

Strongpela lo na pasin bilong Papua Niugini long bihainim long givim blut long narapela manmeri i stapim olgeta blut we i gat sampela kain binatang bilong HIV sik long en.

I gat liklik sans long kisim sik HIV long blut bilong narapela man bikos long dispela taim binatang ya i stap yet long window period we tes i no soim aut long taim bilong kisim blut.

Givim blut long arapela i nogut o nogat?

Nogat. Givim blut i no nogut. Tasol sapos wanpela man o meri i givim blut, sut ol i yusim long kisim blut i mas klin. Long Papua Niugini, klinpela sut na bek bilong blut i save stap redi

olgeta long kisim blut.

Olsem na Yu NO INAP KISIM HIV LONG TAIM BILONG GIVIM BLUT.

Inap ol liklik pikinini kisim HIV/AIDS?

Yes. Ol liklik pikinini i ken kisim HIV/AIDS long wankain rot olsem ol bikpela manmeri. Ol i ken kisim HIV/AIDS long:

- doti sut o nil bilong injeksen
- blut i gat HIV long en na ol i kisim
- yusim naip na resa we i gat blut long en
- sut o nil o naip we ol i yusim long katim ol samting, katim skin olsem na ol i mas klin na boilim gut long hotwara.
- ol bikpela manmeri i puspup wantaim ol liklik pikinini.

Ol pikinini i save puspup tumas. Tasol sapos ol i save puspup, ol inap kisim HIV/AIDS long dispela rot tu.

Olsem wanem long bebi i kamap long mama i gat HIV sik?

Dispela bebi i ken kamap wantaim HIV binatang. Dispela mama i gat HIV sik i ken givim sik ya i go long bebi long taim bebi i dring susu bihain long mama i karim em.

Mak olsem 20 % na 40 % bebi husat mama bilong ol i gat dispela sik HIV inap kisim dispela sik tu.

I gat tripela rot dispela inap kamap:

1) binatang nogut ya i ken kalap long bebi taim em i stap long bel bilong mama

2) binatang ya i ken kalap long bebi taim mama i karim em bikos long planti blut i stap raun em

3) binatang ya i ken kalap long bebi taim em i dringim susu bilong mama.

Givim susu i save givim HIV tu o nogat?

Susu bilong mama husat i gat HIV i ken kalap i go long bebi. Ripot i tok mak olsem wanpela bebi insait long 7-pela bebi i ken kisim HIV long mama bilong em. Tasol bikos long gutpela bilong susu, Wol Helt Ogenaisesen i strong long ol mama i mas givim susu long pikinini maski mama i gat sik HIV. Long ol rot olsem ol arapela sik na sik bun nating i as bilong pikinini i save dai, olsem na pikinini i ken stap gut maski em i dring long susu bilong mama i gat sik HIV.

Inap sut na nil, naip na ol sap samting i givim HIV?

Yes. Wanem samting i sap na i ken katim skin bilong man na blut i kam i ken mekim HIV i kalap sapos narapela man i kam yusim gen na i no wasim o boilim gut. Ol manmeri i mas was gut long noken mekim tatu long skin, hul long ia, rausim blut long kastom o serim resa long sevim mausgras inap yu klia gut olsem ol dispela samting i klin gut na ol i boilim long hot wara moa long 20 minits.

Wanem rot bilong redim spirit (bleach) wara bilong wasim sut na nil?

Miksim wanpela hap bilong spirit (blits) long 9-pela hap bilong klin wara na tanim inap spirit ya i miks gut tru wantaim wara. Dispela miks wara na spirit i mas oltaim yusim long klinim na wasim ol sut, nil na naip samting we narapela man i yusim pinis.

I go long neks wik



PABLIK TOKSAVE

PNG WaterBoard i makim opis bilong mipela long Lae na i salim bikpela tok sori tru i go long ol kastama long Top Taun, Salamanda, Angau Haus Sik, na Maket, husat i bin bungim bikpela hevi bikos i no gat wara long Tunde 16 Februeri, 1999. Dispela hevi i bin kamap bikos wanpela bikpela 450mm wara paip i bin bruk long mausrot long 7th Strit long Top Taun.

Ol wokman i stat wok long stretim dispela paip long 8 kilok moning tasol i bin gat bikpela bagarap olsem i na wok i no pinis hariap na ol dispela ples i no bin kisim wara.

Mipela i hop ol kastama i ken luksave long as bilong dispela hevi we paip i bruk na i no gat wara saplai long ol dispela hap bilong taun long Februeri 16. Mipela i tok sori tru long dispela hevi i bin kamap.

Deank
AMO MARK
 A/MANAGING DIRECTOR

Sentrel provins sios helt woka i no kisim potnait

YAKAM KELO i raitim

MOA long 75 sios helt woka insait long Sentrel provins i no bin kisim potnait pe bilong ol inap tripela mun olgeta. Na dispela i givim hat taim long planti helt woka long wok gut na stap gut long wok bilong ol.

Prinsipel Sista Marlene Dewar bilong St Gerards Skul ov Nesing long Veifa'a, insait long Bereina Sentrel provins i tok-tok long ol hevi skul bilong ol i bin bungim long plen bilong kamapim ol samting na projek bikos mani bilong karimaut ol wok olsem i no kamap yet long skul bilong ol. Skul bilong ol i no klia yet wanem taim bai mani i go long ol.

Sista Dewar i tok ol studen i mas kisim moa save long wok bilong helt senta, helt sab senta na ol liklik klinik edpos, tasol i save gat dispela pret we ol dispela helt senta bai i op yet o nogat. Dispela em bikos ol sios helt woka insait long Sentrel provins i no bin kisim pe bilong ol foapela mun olgeta inap nau. Ol sios helt woka i no inap wok olsem na nogat potnait pe bilong ol, Sista Dewar i tok.

Em i tok insait long trening bilong ol studen ol i mas kisim skul long lukautim ol marasin na ol samting bilong haus sik we ol bai yusim long wok wantaim. Tasol long 1998, i bin nogat mani i kam long gavman long ronim wok na karimaut mentenens o stretim ol haus sik na klinik bilong sios long ol ples na distrik long Sentrel provins, Sista Dewar i tok.

Em i tok ol studen i save kisim save o lainim samting insait long klasrum. Tasol ol i no mekim wok eksperiens o go aut na mekim wok long traim strongim na skruim save bilong ol long wanem samting ol i lainim insait long klasrum. I no gupela long skulim ol studen long wanpela samting na yumi i no inap long skulim ol long narapela rot bilong en long ausait. Ol i mas bihainim olgeta skul wok bilong ol wantaim trening, em i tok.

Sista Dewar i tok ol sumatin i mas bihainim gut wanem samting ol i lainim insait long klasrum na lainim tu long ausait wantaim komyuniti bai ol i ken save gut long wok bilong lukautim na sevim komyuniti long wok bilong helt.



• Ol nesing studens long St Gerards Nosing Skul long Veifa'a, Sentral provins in greduet las wiken.

Sista Dewar husat em prinsipel bilong St Gerards Skul ov Nesing i mekim dispela toktok long taim bilong namba 14 greduesen long las wik long Veifa'a Sentrel provins.

Ripot i kam long Sentrel Provinsal Gavman i tok em i tru dispela hevi i stap na ol i laik save sapos Provinsal Helt Menesa i mekim ripot bilong baset bilong ol sios helt woka long kisim pe bilong ol o nogat. Tasol dispela hevi inap pinis nau na ol helt woka i ken kisim pe bilong ol bikos mani bilong provinsal baset i kamap pinis long akaun bilong provins. Wantok i no inap kisim toktok bilong Provinsal Helt Menesa long dispela hevi bilong ol sios helt woka.

Het tok, "Long Laikim em long Givim" na i no ken les namel bikos ol pipel i laikim gupela helpim. Dispela em wanpela het tok bilong greduesen bilong skul long las wik taim ol studen i pinis long skul na bai igo aut.

St Gerard skul i bin trenim ol helt woka long 1970 inap nau na planti nes na sista husat i pinis long dispela skul i wok long planti haus sik na klinik insait long kantri tude. Helt wok i bin kamap long Sentrel provins long bipo yet stat long 1890, Sista Dewar i tok.

Em i tok ol medikel studen bilong Yunivesiti long Mosb na ol studen bilong College of Allied health Science i save go long St Gerard wanwan yia long mekim prektikol trening bilong ol long kisim eksperiens bilong asples.

Dispela trening skul i save kisim ol studen i kam long olgeta hap bilong Papua Niugini. Ol studen husat i bin greduet long dispela yia i bin kam long faipela provins.

Simon Lugabai, prinsipel edvaisa bilong Insevis Trening long H.R.D Yunit long makim maus bilong Helt Minista Ludger Mond i tok amamas long dispela skul bikos em i wanpela naispela skul insait long kantri.

Mista Lugabai i mekim bikpela tok amamas i go long ol manmeri bilong ples long oltaim sapotim skul wantaim kaikai na ol helpim wok long olgeta wik.

Tau Lakani, Helt Menesa bilong Sentrel provins i tokim ol studen long ol hat taim na bikpela salens ol bai bungim taim ol i go aut wok insait long ol edpos na klinik we i longwe ples insait long PNG. Em i tokim ol long oltaim tingim dispela singsing ol i bin singim long greduesen de bilong ol na tingim bek skul bilong ol.

Ol pipel egensim pokies long Milen Be provins

JOE KANEKANE i raitim

TINGTING bilong Gavana bilong Milen Be Dame Josephine Abaija long kisim poka masin i go insait long provins i wok long bungim hevi i kam long ol sios, Samba Ov Komes na ol manmeri.

Ol sios i bin wokim wanpela bikpela bung long we olgeta sios long provins i tok ol i no laikim poka masin long kam insait long provins long wanem, plenti lain i save bungim hevi.

Ol sios i tok aut long tingting bilong ol olsem, Gavana mas luksave long sanap bilong ol dispela pasin long wanem ol i stap klostu long ol pipel na ol i save gut long wanem kain tingting bilong ol manmeri long poka masin.

Milen Be Samba Ov Komes tu i egensim dispela tingting na ol i bin raitim wanpela pas i go long *Eastern Star* niuspepa long toksave olsem ol i no wanbel long dispela tingting.

Presiden bilong Milen Be Samba Ov Komes, Bill Warren i tok olsem grup bilong em bai i tok aut pinis olsem, poka masin i olsem wanpela sik na em i bai bagarapim gupela sindaun bilong ol pipel long dispela hap.

"Mipela i bin toksave long olpela Gavana Tim Neville long dispela tingting na em i harim toktok bilong mipela long noken karim dispela masin i kam insait long provins. Mipela bai hamamas sapos Gavana i harim tok bilong mipela," em i tok.

Wanpela meri husat i save pait hat tru long rait bilong ol meri Mathilda Pilacapio i tok olsem dispela tingting bilong gavana i rong olgeta.

Em i tok olsem taim Gavana i bin sanap long ileksen em i tok promis long ol meri, olsem em bai traim bes long luksave olsem i gat luksave long wari bilong ol na wanem kain wok ol i laik wokim bai kisim sapot i kam long em, tasol dispela toktok gris bilong em i popaia olgeta.

Mis Pilacapio i tok olsem wanpela rot tasol bilong poka masin, em long rot bilong pulim mani i kam insait long provins, tasol ol bagarap dispela masin i save karim i go long ol ples i moa long dispela mani.

"Gavana i mas save olsem dispela kain disisen i no isi long wanem i gat plenti samting em i mas luksave pastaim. Dispela disisen bai stap wantaim ol pipel olsem na em i mas glasim gut olgeta rot pastaim," Mis Pilacapio i tok.

Em i tok lukaut olsem sapos Gavana i no harim tok-tok bai em i bungim moa hevi long karim poka masin i kam insait long provins.

Tasol Gavana i tok olsem wok bilong ol sios i bilong stretim hevi long spirit sait bilong ol pipel. Em i tok sapos ol pipel i redi long dispela laip bilong ol bai i nogat samting i ken stopim ol long pilai poka masin. Em i tok wankain olsem bia, ol pipel i gat rait long makim wanem samting ol i gat laik long wokim na pilai poka masin i wankain.



Bilas na wok gut sapos nogat bai yu kisim taim • NCD na Sentrel plis komanda, Geoffrey Vaki (lephan) i lukluk long bilas bilong ol risev plis bilong Neseiel Kapitel Distrik long las wiken. Long dispela pereid, komanda ya i bin tokaut strong long ol moa long 300 risev plisman na meri long bilas gut long yunifom na wokim gut olsem plis. Em i bin tokim ol long bihainim mama lo bilong plis sapos nogat ol i mas lusim wok o nogat em bai rausim ol long wok plisman. Mista Vaki i tok olsem dispela pereid bilong ol risev em i namba wan taim long kamap tasol em bai gat wankain pereid bai kamap yet long lukluk gut long ol long apim nem bilong plis. Poto na stori: IVAN BAYAGAU.

Goilala memba salensim tok pret

MEMBA bilong Goilala Ajax Bia i no amamas long tok lukaut na birua we sampela lain i bin mekim long memba bilong Bulolo na ekting Oposisen lida Samson Napo long las wik.

Mista Bia i tok kain tok birua long kilim ol lida i no gupela tru long ol lida bilong dispela kantri na i no makim tru mama lo na fridom bilong dispela kantri.

Dispela i no namba wan taim kain tok pret na birua i bin kisim ol memba bilong Oposisen, ol lida, ol memba bilong pablik long dipatmen o ol bikpela wok, em i tok.

Mista Bia i tok ol tok pret olsem i save kamap taim i gat ol toktok i kamap egensim ol Gavman, wok bilong plis fos na CIS.

Dispela tok pret egensim Samson Napo i kamap taim Mista Napo i askim NCD Sentrel Plis Komanda Geoffrey Vaki long go het yet na karimaut wok painimaut na kotim Praim Minista Bill Skate long sampela asua bilong em bipo long mani i paul long Insurens kampani. Olpela plis komanda

John Wakon i bin mekim dispela wok tasol Plis Komisina i no amamas na saspensim em long mun Januari, dispela yia.

"Toktok bilong Mista Napo i kirapim sampela belhat long ol lain, na sapos ol raskol lain bai ol i pret bikos long mekimsave bilong lo", Mista Bia i tok.

Mi bai sapotim toktok bilong Mista Napo na ol memba bilong Oposisen bikos mipela em ol lida na mipela i mas sanap na toktok long rait bilong ol pipel bilong mipela. Dispela pret i no inap stapim mipela, tasol em bai mekim mipela i toktok moa. Mipela i save i gat ol manmeri i stap husat i laik toktok tasol ol i no inap bikos ol i pret long laip bilong ol na birua we inap kisim ol, Mista Bia i tok.

Memba bilong Goilala i tok Papua Niugini em fridom kantri na olgeta manmeri i ken mekim toktok we mama lo i tok orait long dispela na wanpela man i no ken pretim ol.

Em i askim Mista Napo long go het yet na sutim toktok long dispela samting bikos em i bikpela hevi bilong kantri.

TOKSAVE



KOPI GROWAS NA PROSESAS LONG LO I STOPIM BAIM NA SALIM SERI KOPI

1. CIC Lo bilong stopim pasin bilong baim na salim seri kopi long sait bilong ol rot na insait long hauslain em i stap yet.
2. Dispela Lo i stat pinis long dei 1 mun Mas 1998.
3. Ol papa bilong Wet Fektori i gat laisens tasol bai baim seri long ol plentesin, blok na bikpela gaden bilong ol smolholda pama husait laik salim seri kopi.
4. Ol dispela Wet Fektori mas baim Resista Pleit long CIC bilong karim seri kopi long gaden i go long fektori. Prais bilong wanwan pleit em K100. Kar we bai karim seri long plantesin, blok or bikpela gaden bilong smolholda pama mas karim dispela resista pleit. **Ol Resista Pleit i no bilong baim seri or karim raun raun na baim seri long en. Nogat. Em bilong karim seri igo long Fektori tasol.**
5. Long mun Octoba 1999, CIC bai raun inspektim olgeta Fektori gen. Wanem Fektori i no inapim stendet o mak bilong CIC, em CIC bai pasim olgeta.
6. Ol smolholda pama husait nogat kopi palpa (kopi masin) bai i gat sans long baim long CIC. Yuropien Yunion i givim moni long baim kopi masin na CIC i nau salim long prais ol baim long en. Husait pama kam wantaim moni pas taim bai kisim pastaim.
7. CIC bai wok bung wantaim ol Polis, Vilis Kot na Kaunsol long strongim dispela Lo long stopim man i nogat laisens long baim na salim seri or stilim seri kopi. Man husait i brukim dispela Lo bai baim K1,000 fain o go kalabus long 6-pe!a mun.

BADIRA VARI
CHIEF EXECUTIVE OFFICER

KANAGE

"Em nau, narapela wik bilong mi ken"




Fotnait Fraide na ol manmeri bisi long Kainantu maket. Papa Kanage i dresap gut tru na em tu i bisi stap. Trangu em i no bisi long baim kaikai. Em bisi long putim ai i go kam long ol yangpela meri nambaut i stap. Em i no tingting long ol lain salim kaikai i stap wanpela lapun mama bilong Makam i salim mango i stap. Kanage i no lukim lapun Makam i salim mango. Em putim ai long ol yangpela meri tasol na em kikim olgeta mango i go nambaut. Trangu lapun mama i sanap na krosim Kanage olsem. Anta sait bilong yu i klin tasol tamblo sait bilong yu i doti na su bilong yu tu i bruk bruk stret. Yu lukluk na wokabaut. Man Kanage i sem pipia stret na em bekim lapun ya olsem. Pes bilong yu i luk olsem mango bilong yu na lek bilong yu i olsem kokonas diwai bilong yu stret. Kanage i tekov pinis.

Bomis Gideon T. Kainantu

Kanage i wanpela biknem pes long Vanimo. Em i wanpela lenona bilong liklik ples Samararu. Olgeta taim Kanage i save dresap bikman na go raun raun long Vanimo taun. Taim Kanage i save olsem klostu belo, em bai siksti tasol i go long Sandaun Motel. Kanage save odarim rosted kakaruk na taim em save kaikai pinis, em save kwiktai ronawe na i no save baim kakaruk. Kanage i wokim dispela pasin planti taim pinis na waitman bos i luk-save pinis na i wok long painim rot bilong holimpas Kanage. Bos bilong motel kirap na kisim ain man sekyuriti Lihir long stap na putim was long Kanage. "Sapos Kanage i wokim wanem samting long kakaruk yu mas mekim wankain long em tu." Bos ya i tokim Mista Lihir. Neks de Kanage i siksti i go insait long motel, em no bin kaikai tu na bel bilong em wok long komplek planti. "Kwiktai Kanage laik brukim win bilong kakaruk. Yu brukim, bai mi tekewe han bilong yu tu." Sekyuriti Lihir i tok gen man Kanage i tingting planti tru. Kwiktai bren boks bilong Kanage i wok na em i apim han bilong em. Em surukim ol pinga i kamap olsem nambawan bainat ya na supim long as bilong kakaruk na tanim tanim insait, bihain em i kaikai gris long pinga bilong em. "Ah" swit moa! "Sekyuriti Lihir i skelim pasin bilong Kanage na i tingting planti gen. Sapos em i wokim wankain long Kanage em bai kaikai peks bilong em ya, olsem na em i tokim Kanage. "Em orait long dispela tasol yu winim mi." Kanage smail tasol na pinisim kakaruk.

Rodney Kalum Vanimo

Junia Kanage i raun long Mosbi siti i go na wanpela taim em i laik kam bek long ples na em salim tok long paps Kanage long kam wetim em long Kundiawa ples balus. Tulait i no bruk yet na paps Kanage i lusim Pari na wokabaut i kam Kanage i wet i go i go inap 9-pela aua na bihain balus i kam pundaun: (paps Kanage i bagarap long angere tasol em pasim bel) taim ol pasindia i kamaut long balus, Junia Kanage tu i kam tasol em putim ai glas na paps Kanage i no luk save gut. Em paul i stap na Junia Kanage kam holim han bilong em na tok, "paps (kain bilong Kanage ya em stap long taun ya olsem na em 'traim long yusim ol Inglis tu ya) paps Kanage i kirap nogut na tok "ai-yo" pikanini yu put-on testikols na



mi no ogonaisse yu gut na tu mi wet long taim na bel i tingting planti long Kaiya. (Kaiya tokples Simbu em kaukau) trangu paps bilong yumi Kanage min long tok aiglas na luksave tasol em abrus long Inglis bilong em.

Rodney Clyde Kundiawa

Kanage i bilong Markham na em i no save gut long tok pisin. Na tu em i man bilong kaikai buai stret, yu save Markham em ples bilong buai ya. Taim em i kaikai buai em i no save spetim meme bilong buai em i save daunim tasol. Em i mekim i go na wanpela taim bel bilong em i solap na i go olsem meri i gat bel. Olsem na em i pasim laplap tasol. Nau em i kirap na i go long Mutzing Helt centa long sekap. Em i go kamap na taim ol nes i lukim em ol ting olsem Kanage em i wanpela meri gat bel. Olsem na ol nes i go askim Kanage na em i bekim olsem "aiyo ol susa buai givim bel long mi ya." Ol nes harim na ting buai em i wanpela man. I no long taim bel bilong Kanage i wok long pen no em i wok long tanim. Ol nes meri lukim na ting Kanage i laik karim, olsem na ol i kisim em i go insait long wod bilong ol meri i karim. Wanpela sista meri i go insait na tokim Kanage olsem taitim bun long wanem mi redi. Na sista ya i putim han i go insait long laplap bilong Kanage. Tasol i abrus long holim bebi na i harim tupela belo Kaiapit bilong Kanage. Man! Em i kirap nogut na askim Kanage olsem, we, yu man o meri? Kanage tok man. Taim em i stori long stori bilong em. Sori, sista ya wail nogut tru na askim Kanage, na bilong wanem yu karim belo Kaiapit bilong yu i kam hia? Na Kanage bekim olsem. mi laik kisim marasin ya.

Axcy Steven Lae

"Kanage em i wanpela man Mendi, em i stap hia long Kimbe Seksen 10 Bus Kemp, orait em i gat wanpela pikinini man, nem bilong em Titgam. Orait olgeta taim, pikinini bilong em Titgam i save karai long bal. Em i laikim papa bilong em Kanage I mas baim wanpela bal na givim em. Orait pe de bilong Kanage na em i tingting long baim wanpela bal bilong pikinini bilong em Titgam, na em i kalap long Rut 2 bas na i go long taun. Orait taim em i go daun long bas stret em i lukim wanpela flawa ros bilong nambis. I sindaun long dua we bilong stua na em i pasim ai long Kanage. Na Kanage tingting

bilong em I bagarap olgeta. Orait hariap taim em i go insait na tokim stua kipa. Mi laikim samting ya i save i go antap na i kam daun. Man stua kipa paul olgeta na i askim em gen. Yu toktok long wanem samting. Stua kipa yu longlong ai mi toktok long ol pikinini i save tromoi i go antap na i kam daun. Yu no save maski, mi yet go na kisim. Kanage belhat nogut tru na em i go kisim bal na tekov i go long haus.

John Damai Kimbe

Kanage em i bilong Siassi distrik long Morobe provins. Em i kamap yangpela man pinis na tingting bilong marit i pulap tru long em, i mas marit, tasol em i wanpela girile o pukpuk man, olsem na ol meri i no laikim em. Taim Kanage i lukim ol meri bai em i singaut na wisil long ol, tasol ol meri i save tokim Kanage olsem, i gutpela long marit tasol yu mas rausim narapela siot ya pastaim, bai yumi pilim swit bilong slip. Kanage i mekim i go tasol nogat, na meri we Kanage i save wari long em nau i go marit pinis long wanpela man, no longtaim na singaut i kam long narapela ples bai ples bilong Kanage i go singsing long ples bilong ol. Nau Kanage i tingim wanpela pasin we meri inap lusim dispela man bilong em, ol i go singsing go 4 kilok moning na i kam slip, tasol Kanage i no slip tru. Yu save ol girile man ya, em i kirap na wokabout isi olsem pusi na i go kamap long meri we em i gat laik long em bipo, em i apim pulpul bilong meri ya. Na pekpek i go klostu long as bilong meri, taim meri i laik tanim. Sori em i bagarapim em yet long pekpek na rapim long man bilong em tu, long moning girile Kanage i kirap na bikmaus husat i pekpek na smel nogut i kam long mi? Olgeta manmeri kirap to

ktok na semim meri wantaim man bilong em, olsem man i paitim meri bilong em na lusim. Long dispela pasim girile Kanage mekim na ovatek i kamap na Kanage i maritim dispela meri gen.

Gisung Ngodup Mumeng

Kanage em i bilong ples Okopa insait long Isten Hailans provins. Wanpela taim, em kisim liklik Junia bilong em na tupela go painim abus bilong kaikai long nait. Tupela painim na nogat na tupela kukim sampela kaukau na weil kumu bilong bus. Papa Kanage werim laplap nating na nogat pens

i werim insait. Orait, em i sindaun i go daun na i no sindaun gut na liklik Junia bilong em lukim tripela pupu bilong papa Kanage na kirap tok olsem, "aiyo papa, F28 kirap long ples balus na tupela wil bilong em i hangamap yet na longpela nus bilong balus i ret yet long fran." Bihain hariap tru papa Kanage painim na laik lukim balus na sem-taim em tanim lek bilong em na liklik Junia kirap gen na tok, "oh paps, yu tuleit, balus yah i katim go baksait pinis long Mt Wilhem." Tasol papa Kanage ting Junia bilong em tok tru, tasol em sutim nus bilong papa bilong em long ol lain pupu bilong Kanage. Bihain kaikai pinis, tupela go long haus na papa Kanage bungim tambu man bilong em na tupela kukim stori insait long haus. Long aninit long haus, em liklik Junia i wok long painim ol geko na kilim ol wantaim raba ben. Taim liklik Junia i lukim wanpela geko, em taitim bun stret long pulim raba na taim em lusim, raba go stret na pas stret long tripela pupu bilong em na papa Kanage kirap nogut na ronim nating tambu man bilong em go ausait long haus. Ausait, liklik Junia helpim long ronim tambu man bilong papa Kanage na paps Kanage sanap na rausim laplap bilong em na painimaut olsem ol pupu bilong em aninit i ret olsem blut bilong dai pik.

Thomas Vineuel Kokopo

Kanage em i wanpela skul sumatin wokim gret 2 long komyuniti skul. Yang Kanage em i no cleva tumas long klasrum, neks de skul tisa i tokim yang Kanage yu spelim "word" sticky-tape" Kanage spell "sticky-tape". Orait tisa i tok yu go na askim hetmasta long "sticky-tape" yang Kanage i go ausait kolim "sticky-tape" "sticky-tape" "sticky-tape" na go long rot, tasol em i bamim lek long ston na pundaun. Em i kirap na kolim "sticky-tato, "sticky-tato" sticky-tato" na go, nok long na hetmasta i tok," hallow "Kanage i sanap na hetmasta tok, you got anything to say, Kanage i tok yes my teacher want a "sticky-tato" teacher tok what, "a stocky-tato," teacher i lap long em, yu must learn your alphabetical letter my son.

Joe Avel Bialla

Kanage bilong Jambri long wara Sepik. Wanpela taim Kanage kisim ol kaving bilong em i go salim long Wewak taun maket. Kanage sindaun i stap na wanpela turis i kam na skelim ol kaving bilong em i stap. Kanage kirap na tromoi hap Inglis long turis. Are you looking like my cavin? What? Na Kanage askim turis gen. Are looking like kaving? Na turis bekim no you look like your own kaving. Mekim na ol mama long maket holim baksait long lap.


Charlie Juda Maprik

Kanage em wanpela raskol bilong Goilala. Em go raun long Madang na laik brukim opis bilong wanpela haikul taim em lukim ol plis kam. Em tu em wanpela raskol na nau em save olsem bulet bai kaikaim em. Tasol hariap tru em kisim tingting na siksti go long sekyuriti geit na askim sekyuriti gad olsem, "Yu lukim meri pikinini i stap orait?" Sekyuriti gad opim maus paul i stap na Kanage paul pinis. Ol plis tu harim na ol ting em wanpela gutpela man tasol taim ol i askim sekyuriti, sekyuriti tu tok em i no save long dispela man. Nau ol plis save olsem raskol Kanage giamanim sekyuriti na tekov pinis. Samting tru taim Kanage askim sekyuriti long meri pikinini bilong em, em laik plis bai harim na ting em wanpela gutpela man.

Wat Pass Tea Waigani

MAS I KAM INSAIT NA WOKABAUT STREIT IGO

LONG NAMBAWAN DIL STRET LONG TAUN!



Baim niupela Toyota Kijang pikap o 10 sita bas nau long ol Ela Motors brans long dispela mun na mipela bai oraitim K500 Pas bilong yu long kisim ol kainkain samtum long Courts Mammoth Superstores. Hariap... Mas ikam insait na wokabout igo stret long niupela Toyota Kijang tete!

HAO LONG KISIM OL SAMTIM BILONG YU LONG COURTS

Raiting neim na adres bilong yu, na tu Ela Motors Fainel Invois namba na deit taim yu baim. Katim aut o karim dispela toksabe pepa igo long Ela Motors brans klostu long yu long oraiting dispela K500 pas.

**SUPA SPESEL
DRAIVIM IGO
PRAIS LONG OL
TOYOTA KIJANG
PIKAP NA OL BAS**

DISPELA
K500 PAS
BAI STAP IGO
INAP 31st MAS
1999, LONG
DISPELA MUN
TASOL!

COURTS
COURTS MAMMOTH
SUPERSTORES



K500 PAS
Setifikeit bilong yu

NEIM :

ADDRES :

FAINEL INV. No.:

Deit taim yu baim:



PORT MORESBY PH 3229400 LAE 4722322 KOKOPO 9829100 RABAU 9821988 MADANG 8522188
GOROKA 7321844 MT HAGEN 5421888 WEWAK 8562255 KAVIENG 9842132 KIMBE 9835155
TABUBIL 5489060 VANIMO 8571254 PORGERA 5479367 KUTUBU 5496685
BUKA 9839915 LIHIR 9864099 ALOTAU 6410100

EM6378

Narapela meri gen sutim tok long Presiden Clinton

Washington, Amerika: Taim Presiden Bill Clinton na ol pipel bilong Amerika i kisim win liklik na stap isi bihain long kot we ol bin pulim long las yia yet long traim autim bikman long sia bikos ol Demokret i bilip olsme em i rong long prenpasin em bin wokim wantaim wanpela Wait haus wokmeri, Monica Clinton, narapela meri gen i sutim tok long en long dispela wik.

Meri ya em Juanita Broddrick na em i sutim tok long samting we em i tok Mista Clinton i bin wokim long en 21 krismas i go pinis long asples taun bilong em yet, Little Rock, Arkansas.

Meri ya i bin kamap long televisen long Amerika wantaim stori olsem Mista Clinton i bin bungim em long hotel rum taim ol i holim wanpela bung bilong ol nes long 1978 na em i laik wokim pasin nogut wantaim em.

Mista Clinton i bin Atoni Jenerel bilong Arkansas long dispela taim. Ms Broaddrick i bin krai na tokaut long dispela samting insait long

wanpela intevyu wantaim NBC program, Dateline.

Presiden Clinton i tok em i sanap long toktok bilong loya bilong en, David Kendall husat i tok ol dispela em ol giaman toktok. Taim ol toktok i bin kamap las yia long pablik na kot long prenpasin namel long Mista Clinton na Mis Lewinsky, Ms Broaddrick i no bin laik tokaut bikos em i pilim olsem em no redi yet long autim stori bilong em.

Stori bilong em i go olsem em bin larim Mista Clinton i go insait long hotel rum bilong en bikos em i bin gat laik long en na em i no ting olsem bai i gat samting i rong long dispela. Tasol em i tok gen em (Broaddrick) no amamas taim Mista Clinton i suvim em yet long en, maski meri ya i tok nogat long en.

• Long wankain taim, i gat ol ripot olsem Fes Ledi Hillary Rodham Clinton meri bilong presiden bai i sanap long yia 2000 nesenele ileksen long Amerika. Misis Clinton i tok em bai skelim na glasim gut ol samting na tokaut long tingting bilong em long sanap olsem kendidet long yia 2000 nesenele ileksen.

Wari long ol pikinini i bon long rot ol i kolim long IVF



Gamble: frozen human sperm. ICS abolishes the idea of natural selection, that only 'good' sperm make it through.

• Ol wara bilong man we ol dokta i kisim na putim long frisa i stap bilong givim ol meri na wokim ol bebi long bihain taim. Piksa i kam long *Weekend Australian* niuspepa.

Wansolwara nius

Fiji

Biknem muvi man kamapim muvi long Fiji

Man Amerika husat i gat bikpela nem long wol olsem wanpela topman long wokim ol muvi, Stephen Spielberg bai i wokim piksa bilong em long ol ailan grup long Fiji ol i kolim long Manumanuca.

Muvi ekta Tom Hanks em i go pas long dispela piksa ol i kolim long Castaways.

Ol ripot long *Fiji Times* niuspepa i tok prodaksen kampani bilong Mista Spielberg ol i kolim long Dreamworks i rentim wanpela ailan long grup ya long wanpela yia bilong wokim dispela muvi piksa.

Fiji i bin winim narapela tupela Pasifik Ailan kantri long kisim Spielberg na piksa kampani bilong em long wokim muvi long kantri.

Ekta Hanks na famili bilong em i go pinis long Fiji na ol i stap nau long Honeymoon Ailan long redi long wokim muvi ya.

Narapela 150 muvi kru i stap pinis long kantri na ol i wok long stap long Sheraton risot long Fiji.

Nu Silan

Wanpela kampani stap insait long wok paul bilong ol Tonga paspot


I luk olsem stap na futja bilong 50 man na meri bilong Pasifik bai no gutpela long Nu Silan bihainim Nu Silan plis i kisim na holim paspot bilong ol.

Dispela i kamap bihainim wok paul we i sut long wanpela imigresen konsaltensi kampani long Auckland, Nu Silan.

Ol ripot i tok Monepatsie Imigresen Sevis kampani i stap insait long wok paul toktok na plis i wok long karimaut ol wok painimaut long dispela samting.

Ripot i tok ol 50 pipel i bilong Tonga.

Saut Australia bai kamapim bikpela pawa na ges stesen long Australia



• Ol naispela pisin ya wantaim longpela maus bilong ol we ol i kolim long peliken i swim long wara long Adelaide, saut Australia. Ol i kolim dispela hap long Peliken Poin. I luk olsem ol peliken i soim amamas bilong ol long wanem ol bai bildim wanpela bikpela pawa na ges stesen long Peliken Poin na dispela bai i kamap olsem top bikpela pawa stesen long Australia. Piksa i kam long *Weekend Australian* niuspepa

Nau sampela dokta i gat wari olsem "in-vitro fertilaisesen (IVF)" bai kamapim ol pikinini wantaim bagarap sampela bagarap long ol. IVF em dispela rot we ol dokta i kisim kiau bilong man husat i no inap long wokim pikinini long nomol rot na putim long frisa i stap. Bihain ol i save putim wantaim long kiau bilong meri na kamapim pikinini.

Wanpela konprens long dispela samting bai i kamap long Sidni, Australai long mun Me na ol dokta na saientis bai i stap long en. Wanpela grup bilong ol dokta na saientis bilong Brusels husat i bin kamapim pastaim dispela rot bai autim ol toktok bilong ol olsem dispela rot i seif na nogat hevi i kamap long ol pikinini we ol i kamapim long dispela rot.

Tasol wanpela grup bilong Royel Not Shore Hospital long Sidni, Australia bai autim narakain tok long dispela samting.

Dispela grup i bin karimaut stadi, glasim na skelim 100 pikinini i gat faivpela krismas we ol i bonim ol long dispela rot wantaim tu ol arapela we mama i karim ol long nomol rot. Ol dispela i gat wanpela krismas. Grup ya i painimaut olsem tingting bilong ol IVF pikinini i no save gro hariap tumas olsem ol narapela. Sapos em i olsem, orait rot we ol dokta i painim long daunim hevi bilong ol man husat i no inap long wokim pikinini i wok long kamapim narapela hevi, em long kamapim ol pikinini wantaim hevi na bagarap.

Epril bung bai givim kliapela toktok long dispela samting.

Portugal na Australia bai wokbung long helpim Is Timor

PORTUGAL na Australia, tupela kantri we i stap insait long ol samting long Is Timor i tok orait olsem ol bai wok bung wantaim long lukim olsem ailan provins bilong Indonesia ya i go gut long rot bilong kisim independens long Ondonesia.

Foren minista bilong Australia Alexander Downer i tok bikpela samting long wokim nau em long wok bung wantaim bikos tupela kantri i no laikim bai trabel i kamap taim Indonesia i lusim Is

Timor long en yet long pinis bilong dispela yia.

Indonesia i bin kisim Is Timor olsem namba 27 provins bilong em long 1976 tasol Yunaitet Nesens i no givim luksave long en. Bihain long planti krismas we ol toktok i kamap, Jakarta long dispela yia i bin tok sapos ol pipel bilong Is Timor i les long Indonesia i givim provins bilong ol gavman i gat moa pawa, em bai larim ailan i kisim independens. Na Jakarta i laik save long kliapela toktok

long dispela samting bipo long dispela yia i pinis.

Australia em i wanpela strongpela kantri klostu long Is Timor we i givim luksave long Indonesia olsem Is Timor em i wanpela hap bilong em. Na Portugal i save sapotim ol pipel na paitman bilong Is Timor husat i laikim ailan provins long bruk lusim Indonesia.

Mista Downer i tok Portugal na Australia bai holim ol toktok gen long neks mun na oi bai givim

helpim wantaim mani long Is Timor long en i karimaut gut ol wok edministresen long taim em i lusim Indonesia na kamapim nupela gavman bilong em yet.

• Long wankain taim tu, pasin bilong bagarapim narapela man i go het yet long Indonesia, maski kantri i gat moa fridom bihain Presiden Suharto i raus long pawa, Stet Dipatmen i bin tokau long dispela samting long anuel humen raits ripot bilong en.

Long sait bilong politikel na ikonimik senis, ol samting i kamp orait tasol pasin bilong mekim krangi wok (korapsen), ol sekyuriti fos i bagarapim narapela man na pasin bilong tagetim na bagarapim ol Saina lain i stap na go het yet.

Ripot bilong Stet Dipatmen i tok ol sekyuriti fos i wok long kilim dai, kalabusim na bagarapim yet ol pipel long ol hap bilong kantri we i gat trabel na ol pait grup long en olsem long Is Timor, Aceh na Irian Jaya.

Bill Skate i soim gridi pasin

Mi wanpela manki Morobe na mi laik autim bel hevi bilong mi long dispela pasin Prais Minista Bill Skate i mekim long raun long olgeta kona bilong Nu Ailan na Kimbe na long Mosbi yet na givim mani long ol kain kain grup.

Mi no amamas taim Prais Minista i gat mani long givim ol lain bilong em na turangu ol lida bilong Oposisen i nogat mani long skelim long ol pipel bilong ol bikos Bill Skate i blokim Rurel Eksen Program (RAP) mani bilong ol na ol ino inap stretim ol wok na projek bilong ol pipel bilong ol long ilektoret.

Long las wik mipela-harim olsem memba bilong Mosbi

Saut Ledi Carol Kidu i bin straik na i go long opis bilong Fainens Minista na sindaun wetim mani bilong em long hap inap ol Fainens Minista i givim em K70,000.

Narapela K80,000 bilong em i stap yet. Dispela i soim olsem mani i stap tasol Prais Minista na Gavman bilong em i giaman na haitim mani long ol yet i mas yusim na ol sampela pipel bilong Papua Niugini bai nogat bikos Prais Minista i gat birua long lida bilong ol.

Taim Gavana bilong Nu Ailan Paul Tohian i kalap joinim gavman long las wik, hariap tru gavman i givim K150,000 bilong em. Na

turangu ol Oposisen lain i wet yet.

Ol lain long gavman tasol bai kisim na Oposisen i nogat em i no gutpela tru bikos ol Oposisen tu i makim ol pipel bilong Papua Niugini.

Sapos gavman i ken givim mani bilong Paul Tohian na Ledi Kidu, dispela i soim olsem i gat mani bilong ol Oposisen lain i stap tasol gavman i laik panisim ol.

Ating dispela gavman em gavman bilong laik hatim bel bilong ol pipel tasol na i no gavman bilong skelim olgeta samting i go wankain long olgeta manmeri.

Dispela RAP mani em

bikpela lo bilong Papua Niugini i tok olgeta memba bilong palamen i mas kisim bikos em i mani bilong ol pipel na lida bilong ol i mas kisim na givim ol, maski em i Oposisen o Gavman memba.

Dispela kain pasin Gavman bilong Bill Skate i mekim em i olsem pasin bilong mama husat i save kros nating na i no skelim gut kaikai long papa na ol pikinini bikos em yet i laik kaikai planti.

Husat i laik bekim rait tasol long Wantok niuspepa bai mi ken lukim.

Masta Wai
MOSBI

Rausim 186 kalabus lain i pretim pipel

Mi laik sapotim pas bilong ol arapela brata susa husat i rait egensim pasin Prais minista Bill Skate i bin mekim long rausim 186 kalabusman i go fri long krismas las ya.

Dispela pasin Prais Minista i mekim i no gutpela tru bikos ol man ya i kalabus bihainim wanem trabel ol i mekim long komyuniti. Tok i stap pinis olsem yu sindaun isi bai yu stap gut na sapos yu mekim trabel, yu mas kisim panisim. Bihain tasol long Prais Minista i rausim ol kalabus lain long Krismas, wanpela bilong ol dispela man i kam aut na mekim trabel gen long lsten hailans provins we yumi olgeta i harim nius bilong em. Dispela lain bai i no inap senis. Ol bai mekim trabel i go bikpela moa na givim moa hatwok long ol plisman long painim ol na holim ol. Ol bai mekim moa trabel gen na bagarapim sindaun bilong ol gutpela manmeri long komyuniti.

Mi save olsem sampela bilong ol dispela lain i kam aut bai i no inap senisim pasin. Ol bai mekim birua gen long ol lain i bin kotim ol na

salim ol i go long kalabus. Bai ol i birua long ol man na meri husat ol i bin mekim trabel long ol bipo na i go long kalabus. Na turangu ol lain ya bai pret gen bikos ol i save olsem birua bilong ol i kam ausait gen.

Mi no ting gavman i skelim dispela kain hevi bai kamap pastaim long ol i rausim ol long kalabus. Dispela kain pasin i soim olsem ol lida bilong dispela kantri i no gat gutpela tingting long ronim kantri gut na lukautim gut pipel. Olsem na mi bai wanbel long gavman bilong Bill Skate i mas senis na nupela gavman i kisim ples.

Nau olsem gavman i bin rausim ol kalabus lain, mi laikim gavman i mas rausim tu gavana bilong Madang Jim Kas long haus kalabus. Bikos trabel bilong em i no bikpela wankain olsem ol dispela trabel lain gavman i rausim ol. Em tasol bel hevi bilong mi na husat i laik bekim em laik tasol.

Pono Kesu Ato
Madang.

Wau Bulolo kompensesen i no tru

Mi wanpela manki Watut nau yet mi no amamas long dispela Developmen Komiti grup we i bin kamap long Bulolo Wau olsem mausman bilong ol pipel na ol i makim seketeri bilong dispela grup em John Muingnepe. Mi save John Muingnepe em wanpela politiks man husat i bin resis long nesenel ileksen bilong Bulolo Open na lus na nau em i go pas long wanpela grup bilong Wau Bulolo gen.

Mi ritim long niuspepa olsem dispela komiti grup bilong ol i bin raitim petisen pas i go long Hai Komisina bilong Australia long Mosbi we Prais Minista Bill Skate i mas kisim na givim long Australia gavman long Australia i mas baim K700 milien long ol pipel bilong Wau Bulolo long bagarap bilong graun long bipo.

Hia mi laik tokaut olsem dispela Developmen Komiti Grup em mipela i no save tru ol kamap long wanem hap na raitim petisen pas nabaut ya. Mipela papa tru bilong Wau Bulolo we bagarap i bin kamap long en, mipela i no gat amamas long dispela

kain grup. Mi askim Prais Minista na ol Minista bilong em olsem ol i no ken sapotim dispela pas petisen bikos dispela grup ol kamapim i no gat gutpela sapot bilong ol papagraun we bagarap i bin kamap long ol na tu dispela grup i laik kisim dispela mani na mekim laik bilong ol yet wantaim.

Mi askim memba bilong Bulolo Samson Napo olsem sapos dispela petisen i kamap long palamen, yu mas egensim na tok olsem dispela komiti i nogat sapot bilong papagraun long en bikos ol i no bin kisim tingting bilong pipel bilong mipela. Ol dispela lain insait long komiti grup ya i gat politiks tingting bikos ol i bin politiks man bipo. Taim bilong nesenel ileksen i laik kamap bai yu harim nem bilong ol dispela lain i kamap klia. Noken yusim mipela ol pipel olsem politiks PMV bilong yu long ron long fri long winim samting yu yet i gat save na tingting long en na ol pipel tru i no klia long en.

Em tasol belhevi bilong mi na mi bai amamas long lukim, bekim bilong yu husat arapela pikinini tru bilong Wau Bulolo. Rait long Wantok na mi ken lukim.

Tendias J Namto
Watut - Bulolo

Redio Madang i mas pilaim moa lokol musik

Mi laik autim wari bilong mi olsem bilong wanem na Redio Madang i no save pilaim tumas ol singsing tumbuna bilong Madang na PNG na tu ol stringben na laipben musik bilong PNG stret. Ol i save pilaim wan o tupela tasol na dispela gutpela tru bikos yumi i no waitman na bai yumi harim musik bilong ol waitman tasol long dispela redio program.

Sapos yumi ken harim program bilong PNG stret long ol redio stesin bilong PNG bai i gutpela bikos yumi i wok long apim o promotim lokol musik na kalsa bilong yumi long kantri.

Mi askim ol bosman bilong Redio Madang long kamapim gutpela program bilong ol lokol musik stringben na tumbuna singsing i mas kamap bai yumi ken harim na ol pikinini bilong yumi tu i ken harim na save long stail na kalsa bilong Papua Niugini stret.

Em tasol wari bilong mi na mi bai amamas long lukim husat brata susa i laik egensim o sapotim long Wantok niuspepa bilong yumi olgeta PNG pipel.

Saimon Kosebi
KIMBE

Ol boksa i mas pait long winim prais mani

Mi wanpela ful sapota bilong dispela spot bilong boksen insait long kantri. Na mi laik autim wanpela tingting bihainim dispela nius olsem long Kimbe ol i save pait olsem profesenel boksen resis. Em i min olsem ol man i winim pait na kisim mani.

Dispela em gutpela rot bilong kirapim spot bilong boksen insait long kantri bilong yumi.

Long PNG yumi gat tupela boksen grup we yumi kolim PNG Boksing Lig na narapela em PNG Boksing Amatsa. Gutpela long kantri i gat tupela boksen asosiesen olsem na tupela i mas kamapim tonamen insait long kantri na ol sponsa i ken sponsarim dispela pait na wanwan paitman. Husat boksa i win em i ken kisim prais mani na sapos wanpela asosiesen i winim planti poins, orait em i ken winim dispela taitel bilong tonamen na ol i ken kisim prais mani bilong ol.

Mi wanpela strongpela sapota bilong boksen na mi laik lukim dispela spot em yumi mas pait long mak bilong profesenel bai ol boksa i ken trening strong na pait strong apim level bilong boksen insait long kantri i go antap bai yumi ken givim hat salens tu long ol top boksa man bilong arapela kantri.

Em tasol tingting bilong mi na husat arapela i laik sapotim o egensim em laik tasol long rait na autim tingting bilong em.

Joel Kenish
LAE



PNG HIT

Parade
1999

SPONSOR -
TRADEWINDS

W/B	LW	T/W	SONG	ARTIST
1	1	1(5)	I Roto I To'ora Ra'a	New Generation
5	2	2	Pace Stel Pica Pica	XB1
6	6	3	Daiguai	Lia Osborne
2	4	4	Ua Ro'o Hia To'u Tino	New Generation
4	3	5	Name Soda	Steve Lahui
7	5	6	Swit Teine Blong Moro	XB1
0	15	7	Tahiti Summer	Maruia
0	13	8	Bula	Kapena/Sakiusa/George
3	7	9	Lutu Na Yakava	Kabani
14	8	10	Vavine Regina	Steve Lahui
15	11	11	Mi Lus Man	Lia Osborne
9	12	12	Madio	Steve Lahui
10	10	13	Kekeni	Noel Asi
14	14	14 (4)	Madang	Demas Saul
8	9	15	Samarana	Vatdoro
13	16	16	If You Say	Kooli Foots
16	17	17	Rumaruma Te Moua	New Generation
18	18	18	Mighty Love	Kooli Foots
15	19	19	Meri Ailan	Demas Saul
17	20	20	Amari Ute	Patti Oa

IN: Nil
OUT: Nil

PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Sapos yu laik salim ol pas bilong yu i kam long dispela niuspepa, salim i kam long dispela adres:
THE EDITOR
WANTOK NEWSPAPER
PO BOX 1982, BOROKO, NCD.

Tigers i mekim tok lukaut

GORDON TAS RIPOT

LAPWING Tigers i mekim strongpela tok lukaut i go long ol tim husat i resis long primiasip long was aut.

Tigers i autim dispela toktok bihain long ol i nekim kompetisen lida, Blue Heelers 12-6 long bikipela gem long Sarere long oval long Gordon Plis Bareks.

Tigers i kamapim wanpela pilai stret long las Sarere. Difens na atek bilong em i gutpela tru na dispela i paulim tru strongpela tim ya, Blue Heelers, long stail bilong ol.

Ol boi long Lapwing i bin mekim sampela gutpela senis we i karim kaikai ya. Robin Taleng husat i save pilai faiv-et i go pilai senta long sapatim winga Sabake Kaboi.

Orait Ila Tete i kambek na sindaun long faiv-et posisen na dispela i helpim tru Tigers long win. Tete i kamapim gutpela pilai stret long setim ol

bikipela fowat olsem Patrick Arada, Wallace Heni na Gona Kerry long brukim difens bilong birua bilong ol.

Tupela tim wanpela i pilai strong tru na nogat wanpela tim i skoa, olsem na skoa i sanap 0-0.

Tasol long namba tu hap, Tigers i no westim taim na winga Junior Bruno i skoa. Kerry i kisim bal na kikim wanpela gutpela kik na senta Sabake Kabai na Bruno i resis long kisim bal. Tupela i go na Kabai i trikim difens bilong Heelers na Bruno kisim bal na skorim trai. Konvesen bilong dispela trai i kamap na skoa i go 6-0.

Orait stap liklik, hapbek bilong Tigers Mathew Duana i putim wanpela graba kik na winga bilong em Augustine heni i go putim trai long apim skoa i go 12-0.

Tasol ol Heelers i bekim wanpela na mekim skoa i luk moa nais 12-6 long fultaim.

Bulldogs rausim tewel bilong Dragons

TAS RIPOT

WILSON DAVID i raitim

WARD Bulldogs i daunim stret bikipela laik bilong Taurama Dragons long pilai long fainel bilong Gordon Tas ragbi long Pot Mosbi. Dispela kompetisen i save kamap olgeta wiken long Gordens Plis Bareks.

Bulldogs i autim Dragons 6-5 long i gat

namba tu sans gen long dispela wiken. Tupela tim wantaim i pilai gut tru. Ol i laik traim brukim difens long putim planti trai tasol nogat sans ya.

Gordon Quito, Joseph Vaieke, Francis Pisimi na Roy Simatu i go pas long fowat bilong Dragons. Ol i kamap ol gutpela pilai tru tasol ol i no save holim gut bal na dispela i daunim poin bilong ol. Taim Bulldogs i luksave long dispela trik bilong ol, ol tu i

kamap trik we i paulim tru ol Dragons.

Bulldogs klostu long putim trai taim ol pilaia bilong Dragons i no kisim bal kwik na senta Robert Ava i kisim bal na laik putim trai na em i dropim bal ya.

Bulldogs i go putim taim senta Henry Tarue husat i save pilai long Post Puma i kikim bal na setim winga bilong em, Michael John long putim trai. Tarue i kikim konvesen na skoa i go 6-0.

Taim Dragon i lukim olsem ol i stat long yusim tupela brata Alex na Julius Krewanty. Gutpela tingting bilong ol klostu karim kaikai taim Alex i setim winga Kelvin Ketty long putim kona trai.

Konvesen kik i no go insait na skoa i sanap 4-6. Tasol ssamting olsem tu minit i stap, hapbek bilong Dragons Rova Eddie i kikim wanpela fil gol long surikim skoa i go long 5-6 inap fultaim.

Elcom katim pawa bilong Manalos

POT MOSBI MENS SOFBAL RIPOT

ALERT Elcom i semim stret biknem tim FAI Manalos taim ol i winim ol 8-6 long bikipela gem bilong Pot Mosbi mens sofbal kompetisen las wik.

Ol i painim hat tru long winim NGI tasol ol i laki long las inning long rekotim tripela ran long winim ol 3-2.

Tupela win long wiken nau i putim ol long namba tri ples wantaim Brown Eagles. Tasol ol boi Matupit i abrasim ol liklik bikos long gutpela namba bilong ol gol ya.

Kompetisen lida Gazelle em wanpela arapela tim husat i winim tupela gem long wiken. Poin lata nau i

sanap olsem Gazelle 32, Manalos 29, Brown Eagles 28, Elcom 28, NGI 18, Bears 17, Tigers 16, MSC 16, Hawks 11, Malangan 3 na Dolphin 2.

Gem namel long Elcom na Manalos i gutpela tru we Elcom i bekim dinau taim ol i lus 5-3 long namba wan raun. Dispela taim ol pawa man i no laik dispela rekot i stap yet na ol i bekim stret dinau. Dispela tripela ran i kamap taim ol patim baundri we i mekim planti ol sapota i guria stret.

Elcom winim tos na ol i askim Manalos long bet. Olsem ol boi Elcom i no sanap long fil. Peter Simon, namba wan pita bilong Elcom i mekim gutpela wok

stret long stapim ol gutpela beta bilong Manalos long i no rekotim wanpela ran ya.

Kosa bilong Elcom Iskel Tovia Snr i amamas tru taim Manalos i no rekotim wanpela ran long namba wan ining ya. Orait taim bilong Elcom, Simon Daniel i go pas long bek. Em i patim wanpela gutpela bal na winim tripela bes olgeta.

Yangpela Demas Tovia i patim wanpela baundri long bringim em yet i kam hom na Daniel tu. Dispela i surikim skoa bilong Elcom i go long tu na Manalos i no skoa yet.

Albert Koniel na Peter Simon klostu i kam hom tasol gutpela pilai bilong ketsa Daniel Mong na Jerry Edward bilong Manalos i

autim tupela pilaia. Simon i laik traim stilim namba tri bes tasol ol i nekim em long rot ya. Dispela i kirapim stret ol sapota bilong Manalos long singaut. Orait long dispela inning, Manalos i rekotim 4-pela hom ran.

Edward i kam hom na bihain long em Lawrence Pae. Arapela hom ran i kam long Pelegia na arapela long Edwin Mila. Arapela tupela ining, ol beta bilong Manalos i kisim taim stret ya bikos nupela pita John Ilam i no givim sans long ol long skoa.

Elcom i rekotim tripela ran long namba tri ining. Ol lain i kam hom em Tony William, Laku William na Tavol long go pas na kisim long skoa.



NESENEL KOT I RAUSIM PINIS KOT BILONG PANGA LONG PNG KOPI INDUSTRI LTD

Long Fraide 12, Februari 1999 long 3.55 long apinun, Deputi Sif Jastis, Sir Mari Kapi i rausim kot bilong Panga long askim K25 milien long CIC. Jastis Kapi tokaut pinis olsem dispela kot bilong Panga i nogat as bilong en. Long Mas 8, bai Nesanel Kot stat long harim kot bilong CIC i kotim Panga long K11.7 milien.

Dispela tokaut bilong kot i givim bikipela amamas long ol pablik wantaim kopi industri bilong PNG. I wanpela bikipela mak tru, i soim olsem i gat stretpela rot na gutpela rot i stap long kot sistim bilong PNG. PNG kopi industri i gat bikipela bilip long dispela Kot. Dispela tokaut bilong Kot, bai i givim kopi industri bel isi na gutpela bilip long olgeta. Em wanpela mak tok save long husat i save wok gut bilong helpim na kirapim gut kopi bisnis olsem wok wanbel na putim gutpela bilip long oltaim.

Mi Siaman bilong PNG Kopi Industri Bod na long dispela gutpela taim mi salim bikipela tenkyu i go long husat manmeri na oganaisesen ol i bin givim bikipela helpim na gutpela toksave long CIC inap bringim dispela samting i go long Kot.

Spesel tenkyu i go long dispela pipel na ogenaisesen:

Ol 2 milien kopi groa bilong PNG; Ol kopi Prosesa na Ekspota; Praim Minista bilong PNG, Hon. Bill Skate; Minista bilong Egrikalsa na Laivstok, Hon. Tukape Masani; olupela Deputi Praim Minista na Minista bilong Fainens na CIC, Hon. Chris Haiveta; olupela Sif Esekutiv Ofisa bilong CIC nau Vais Minista bilong Tresuri na Plening, Hon. Ron Ganarafa; Siaman bilong PNG Smolholda Kopi Growas Asosiesen, Mr. Roderick Fonovee; Siaman bilong Kopi Plantesen

na Prosesas Asosiesen, Mr. Dick Hagon; Siaman bilong Kopi Ekspota Kaunsil, Mr. Joe Mek-Teine na ol olgeta olupela Minista bilong Gavman.

Wantaim dispela mi laik tokaut long pablik olsem mi givim bikipela tenkyu na amamas long olgeta olupela memba na ol memba i stap nau bilong Bod o Dairekta bilong CIC na ol wokmanmeri bilong CIC long bikipela wok ol i bin mekim long dispela samting. Mi laik putim traipela amamas na tenkyu i go long Sif Eksektiv Ofisa i stap nau na menesmen tim bilong em wantaim olgeta wokmanmeri long bikipela wok na hevi ol i bin karim long dispela samting. Wok bilong ol loya bilong CIC, Warner Shand Lawyers long winim dispela kot i antap moa. Gutpela tru.

Long pinisim dispela tok, nau i klia olsem dispela kot bilong Panga i afektim gutpela sindaun bilong biklain manmeri insait long PNG, wantaim ekonomi na sindaun bilong kantri wantaim. Bilong winim kot i bin gat traipela helpim na wok wantaim i bin kamap wantaim long sait bilong gavman na sait bilong bisnis. Dispela wok bung wantaim i gutpela bilong helpim kantri, olsem yumi mas wokim oltaim bilong stretim ol hevi bilong ekonomi na kantri.

Tenkyu olgeta long helpim bilong yupela long mekim kopi industri long PNG i wanpela nambawan bisnis long putim moni bilong yu.

PUGMA KOPI
Siaman bilong CIC Bod
PNG Kopi Industri Kopresen



Wiken Spots Dro

PRIVATE COMPANIES NETBALL DRAW

GRAND FINALS
Sunday, March 7, 1999.

- Division 1
- 3.00 Post Courier vs SPH 1
- Division 2
- 2.00 Pom Travelodge 1 vs CCA
- Division 3
- 2.00 EFM vs Brian Bell 1
- Division 4
- 2.00 Kenmore 1 vs Pacom
- Division 5
- 2.00 BSP vs Paterson
- Division 6
- 1.00 Craftworks vs Goodman 1
- Division 7
- 1.00 Air Niugini vs AEI
- Division 8
- 1.00 BHP Steel 1 vs Kenmore 2
- Division 9
- 1.00 Avis vs ANZ Bank
- All teams participating are encouraged to take Court prior to allocated time.

PEPSI NCD PUBLIC SERVANTS SOCCER

Saturday, 06 March 1999.

- Bisini 1
- 08.00 M1 NSO vs NPF
- 09.20 W1 DAL vs Works
- 10.30 M1 Education vs Harbours
- 11.40 W1 Harbours vs Education
- 12.45 M1 Telikom vs BPNG
- 14.05 W1 NBC vs Transport
- 15.10 W1 Air Niugini vs NPF
- 16.05 M1 PMGH vs Air Niugini
- Bisini 2
- 08.00 M2 Cellnet vs A/General
- 09.20 W2 A/General vs Cellnet
- 10.30 M2 Diwai vs Health
- 11.40 W2 Health vs Fisheries
- 12.45 M2 Commerce vs Police
- 14.05 W2 BPNG vs IRC
- 15.10 W2 NSO vs Elcom
- 16.05 M2 Transport vs PNGBC

- Sunday, 07 March 1999.
- Bisini 1
 - 08.00 M1 UPNG vs DCA
 - 09.20 W1 DCA vs UPNG
 - 10.25 W1 NBC vs Defence

- 11.30 M1 NCDC vs Air Niugini
- 12.50 W1 Transport vs Diwai
- 13.50 W1 Teachers vs Telikom
- 14.55 M1 NSO vs BPNG
- 16.00 M1 Telikom vs NBC
- Bisini 2

- 08.00 M2 Defence vs Elcom
- 09.20 W2 IRC vs Fisheries
- 10.25 W2 A/General vs POSF
- 11.30 M2 POSF vs Commerce
- 12.50 W1 DAL vs Education
- 13.50 W1 NCDC vs NPF
- 14.55 M1 Education vs Works
- 16.00 M1 DAL vs NPF

Note: Men's Division One, (NBC vs Harbours and DAL vs Teachers)
Women's Division One, (Harbours vs UPNG and DCA vs Diwai).

POINTS LADDER

Men's Pool One

Teams	GP	W	DG	DZ	L	GF	GA	PTS
Works	13	8	0	2	3	25	13	26
NCDC	13	6	3	2	2	25	13	26
NSO	12	6	2	1	3	22	12	23
DCA	12	6	2	0	4	18	22	22
A/Niugini	12	6	0	2	4	22	15	20
UPNG	13	6	1	0	6	18	20	20
NPF	11	5	2	1	3	14	12	20
Telikom	12	6	0	1	5	14	12	19
Harbours	11	5	1	2	3	15	10	19
BPNG	12	4	2	1	5	17	18	17
Education	12	4	1	3	4	8	9	17
Teachers	13	3	3	1	6	22	25	16
PMGH	12	3	2	0	7	12	20	13
DAL	12	3	0	0	9	14	28	9
NBC	12	1	1	2	8	8	26	7

Women's Pool One

Defence	13	11	2	0	0	36	3	37
Telikom	13	9	2	2	0	20	2	33
NCDC	13	9	0	1	3	22	11	28
A/Niugini	13	8	0	2	3	16	5	26
NPF	12	8	1	2	3	14	8	22
Works	13	3	5	2	3	16	14	21
Education	12	6	0	4	3	15	5	19
NBC	12	4	0	3	5	10	11	15
UPNG	11	2	1	4	4	5	10	12
Transport	12	2	1	3	6	6	17	11
Diwai	12	1	3	2	6	8	17	11
Teachers	12	2	1	2	7	3	20	10
DAL	12	1	2	3	6	5	20	10
Harbours	12	2	0	2	8	4	17	8
DCA	12	2	0	0	10	8	28	6

Men's Pool Two

Police	13	8	3	2	0	21	5	32
Elcom	12	8	3	0	1	37	8	30
POSF	13	8	1	1	3	21	11	27
Defence	12	8	0	1	3	19	8	25
Cellnet	12	7	1	1	3	29	13	24
Diwai	13	6	2	1	4	23	19	23
PNGBC	13	5	2	2	4	15	16	21
Health	12	5	2	0	5	14	17	19
Transport	12	3	4	1	4	16	17	18
Fisheries	13	5	1	0	7	22	16	17
A/General	12	4	2	1	5	17	13	17
Commerce	12	2	2	0	8	9	30	10
NCC	12	2	2	0	8	5	37	10
IRC	10	1	1	0	8	5	23	5
ICPNG	9	0	0	0	9	0	18	0

Women's Pool Two

Cellnet	12	10	2	0	0	29	2	34
Police	13	8	1	3	1	17	5	29
Health	13	8	1	1	3	17	9	27
NCC	12	8	1	1	2	12	4	27
Elcom	12	7	0	1	4	13	6	22
NSO	12	4	3	3	2	10	6	21
POSF	13	5	0	5	3	10	8	20
BPNG	13	5	1	2	5	14	9	19
IRC	12	4	1	2	5	8	12	16
A/General	12	4	0	2	6	6	11	14
Fisheries	12	4	0	0	6	6	15	12
PMGH	13	3	0	3	7	6	15	12
Commerce	11	1	2	1	7	4	16	6
PNGBC	9	0	0	0	9	0	18	0
ICPNG	9	0	0	0	9	0	18	0

OKKAIHENZ Rugby League Draw

Sunday, March 7 1999
B GRADE

Negifi Bears vs Tapaya
Usu United vs Kaki Bros
Bye - Yamaso Raiders



A GRADE

Negifi Bears vs Henz
by Gunagi Falcons



ZENAG - Gutpela kiau

WANTOK SPOT



Madiu i winim sia bilong presiden

PNGFA ILEKSEN RIPOT

HENRY MORABANG i raitim

MADIU Andrew, wanpela bikman bilong Mineral Risoses Developmen Koperesen (MRDC), em i nupela presiden bilong Papua Niugini Futbol Asosiesen.

Insait long bikpela anuel jenerel miting, Madiu i winim wok taim em i autim birua bilong em David Chung long 10-pela vot na Chung i kisim 7-pela tasol.

Lahi i sponsarim Madiu long dispela resis, na Pot Mosbi i sapotim. Long sait bilong Chung, Mt Hagen i sponsarim na Goroka i sapotim.

Madiu i winim tru dispela resis taim Alotau, Misima, Lahi, Wau, Kaiapit, New Briten Oil Pam, Pot Mosbi Skul Soka, Tabubil, Pot Mosbi na Koupa i votim em.

Mt Hagen, Mendi, Goroka, Simbu, LFA, PSSA na Wabag i sapotim Chung bihain long Peter Mommers i lus namba wan raun bilong vot. Mommers i kisim wan vot tasol we i kam long sponsa Wabag soka.

Strong bilong Mommers long winim presiden i popaia taim PSSA, Pot Mosbi Skulbois, Alotau na Mendi i bruk na joinim tupela arapela grup.

PSSA na Mendi bruk lusim na joinim Momase Hailens blok na POM Skulbois na Alotau i joinim Lahi/PMSA blok.

Mommers husat i gat bikpela tingting long winim bek sia i tromoi klostu olsem K12,000 long wok kempen bilong em.

Madiu i kisim wok presiden na Seth Daniel i winim sinia vais presiden na Michael Tomun i kisim junia vais presiden. Ol komiti em Kisaku Posman, Cathy Davani, Paul Pondo na Ellison Lapan.

Mary Albaniel husat i wimens kodineta bilong PNGFA tu i lusim sia bilong em.

Nupela eksekutyuf bilong Madiu i holim yet Peter Mommers olsem honarari presiden na Edris Kumbuwah olsem honarari komiti.



• Nupela presiden bilong PNGFA Andrew Madiu i sekhan wantaim olpela bos Peter Mommers bihain long ileksen long NSI, Goroka.

Madiu insait long namba wan toktok bilong em olsem presiden bilong PNGFA i tokaut olsem eksekutyuf bilong em i givim wok honarari long Mommers bikos em i mekim bikpela wok tru long kamapim nem bilong PNGFA long Osenia na FIFA.

Mommers i mekim bikpela wok tru long PNG yet we Wabag soka i kamap strong

tru. Wabag meri em wanpela soka tim we i save pinis long top foa ples bilong fainel ya.

Insait long miting tu, ol asosiesen i pasim nupela konstitusen bilong en. Dispela nupela konstitusen i bihainim stret mama lo bilong FIFA. Posman na Kathy Davani i go pas long redim konstitusen.

Dat sisen bai stat long Moonlight Restaurant

POT MOSBI DAT RIPOT

POT MOSBI Dat Asosiesen bai statim sisen bilong em long tomoro long Moonlight Resturant Dispela em i nok-aut tonamen na bai ran inap sampela wik pastaim.

Presiden bilong Pot Mosbi Dat Asosiesen John Maliku i tok em i save olsem namba bilong ol tim i rejista bai surik i go antap long Sarere. Planti tim i no rejista

tasol taim bilong kompetisen stret, ol tim bai soim pes long stap insait long 1999 dat sisen.

Maliku i tokaut olsem kompetisen tru bilong Fours bai stat neks wik na bai ran i go inap Oktoba.

Presiden i mekim tok lukaut olsem ol pilaia i senisim klap i mas bihainim gut lo bilong asosiesen. Sapos ol i no bihainim seksen 15 bilong mama lo (konstitusen), ol bai kisim taim ya.

Em i tok sapos wanem ol klap i no save long

dispela lo, ol i mas ringim ol opisel bilong asosiesen.

Ol nupela fi i sanap olsem K3 long wanwan pilaia, K150 long wanwan tim - nominesen fi na K20 long registresen bilong ol pilaia.

Maliku i no amamas tumas long woksap bilong tim kepten i kamap las wik. Sampela ol klap i no salim tim na em i askim sapos dispela kain pasin i mas stap.

Em i tok skoa kat em i wanpela bikpela samting tru long pilai dat. Dispela kat i ken tokaut long ol

pilaia i pilai gut o nogat. Em i tok strong tu olsem long dispela kat tasol ol i ken selektim tim bilong ol long stap insait long ol nesenel tonamen.

Insait long dispela sisen, planti ol pilaia i pilai gut i ken makim Pot Mosbi long Papua-Rijon Dat sempionsip we bai kamap long Pot Mosbi long Independens wiken.

Maliku husat tu i vais presiden bilong PRDF i tokim Wantok olsem ol intanesenel dat federe-sen i givim tok orait pinis long PRDF i ken karim aut wok bilong em.

Foapela tim bai pait long LFA kap

LFA SOKA RIPOT

FRANCO NEBAS i raitim

LAE Futbol Asosiesen (LFA) bai lukim 4-pela klab i resis long winim LFA op-sisen Kap long dispela wiken.

Poru, Bara, Blu Kumuls na West bai traim skelim bun long Sarere we wanem tupela i moa strong bai bung long gren fainel long Sande.

Gem i stat tripela wik i go pinis na poin lata i sanap olsem pul A Kumuls 10, West 8. na long pul B em Poru 10 na Bara 9.

Long Sarere, Poru bai salensim Wests na Blu Kumuls wantaim Bara. Dispela tupela gem em ol opisal i bilip olsem bai strongpela stret long wanem ol dispela tim i gat ol rait lain tasol i stap we ol kaikain stail bai i kamap.

Long gem namel long Poru, em ol pilaia olsem Augustine Guarin, Sai Saun na Nopi bai go pas long bagarapim sindaun bilong West tasol ol lain long Taraka tu ol i gat namba long tanim plet ya.

Long wankain taim tu fainols bilong Hailens soka klab sempionsip i muv gen i go long mas 27, 28 na i no long Mas 13,14,1999.

Dispela long wanem ol klab husat i stap long hailens i pret long kam daun bikos long dispela taim yet bai ileksen long hailens ya.

Man i go pas long dispela fainel Augustne Guam i tokim Wantok olsem dispela ol tim antap long hailens i mas hariap na ringim em long makim arapela taim bilong ol.

Dispela long wanem ol i ken lukluk long ol ples bilong slip na trenspot bilong i go kam long pilai.

Long moa infomesen ol i mas konteim long telefon namoa 472 1695 o 472 2117 long Lae.

Ol klab husat i kwalifai long fainels em. Pul A, Momads (HGN), Buresong (LFA), IC Drifters (HGN) na Kalem (HGN), Pul B, Poru (LFA), Blu Kumuls (HGN), Elcom (WBG) na Blue Kumuls (WBG).

Long ol meri em, Telikom (GKA), Pascols (HGN), Elcom (WBG) na Blu Kumuls (WBG).

Spot
poto

- pes 14

Spot
dro

- pes 31

NRL dro
bilong 1999

- pes 18

LATEST LONG SPOT

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.